

謝氏族譜

參

卷





謝考祥先生暨德配曹孺人六十雙壽序

人生富貴壽考性也有命焉君子不謂性也自吾有生日
不免貧賤憂戚即瑣七嫵姪半皆噓寒問煖僅具饘鬻蓋
出作入息饑食渴飲羣相忘於不識不知故不汨七於富
貴亦不戚七於貧賤晚近澆薄富貴驕人貧賤者因其可
驕從而諂之諂富貴欲去貧賤而就富貴卒至富貴不可
必得貧賤相守以終惟不戚七於貧賤乃能相安於貧賤
亦即可以處富貴如吾表兄 考祥先生者非所謂始貧
賤而今富貴者耶良田數百頃所居猶是先人敝廬積穀
數千鍾所食毋過脫粟一飽自吾先姑丈 銘初公以儒

業相守甘貧如飴至 先生昆仲乃相率棄儒業謀所以

自食之道稍稍從事商業賃扁舟計米鹽往來柳耒二水

間握算持籌蠅頭稍積復設肆蓼市懋遷貨殖利權因之

日張在吾鄉黨中稱極富焉 先生固猶是粟菽布帛淡

然寡營以求田闕舍送子讀書畢乃事性端默寡言然遇

公眾事復侃侃不稍阿曲人有欺詐或屏不與言或遭直

指朋友交際語摯情真遇文人侈談道藝與後輩倡言家

業均具有條理慷慨好施與吾鄉柳候小學校及得勝團

下五甲義學義倉皆仗義輸將毋稍悒衡郡湘潭兩壽佛

宮係往來行旅憩息之所 先生未嘗一至僅憑鳳梧鳳

槐兩世姪傳說輒捐多金他若修橋補路各善舉猶更僕
末易數生平不喜虛名初族修家乘舉先生充主修俗
以任是舉者必名列縉紳闔族士夫群請捐貲入太學相
敦勸先生雖勉徇所請輒未嘗炫燿於人里中文學士
極喜延攬延師課子弟讀脩脯必豐必敬其崇儒重道能
以禮自守如此又得賢淑以爲之助夫人姓曹氏勤敏敬
順能得吾姑氏懽妯娌之間謙讓未遑躬任井臼不稍推
委性靜潔不飾丹鉛自安義命自姑氏棄養家具遺囑兩
兩勻分夫人獨淡然若忘致以爲人之貧富有命苟富也
區匕是物奚恤如其貧也雖得之亦豈能久存其達觀真

言上九
士夫不翅矣持家有理法爲鄉黨所推許生丈夫子三長
鳳樞畢業長沙湖南法政次鳳槐畢業省立第三師範學
校三鳳林幼讀其程途俱未可量女三各適名門今先
生與其夫人花甲雙週鳳梧輩以家庭慶幸乞序於子固
辭不獲乃相與銓次其庸德懋行及始貧賤今富貴之成
因並以覘人生富貴壽考雖性定實有命存焉傳稱貧而
樂富而好禮竊本斯義勉爲先生薦一觴謹序

壽對聯

有子克家鳳毛濟美

齊眉舉案麟趾呈祥

玉種藍田室家相慶

天錫純嘏福祿攸宜

綵綯鳳毛已卜高門容駟馬

耆

指

借


權

案眉鴻舉笑看新婦薦羹湯

湖南省立第三師範學校校長愚表弟 段廷珪謹撰

時

中華民國十六年 歲在丁卯 孟冬月 下浣 穀旦



鳳手... 高門...

天... 餘... 蘇...

生... 植... 田... 室... 宋... 甲... 費...

周小能先字崇友先生傳

大學篇有云此謂治國不以利爲利以義爲利蓋謂治國
宜然未言及家殊不知治家之道亦不外此矣第世不察
鮮有悟其說者也若我族弟能先其庶幾乎弟少讀天
資穎異能明大義比長失怙爲家計改業屏詩書而營貨
殖雖貲本缺乏而握算持籌謀畧過人販售杉木購諸本
邑西南鄉披星戴月懋遷於永耒之間涉江泛湖轉運於
湘漢之外最善億中以少許勝人多許久之而度支稍裕
因門通閩閩繼業杜康經營四方心無僨刻事靡詐僞光
明磊落義然後取雖五尺之童莫之或欺以致利權子母

業產苟完然未嘗封殖自私誠心推解不減周禮任卹之
風識恢廓樂施與財輕若糝義重如山同輩中緩急有無
傾囊與之無恹色如友某信手付金數十緡多年不問償
友病卒又無衣衾棺槨之貲其子向泣弟復與金十餘
其信義敦篤倍於尋嘗性至孝特恨父逝太早未盡定省
溫清之情故奉母氏色養備至市有新味不論貴賤必購
以供之卽或有時外貿而本處之難購者遠餽續紛也
如在左右卽萊舞班衣不是過也其孝行有如此者生平
喜交遊好賓客杯盤款洽必盡其情閒或談諧談言微中
罔不令人解頤得子稍遲視若掌珠而其殷勤送讀絕無

無姑息之愛隆師重道脩脯特別從優尊師盡善處衆謙
和不事囂凌閒有唾面直待自乾不屑匕與世競短長
弟之敦倫仗義而忠厚若是宜其履厚席豐安樂壽考耳
何乃半身奔波且又中年棄世豈天之報施或爽耶抑亦
蔭庇子若孫也易曰積善之家必餘慶可爲弟卜之
去歲春四大房合志續修其子昭明概以主修自任弗惜
多金繼父義而不利之志並兼編校之職矢慎矢勤以勤
厥事斯亦肖子賢孫矣余故於譜將成之日聊掇數語並
諸譜端未知以余言爲河漢焉否是爲傳

主纂族兄龍文紫青氏謹撰

時

主墓

中華民國十六年

歲次丁卯

孟冬月

中浣

穀旦

溯奉懷水自平賢終矣

冬金雖父養而不休之志

去為齊四大長命志

蘇氏于吾終也長日蘇善

時六半良奔效且父中平

其外國

不事

無故

謝母文孺人貞節序

婦人之苦莫甚於守節有語無所告有意無所達踽踽
形影相弔此禮所以謂爲天民之窮而無告也然徒曰
守節則其苦不過孤單耳若夫上有老姑賴其服事下有
稚子賴其撫育以一身而兼事畜之任合常變而無以分
其憂勞則其苦益難堪矣然使家道優裕日用之費飲食
之資族戚姻黨慶弔之用悉能措置裕如則其苦猶可言
也若復家計艱難囊橐無餘一切需用諸感困難則其苦
益有不可言語形容矣若 文孺人者邑西鄉田茅里處
士 文開起公之次女也性溫良年方及笄歸 崇友君

詩上
其時身已辭世事其姑甚謹 崇友君世居蓼江市始爲

杉木賈繼營杜康業 孺人矢勤矢儉以佐之業遂漸昌

家亦漸起至民國壬子年 崇友君忽染一疾纏綿病至

四月之久 孺人侍奉湯藥日夕未曾稍離焚香顙代而

崇友君之病竟至不起其時子昭明年方十五歲女纔九

齡老姑年逾古稀 孺人哀毀之餘顧及老姑之衰頹而

不敢不節哀以慰其姑前清潘耒所謂恐令姑念兒含淚

不敢墮者真可爲 孺人詠也斯時家中貲財因 崇友

君之變調治之餘繼以殯葬所費頗巨前之畧慶有餘者

至是又形其不足矣 孺人柏舟自矢不以財力之支絀

而稍挫且力任艱難堅持前業卒使一家衣食之餘而又
課子以詩書且內而子女之婚嫁老姑之養生送死外而
族戚之慶弔悉能經營盡善近且隆七而起今年族修譜
牒且出鉅貲命其子爲正主修矣夫孺人一柔弱婦女
耳中遭所天之變而家貲困難又值百物昂貴之時此吾
黨之所望而束手者也而孺人卒能俯仰盡善籌措咸
宜現復使蓄積愈多家業日裕舉吾黨之所束手者能力
戰而勝之不可謂非巾幗中之傑出者矣今其族續修家
乘其子昭明念其母身歷之艱苦乞余爲序以示來茲余
與昭明有師生之誼也不辭而爲之序

侍生純熙曹順華敬撰

時

民國十六年歲在丁卯 孟冬月 中浣

穀旦

Vertical columns of faint text, likely bleed-through from the reverse side of the page. The text is mostly illegible due to fading and ghosting.

處士純駒公暨德配曹孺人夫婦合傳
公諱崧嵩字純駒號路發瀾頭灣人也前清時例授登仕
郎讀書穎悟異常翹然以利用自負奈文厄於運屢試不
售因有相如之貧遂設馬融之帳養正童蒙啓迪有方凡
音韻之叶字句之訛莫不明辨以晰一堂之士誦聲琅
常與枝頭鳥語相贈答公顧而樂之南面王不易也時
當春夏之交薰風徐來借冠者五六人童子六七人或晚
景乘涼或臨流濯足真不減沂水舞雲之勝概蓋公性
雅淡不喜塵囂口不談是非足不履公地雖咫尺蓼市
除購紙墨外從不肯蹈隙一遊嘗謂門弟子人之成敗在

乎幼時苟小小不知檢束至老大而能立品敦行者未之有也公故以身爲生徒率出其門者靡不矩步規行動遵禮節教育之善必以公爲首推焉德配曹孺人惟

髻布裙崇尚樸魯以公束修所入難敷日用亡則勤紡織以佐之一歲之中恒有餘布室家得以溫飽者不孺人之力居多生子二女三飲食教誨皆孺人身任之公在

外舌耕非歲時伏臘不輕易返舍也庚申之年夫婦俱六十有八而以同年終蓋生同歿同穴又同也噫緣亦奇矣今歲丁卯我族重刊譜帙得與長君瑞春久處局中言及前光緒分修時公曾任本房主纂足知其學有根柢斷

非尋常學究所可幾及故錄其前言往而為之立傳云

王纂族姪竹原氏敬撰

時

民國丁卯年孟冬月上浣

穀旦

人致師行世為可以不文輔助致學端對明璞備祖其
聖賢之夫人論德善其積德厚故為之合葬焉
是世夫父母親具維釐登享以令裕并而勤之以夙雨
水育姊妹正氣來備爾且人之不棄參然曰吾之來也
是辛亥余隨外壘市萬壽宮戲文人與平論玉詩詩以風
音字壽對公夫擬合葬

耆老滿發公夫婦合傳

歲辛亥余館於蓼市萬壽宮適友人段子儒在館談及風水有族叔玉成來前側耳以之不禁慘然曰吾之來亦爲是也先父母厝月餘墳塋草屺今欲伐石而修之以免雨雪傷二先人雖無善狀願賢姪爲之合傳焉余曰令二尊人姪祖行也烏可以不文辭但姪學識淺陋難副所望耳且侄生也晚未悉二尊人之詳請一一備示之成叔曰吾父家系寒微少失怙伯仲叔季昆玉四父居季從未入小學自幼以力食比長頗能識大體負販廛市童叟莫欺人咸仰權衡之止己亦獲升斗之資已而業易操舟貿遷柳

艷持籌握算制勝捺奇家道爲之小康焉且性篤友于事
王母獨力奉之惟兄弟間絕不較錙銖遇三伯有歎恒出
其私囊以相助二伯之子名益起幼失所依撫之如己出
至冠而婚靡不經營備至他如修橋梁砌康衢凡諸善舉
皆爲所樂爲捐貲無吝色此吾父之大概也吾母性最儉
自歸吾父麤衣布裳澣濯潔白雖補綴百紉亦不忍捐饋
饜之供雜以糠粃惟日愛杯中物尤勤紡績自朝至於日
昃直待漏盡方罷如是寒暑以爲常其教子姪也諄也然
勉以力作戒以逸居此則吾母之大概也余曰是足以傳
矣按族祖諱學禮字滿發世居瀾頭墘後卜宅垵頭上

詞上
援例授登仕郎清宣統元年卒族祖妣氏曹以清宣統三年卒夫婦同葬永豐洞中平沙落雁形生子二長能信即玉成次能倡孫二俱幼余因感成叔悲親志切勉強執筆次第書之質之子儒未知以爲當否

族孫鳳楷樹瓊甫敬撰

時

民國丁卯年

孟冬月

上浣

穀旦

蘇秦族叔國學學精字泰保公傳

閒考周家忠厚開基而子孫衆多其報施誠非淺鮮而世人以忠厚爲無用乃相與從而非笑之實大不察夫忠厚之實與夫忠厚之效若族叔學精字純儒其懷然悟矣質生渾樸性賦和平不欺弱不暴寡與世無忤與物無爭就其大慨觀之屬屬乎若無能也若無好也叔甫五齡失怙惟孀母是依承畫荻心佩和丸訓朝夕奉養惟謹親族友人咸以克家子令目之處胞兄甚和曲奏壘篋煮豆無聞以視姜家大被宋君灼艾何多讓焉自幼就傳天姿敏捷雖不及人而其爲文務求實得不事矯飾弗尚浮華試

不見重於有司比長乃兄中道而歿遂輟詩書以秉家政
權出入酌盈虛克勤克儉衣食亦頗饒裕而其居心忠正
諳練世情鄉鄰有紛難者叔則力爲排解公是公非無
稍阿護不憚煩勞開論百端雖桀驁之夫亦多心折而寢
人敬咸服以致族中公務均推叔胥尤具大度汪洋徃
來交接初無矜己傲物之情與季世見富貴則諂遇貧賤
則驕者有異也叔既忠厚立基則所以佑啓後者固有本
矣積善餘慶和氣致祥於叔卜之彼習於機變之巧者
自以爲得計然卒於謀人而拙於謀天其如叔之貽厥
孫謀也亦豈可得哉亦豈可得哉

王纂族姪龍文紫青氏謹撰

時

民國丁卯年 孟冬月 上浣

穀旦

贈世伯國學謝公成福老先生傳

丁卯仲秋友昭謨兄爲先嚴謀傳來舍徵余余以謝庭閣
修儒林羅列人盡瑰偉絕異之材摘詞獻墨各逞其奇文
之美不勝數也而何取於余余卽爲文世伯之生平嘉言
懋行可以致傳者其宗族戚友皆能具道之而何待於余
且譜以傳世系亦以紀功德錄善行余雖傳第恐不美貽

羞咸集然知音情迫契合誼深不敢不傳亦不敢爲世伯
漫傳夫世伯謝公諱能政各良璧字見田號成福生於寶
樹望族東山賢裔負性溫良其行己也有鄭僑之恭其待
人也有元伯之信是其忠也其事祖父母與父母也承歡
有志比戲綵之老萊就養無方同捧孟之潘岳是其孝也
至於世伯之豪俠好義慷慨輸將殊難枚舉如柳侯學校
續捐書父之名公立模範小學自願樂捐由斯推之而我
鄉公益事宜其賴傾囊相助襄贊厥成其事者何止此也
而况世伯之樂守田園儼如復古之高風可仰可望憫孤
寡濟貧窮恍若仁德之慈惠堪揚堪嘉者乎然善聚善散

治家有法惟直惟樸持已不華故置田園建造華構而世
伯以富潤屋德潤身終不唯勞抑不唯功耳余幼穉往來
蓼市嘗過其門知世伯待姪昭忠延師課讀慇懃愛護珍
若明珠始則送入省立第三師範學校預科修業繼則送
入湖南私立成章中學肄業終則送入丞湘法政預科畢
業堂堂乎何異孔明撫孤之風馬援訓姪之概耶世伯游
心藝苑勵志名場自堪敷陳治績終軍年少何難立樹奇
勲乃薄雲路之高翔橫經負耒惟淡泊以爲懷叙天倫之
樂事敬長愛親惟根本之是務故孔子之稱不齊曰有父
事者可以教孝有兄事者可以教弟有友事者可以教學

余竊爲世伯得焉厥後推誠布公鄉里咸薰其正豫順雍
穆庭幃施於有禮式金式玉如珪如璋不矜已不傲物素
行克追乎羲皇謹庭課子訓讀義方媿美燕庄迄至長子
昭德次子昭謨幼時讀書學詩學禮俱有穎慧世伯心中
默然冀其有成而無疑矣吁豕君昭德自湖南省立第三
師範學校預科畢業回籍迺聘歲進士段盛均先生使子
昭德拜遊門下果未匝月閱其所作窗課皆有駸七入古
之風祇想曾參養曾皙誰知顏路哭顏淵世伯處此慘慟
窘迫之際見次子昭謨聰秀過人明敏超羣令其潛修越
數載文筆通利鄉黨耆耄見其文觀其人莫不贊爲拔萃

之英許爲出類之士洎自湖南第七中學校校長朱墨林
咨請各縣縣長考選資格程度學子十名轉送斯校覆
試以宏造就當時我邑與考者甚衆而昭謨兄竟獲高唱
龍頭世伯聞聽之餘猶不自羨以子一時僥倖雖未名落
孫山然一州五縣豈無高才博學之文士乎爰是昭謨兄
卒以覆考榜首看案而心稍慰今世伯卽世課子有成繼
守父志能授書香謂非天之所以報善人者哉茲值家乘
閣修理當紀載爲宗族光爲奕葉式余叨蒙不嫌固陋愧
無大筆如椽爲世伯傳聊具數句亦管窺之意云耳

湖南第七中學校卒業世愚姪吳希賢鴻儒氏拜贈

時

民國丁卯年 孟冬月 上浣

穀旦

贈主修翰槐字寶珍先生序

丁卯之秋七月既望譜事將告成矣有族人翰槐踵局而請於余曰今歲四族合修以平等主義爲宗旨某幸濫廁於其間得與主修之選膺是職者率多贈序某系屬寒微既無貴重之媼親又乏交游之名士心竊慕之而無以發也效顰之願敢以辱先生余曰可予之所序奈何翰槐曰某以家運不齊命途偃蹇顛倒一生殊大冷落念先

父起家勤儉拙守田園稼穡而食桑麻以衣在鄉曲間曾
無蕩檢踰閑之舉卽生我昆季二一人類皆賦性愚戇讀書
無多凡百所爲恪遵庭訓夫何天之方憐亶怒我家兄弟
均熊夢雖占育而不祿兄成玉艱於嗣已撫房姪續之矣
某夫婦年逾半百膝下猶虛恐若敖之不祀心甚怒焉聞
民國新章男女皆堪繼世生有弱女業適龍氏之子曰書
芳思欲以館甥而承宗祧咨諏族老僉無異辭爰是折東
招客薄設菲筵將席先人之業田廬會分大小公私悉書
畚畀之以存根據又復思惟敬宗收族端資譜系主修者
所以維持族黨尊重宗枋者也上可以對越於先靈下可

以光昭於後葉職是之故不敢辭貧非以云要邀譽於鄉
黨朋友也先生其爲我序之余嘉其志悲其遇因爲之慰
藉曰天道深邃匪可淺窺書曰作善降之百祥作不善降
之百殃然伯道無兒古今同憾報施之爽自昔爲昭人生
斯也亦惟潔德修身居易俟命可耳若夫缺陷之留則天
不滿西北地不滿東南汾陽而後得五福全膺者有幾人
哉子其勉之余謹爲子序之

有本夫婦原經戚族友誼公議有本屋宇田產無論私業
該本公業公會俱係書芳夫婦承桃管業外人無得混爭
永遠遵照爲據

王纂樹燉竹原氏謹撰

能精字瑞春舅翁暨淑配曹孺人序
甥於丁卯歲餬口楊家田振采學校道經大路脚謝氏宗
祠稔知貴族續修玉牒累欲登堂拜謁均屬不果洎孟冬
間因而造焉而舅父字能精號瑞春勳厥譜事屬甥二
序甥自慙謏陋未能闡藻摛華不免掛一漏萬然誼屬渭
陽情類喬梓亦何敢辭爰乘課餘之際撥筆以誌其梗概
云舅父外祖崧嵩公之次君也昆季三長能求早年物
故三能通夫三舅之爲人也處己以恭接物以禮厭世能
之炎涼絀紛華之靡麗事雙親菽水承歡克媿曾參之美
友兄弟大被同眠無愧姜肱之賢幼事詩書奮志芸窗長

持家政做法陶朱貿遷於江漢之間七易葛裘漸積小邱
嗣冀恢宏其業乃別謀棲止賃舖於郴縣焉何圖時運坎
珂拮据落拓兼以尊堂衰邁晚景堪虞以故趣裝返梓經
營蓼市躬著犢鼻劬勞甚苦幸蒙天眷家稱小康矣然身
處市井弗染塵氛胸懷濶達矢諸公慎鄉黨稱爲醇厚宗
族目其謙和旣董事於貴團復經理於學會持籌握算有
條不紊繼而充當保正凡遇鵝鴨之爭雀鼠之忿則排之
解之罔不勝任裕餘停處得當也他若昌公清明從茲繼
長增高青橋碼頭由此蕩平鞏固胥一二舅竭力提倡踴
躍輸金乃觀厥成淑配曹孺人倡隨足式慈惠堪欽宜

男枉種庭桂空培欻欻以二老之食德飲和急公好義宜
其蘭桂盈庭孫枝滿砌胡爲蕭條爾七所謂天道無親常
與善人曷足徵耶所可羨者 二老年近古稀矍鑠如恒
康強廸吉是亦爲忠之報也歟是爲序

愚外甥曹翰周拜識

時

中華民國十六年歲在丁卯孟冬月 下浣

穀旦

助修學廣字丁啓叔夫婦紀畧

叔才翰公次子也昆仲四人季早故兄弟俱撐船爲業往來榔耒間販運以營生伯兄年四旬夫婦相繼棄世遺三子俱幼大者六歲小者才四齡家無積蓄靡所依倚叔爲之淒然淚下攜歸撫養淑配曹亦善知大義勉承夫志

飲食教誨曲盡其能及稍長各爲之婚配生平勤儉不奢一絲一粒無容輕棄兼之內助稱賢或紡績桑麻或藝治園圃累年積月以爲常於是涓匕之水滴而成河中年以來買田而耕購屋而造家業爲之小康焉叔性疏爽不類齷齪民國初年嘗販運米糧至中途被劫所帶貲本蕩然

無存及控告仍無所獲有唁之者則曰是有命在升斗祿
非可強求也卒不以是沮厥志尤好善樂施鄉曲間凡學
會昌公清明及砌路修橋等事靡不慷慨樂捐又慕讀書
嘗謂其次姪富和人生不讀書如入閻室無所見是不必
定期有成也家中出入計亦甚賴之爲之送鄉塾中三四
年既而年老無出遂以立嗣今已生男孫二人女孫一人
矣而一老年屈古稀矍鑠猶壯今歲合修譜牒毅然以助
修自在其子富和不忘劬育之恩乞余序其巔末刊諸篇
首欲以期後世子孫之不忘本也因善其志故特誌之

族姪王纂樹燉竹原氏敬題

考房伯能增公墓碑文

從來創大業者每多以勤儉而成書曰民生在勤七則不
匱又曰慎乃儉德惟懷永圖可知勤儉二字爲治邦之本
尤爲居家之要也若我房伯諱能增秀啓公其殆克勤
克儉者乎聞公於牙纓之時受祖業不甚豐食用僅堪
了口公乃以爲勤堪致富儉則恒豐與其困習詩書功
名難望不如改業爲農由是披星戴月早夜不憚其奔馳
沐雨櫛風耕耘何辭夫拮据勤固若是之勤已疏食可甘
不必盤殮之豐腆褐衣足適總無服御之鮮華儉又如
是之儉已兼有德配曹孺人內助多方不數年積有贏餘

由少有而致富有購買良田將近百畝昔賢云富有之謂
大業 公誠創大業者也比於公子荆之善居室 公其
無愧焉抑又聞之公之奉養高堂也昏定晨省夏清冬溫
固嘗以色養聞其處兄弟也則雅奏壎篪從未開闔牆之
釁其處夫婦也則和調琴瑟從未起反目之嫌人倫之道
公又無不盡焉謂非公德之盛乎竊以大業雖成於勤儉
抑亦盛德之所致也以故有子克家其子甫田兄勤儉之
風履 公舊迹常興報本之思目視先大父之坟不忍荒
草迷離並其 母與叔父之墓請石匠而俱整之鳩工已
告竣矣今又甃砌父坟工程更效浩大人以爲 公有盛

德乃有是孝子也且也蘭孫挺秀頭角崢嶸異日必成大
器其發祥正未有艾也茲值石工將竣之期莆田兄囑余
爲之小引余不敢以不文辭因述其勤儉之端叙其大業
盛德勒之石碑以垂久遠俾後世子孫一仰碑文而知
公之大業實由於勤儉而成焉耳

附墓聯

虎踞龍蟠此爲輿宅

雲蒸霞蔚長發其祥

福地全憑心地得

後人須賴先人培

房姪昭文謹識

時

民國十六年丁卯季秋月上浣

穀日

敬贈謝先生竹原序

慨自俗尚澆漓人情險刻見勢利則搖尾乞憐遇道德則
喪心不理在清高養重之士亦甚惡其腥羶甯晦迹空山
不屑與此輩為伍雖一時未能盡脫樊籠而在俗不入俗
在塵不染塵終其身以學莊子呼馬為馬呼牛為牛而毫

無計較若人者余僅得之謝竹原人曾先生先生前清庠
生也學名樹燉其先人國學廉節公年四十得之如掌上
之珠生有異質迥殊凡流六歲就傳不五稔即讀罷六經
初學文能自出機軸其業師石渠老曾先生甚愛之甫弱
冠補弟子員文名藉甚性好奇凡卜筮星相風角六壬等
書涉獵殆徧科罷後見時事日非遂灰心進取專究性命
學理得圖南不泄之傳旁通佛老深窺玄奧自號羊谷道
人寄跡花園庵以栽種盆花自樂於家國理亂概置不聞
人或見其與茹素者處遂以是例先生斯亦燕雀不知
鴻鵠志者也先生濟人利物獨具熱心觀橋頭江爲湘

粵要衝水漲時人苦病涉前人謀石其墩不果先生毅然領袖手疏短引與二三同志分頭勸募竟能以義聲素著人心樂從不數月而石墩告竣次是若黑隴若羊隴若塘箕隴凡築杠倚者四又於矮寨山腰創亭一所以便負戴者之息肩其他矜孤恤寡修路施茶事無論大小或自專任或與人同行之殆無虛歲且善岐黃不肯以術顯惟於無力迴醫之家與服藥罔效之人時出其方以相活尤喜以藥施與家父交稱同氣居恒共出積貲購買精良藥品分佩身傍以備緩急每逢夏秋之交瘧痢時行乞藥者絡繹不絕於道昔張行甫行醫救人貧者不取藥直先

生其殆近之夫。先生家非中人產自奉清約半生來食
不戀肥甘衣不求輕煖而仗義輕財往往傾囊倒篋不之
靳彼夫封殖自私享用奢侈以之趨附權豪雖日費千金
罔知顧惜一遇公益當前輒縮頸逃避其相去何啻天淵
然此猶未足窺先生也先生門探衆妙布散無心嘗謂有
形之功德如仰箭射虛空力盡還墜惟於心境上不染不
着其功德真有不可思議者所著有修真十要一冊力劈
旁門光昭閭室以世無解人攔之未克鋟木余門外漢也
不曉修鍊爲何物事第觀其胸無雜慮善養天機年近六
旬康健如壯且牀無羈褥寒暑莫侵十餘年曾未見一病

言
上
林
詩
容以是知爲有道之士也或者不察謂清高養重必棄絕
人事不宜混跡塵寰先生貴宗續譜方且膺主修作主纂
不無名利之見存而不知敬宗收族表善揚徽大本大原
之地亦立功立德之見端也矧盡義務而不取薪資耶以
是而黜先生烏足以知先生者

湖南陸軍測量學校畢業曾任南洋群島各國華
僑學校校長現充湖南郴縣第七聯合縣立中學
校教員年愚姪鴻才氏方定元敬撰

時

民國十六年丁卯六月吉日叙於方氏之蛟峯學校

廖孺人賢孝傳

廖孺人者永邑富室之女也賢而有德孝敬天生其父上舍良臣公自幼許字謝先生竹原先生以妙齡遊泮迓輪而歸匕之日適值姑卧病彌留吉禮既成隨即妝問候與其夫徹宵相守目不交睫者旬餘至姑病漸瘥乃止翁姑以是憐愛之戊午之秋疫癘天行翁染痢陷危孺人昕夕侍其側爲之煎湯藥滌穢垢起處不遑責無旁貸蓋是時夫兄以月前病故其姒方茹痛未已而姑又患覽榮散不良於行且恐瘴氣之波及其夫心摧匕如千鈞之繫私謂之曰凡事有我在毋庸君過問也及翁歿奉姑尤加

謹姑性好潔不樂人伴睡每寒夜必置湯夫人於牀湯或冷中宵必起而溫之媵憐其勞欲分任之則曰汝抱弱息烏能便如是者十餘年無倦色其相藁砧也椎髻布裙操作一如桓孟善藏蓄市雖遠每客至治具出設如新又好鬪齋村中有不舉火者給以米恒不責其償與先生琴瑟甚敦半生未一反目讀則篝燈卧則覆被寒則加衣熱則揮扇蓋無時無地不爲之關心者歲丁未姑老棄養忽號泣對其夫曰人生離合自有定數妾從君二十餘載幸無大失德所慊意者惟身無所出耳念姑在日必待人後行今化歸泉壤衣食寒暑誰與維持事難兩全若其善自

謀之吾將從姑地下矣竟以是冬卒時年蓋四十也先
生不違其意爲之與母合葬焉猶記其悼亡之作一律云
柔腸幾度爲卿摧一去從姑竟不回膝下承歡情自永燈
前佐讀意何灰鼓盆難學莊周忍廬墓空餘劉寶哀有日
得逢青鳥使爲言相會在蓬萊噫先生亦可謂伉儷情深
者矣今孺人往矣其令德懋行口碑尙在人間以視世
之庸劣婦女挾外姓之豪華驕恣自逞傲慢其夫輕蔑其
舅姑以致家庭之間勃谿萬狀詬誶時聞其賢不肖相去
爲何如哉如孺人者眞可以風矣

年愚姪方定元敬撰

時

民國十六年歲次丁卯季秋月上浣

穀旦

主修房弟財新序

昔甘矮梅先生通五經從遊者甚衆其徒有爲御史者

一日來謁先生留之飯惟葱湯麥飯而已因口占一詩

畀之云葱湯麥飯煖丹田麥飯葱湯也可憐試向城頭高

處望人家幾處未炊烟夫葱湯麥飯至儉也而日不舉火

之家則並葱湯麥飯不可得是葱湯麥飯亦幸福矣且治

生之道只守儉之一字稼穡而食桑麻以衣力持此法更

加以一勤終身不取一毫非分之財泰然自得衾影無慚
不勝貪穢之富千萬倍耶惟然則吾房弟財新誠足尙已
財新固非食先疇者也其父蘭福公中年棄世與其一弟
一妹俱依母氏爲生母氏李甚有婦德克承遺命以家貧
故紡車之聲恒響徹中宵而不輟咬菜根噉豆糜大布之
衣衣雖敝猶浣濯如新甚至補綴殆遍無輕棄以是牙積
寸累嫁女婚男稍存優裕及棄養財兄新弟遵母教不墜
厥家聲析爨後克儉克勤相期無虧先德所幸糟糠之妻
袁氏者相夫無違布裙曳柴大有漢時良夫人之致由是
居積有餘於以廣山林增田祔蒸匕然有漸入佳境之勢

而其披星戴月蔬食菜羹仍復如故有憫之者謂之曰君
家道亦可云小康矣何日事拮据爲且鄙嗇之極必生奢
男世固有祖宗銖銖積之而子孫泥沙用之者矣矧世運
變遷潮流叠出君之堅苦如斯其能永保於不替乎財新
曰人各有心予惟行其心之所安而已若夫子孫之賢否
時勢之變更誰能料之且予亦非葦爲利者也如修橋治
道各盛舉雖不能盡傾其囊倒其篋而勸募臨門曾未令
曳白空返又如宗族中若四屬學會昌公清明類皆名不
落孫山卽今歲續修家譜諸父老勸予以主修予亦勉從
其命鄙嗇者其能若是乎願予聞之昔人有言常將有日

思無日莫待無時想有時此語誠堪欽佩夫大禹古帝王也且菲飲食惡衣服而惜寸陰吾儕小人亦何敢驕奢淫佚以貽當世君子羞耶余以其言之可法也故錄之以爲宗人勸且以爲其子德寶勗

此其公曾曹大器人至公只後四 主纂房兄竹原識

公時

民國十六年歲次壬子丁卯季秋月

上浣

穀日

曾祖才浚字克修傳

夫孝者天之經地之義民之行也子輿氏有言不得乎親
不可以爲人不順乎親不可以爲子然世之得親順親而
可以爲人爲子者卒鮮若我族 曾祖才浚公其庶幾乎
公諱才浚字克修號器發北鄉得勝圍大路脚人也 父
貴芬公母曹太孺人生公兄弟四人 公其季也初貴芬
公業農家尚中貲伯子壬法不祿仲叔兩兄瀟灑性成置
家事於不理公當是時少不更事亦嘗從兩兄後學牛馬
走以致家漸中落由是兄弟分炊而仲叔兩兄依然如故
未幾貴芬公物故 公泣然曰吾母中歲失所天兩兄仍

置於佛間詩所謂有子七人莫慰母心不誠然乎俗所謂
養兒待老誠虛語也洎是公慨然以一身任之多方就
養無敢稍忽無何公命途多舛年方卅八又來破鏡之
憂斯時也上有老母下有幼兒兼之家事衰微他人處此
鮮有不心傷而氣短者而公則奉母唯謹冬則溫之夏則
清之歎后母年逾六旬而兩目喪明公更慙七勲七肫七
摯七甚至母之衣裳公勤爲之洗塵母之鞋足公力爲之
浣濯並未敢一日離於左右且嘗與里人云爲人子者在
生不報養育恩死後無須進湯羹公之事母有如此者
至於撫幼子長男九歲次男五歲全賴公之操持義方

是訓故其子亦克成家然公棄世已數十年矣迄今村

中長老猶稱道之弗忘更可見公之事母誠族中之僅

見者並公歿於光緒十年辛巳享年六十二歲葬許家山

椅上敷毡形孫男二人孫女三人玄孫五人噫公之事母

可以傳矣論曰人不必奇能異節智名勇功之為貴也日

用倫常之樂其旨有淡而彌永者矣公之孝行不著於

邑誌國史而口碑載道豈徒然哉

主纂庠生光文銳氏敬撰

養民時

民國十六丁卯年季秋月 穀旦

謝母袁孺人墓表

歲癸卯余附學鄂省越二年留學日本民國元年出財政
總長周呈請大總統委派湘省視察財政甫抵省適遇在
鄂同學謝君世琪暢談良久次日復晤叙及祖母懋行
并以碑文見囑余因誼屬世交烏敢以謏陋辭特據實誌
之謝母袁孺人上石磯處士可成公之女廩生水文之姑
母國學才成公之德配也于歸成公時其奉姑也孝如孟
姜其敬夫也賢如冀婦其勸學也若陶母侃母成公崇師
重道出於至誠孺人亦拳拳服膺庚子年次孫世琪補
廩缺帮孺人慨以良田十五担贈與諸凡善舉謝文元

國南序 孺人壽文言之綦詳茲毋庸贅孺人生於道光

戊子年腊月初二日享年七十有五卒於光緒癸卯年正

月二十三日是年臘月望二日葬於祖山許家山虎形列

成公墓左側子男子三長樹燊以縣院試均冠童軍入泮

次學書二學禮業商克紹箕裘女二長適袁次適曹均有

乃母遺風孫十一人次孫世琪以恩貢生歷任永州府中

學及縣立高小校長季孫世珍留學日本帝國大學餘俱

純謹曾孫十三人長曾孫紹賢廣州軍官學校畢業現任

第二軍砲兵團第三營第七連連長玄孫二人均幼人文

鵲起如日之方升正未有艾也

日本大學畢業法科舉人現任北京交通部科長平江世

晚葉瑞棻後嵩氏敬撰

時

民國十六年 孟冬月 上浣

穀旦

謝母袁孺人七旬晉一兼令孫世琪入泮榮婚對聯

宮袍舞五色斑衣看盤棗如瓜瑞擁音聲樹

萱閣供九莖芝草正杯霞流露祥開富貴花

匾 春深碧海

欽取八旗官學教習廣西補用知縣宗晚國南拜題

時

光緒二十三年 孟春 月 下浣

穀旦

光緒十六年 孟冬月 十一日

日本大學畢業生...

謝母袁孺人墓誌

祖母姓袁氏堆上國學四全公之女滿祖才亨公之淑配也年十九歸滿祖奉姑有道敬夫如賓滿祖析爨時產不甚豐祖母百計圖維意欲別開生面以起家迨滿祖貿遷藜市凡有苦作祖母盡力爲之不辭勞瘁且惡衣惡食習以爲常因之產業驟增十餘倍無何家運不齊滿祖四十有四竟以咯血病而終維時祖母年僅四九除獨力摒擋喪事外並砌石修墓以安祖靈性慈和待侄輩視同己子姪媳亦如之諸凡善舉如義學義倉等事慷慨樂輸毫無吝色其疏財仗義非女中君子歟祖母卒於

民國癸亥年臘月二十九日享壽八十歲次年臘月二十
六日葬祖山黃泥塘月形生叔兄弟三長如福次如芳均
先後繼逝三如志本族續修家乘慨任助修兼經理矢慎
矢公堪符人望孫二長金山次壽山均勤習稼穡曾孫香
芹尚幼瓜瓞綿乚其發越正恢皇無既也孫承教多年於
祖母懿行見聞頗悉因掇其尤者用誌諸石以風世云
清恩貢生前任永州府中學校長姪孫世琪謹撰

時

民國十六年夏丁卯土國孟冬月公之上浣
穀旦

太學生謝蘇丞先生墓表

邑之北鄉大路脚有謝先生曰學激字蘇丞例授太學生
光緒二十四年十一月二十三日以疾卒於家年五十有
七塋許家山虎形寅山申向越八年其子能輝爲之砌墳
圈暨牌表墓而乞予文以誌之嗚呼當先生鑒修家乘時
命貞叙其生平事蹟覲縷詳盡已賜覽而付劄劄矣奚容
贅茲特撥其好惡兩端居恒善善若寶惡七如讐其善者
非但中心景慕且時形諸口而極力贊揚其於惡者常摘
其伏發其奸若深慮此僨回護而世人被其欺蒙迄今先
生往矣閒有道及先生善者聞之而悼嘆惡者聞之而

欣幸宣聖云鄉人之善者好之不善者惡之 先生保無

類是 先生有子一人能輝也女二人一適曹一適唐孫

男三人茲幼

丙午科歲貢生卽選儒學正堂受業國貞謹撰

時

光緒三十一年歲君丙午 吉月

吉日立

大學士橋補公武主墓表

族祖母謝母李太孺人墓志銘

孺人李公善南之淑媛族祖太學生學澈字蘇丞公之配也賦姿閑雅秉志淑貞奉翁姑而孝順接妯娌以謙和其相夫子也倡隨相敬風不遜梁孟公嗜詩書因家無中人厓而未大展其鵬翮退而秉鐸連年慇懃教誨昇家政於內助孺人敬戒無違篤修婦職經營內外竭力殫精日偃身於園圃夜篝灯以紡績孜孜焉夙夜匪懈居恒以麤衣糲食爲務終其身衣縣鶉奉藜藿泰然如也然欸客筵賓有足稱者平昔戚族姻婭或公之故交至契往來晉謁孺人欸洽從豐毋稍恡周易家人之六二曰无攸遂在中饋

詩曰方訓
貞吉小雅斯干之卒章曰無非無儀惟酒食是議無父母
遺罹孺人殆庶幾近之舉丈夫子一曰能輝性慨爽無齷
齷氣女一一適曹一適唐孫三人玄孫一悉斬然見頭角
發祥未艾蓋孺人之積厚流光也 孺人距生於清道光

二十二年壬寅二月二十二日享年七十有五以民國
五年丙辰十二月之望一日卒葬許家山虎形寅山甲向
今春丁卯令嗣君買石碣其墓乞銘於余也難之而無以
却之也因紀其行畧以壽諸石銘曰 許家之山兮大氣
廻環虎形之陽兮築封馬鬣孺人適宜兮佇立豐碑載諸
厥德兮永垂兆域 族孫典貞敬撰

族叔學富字曰成夫婦傳

嘗觀世之稱豪傑者每難得其賢配爲淑媛者多不足乎
良人若 叔夫婦兼而備之固無慮是殊非漫爲誦揚過
爲誇譽也 叔少讀姿質靈敏曉通大義年纔十歲恃失
能知奉父惟謹色養無違及長棄舉子業學農商巡行
畔四時力作不畏風雨寒暑暇時懋遷化居寄跡江湖莫
染市廛囂習所憶屢中取與絲毫不苟人咸服其公平遂
因操奇致贏然未嘗封殖自矜居家嚴肅有法待子恩愛
而課其業不稍寬耕者手足胼胝餘九餘三讀者志切琢
磨意欲發名成業以愜素心而其重道隆師懇勲備至脩

脯甚厚雖縉紳家無以尚也爲人忠信篤敬懷仁慕義醇樸之氣溢於眉宇自少至老接人恒以忠恕或有議其非者叔亦順受之神色甚平不與計較能爲人所不能爲

忍人所不能忍奉公履止大小事務莫干以私以此見重於閭里故族中公務一切會項概舉叔理前居丁酉年

續修家乘推叔爲鑒修矢公矢慎任勞任怨無有以議

其後者亦可謂光前裕後矣况乎更得袁孺人之賢配以成其能哉孺人秉性和順賦質溫柔操井臼主中饋克

全婦職助夫以敬教子以方治家則有常法款客必須豐盈衣無新故澣濯縫紉完而潔室無內外洒掃整飾肅以

嚴紡績不憚寒暑灌溉勿論朝暮洵爲女中堯舜也然則
孺人非叔無以顯其能 叔非孺人亦無以稱其盛也
何異梁鴻配孟光之賢乎是以德盛福隆室履盈餘庭前
玉樹雙榮階下芝蘭競秀後裔蕃昌能不令人推而慕之
歟茲譜功將竣 令長君宇文公舉助修兼任編校之職
與余同局辦事公餘聚談家常時事述 叔生平行實余
聞有感因做坡公法爲作傳以紀之

主纂族姪龍文紫青氏敬撰

謝母袁孀人閨宇春娘七旬開一壽聯

先春祝長春梓舍騰歡戲綵看謝家玉樹

壽燭聯花燭蘭堦喜溢稱觴薦新婦羹湯

匾 花燦萱堂

知事沈鎮湘敬祝

中華民國十六年丁卯季秋月 文公上浣

穀旦

(Faint bleed-through text from the reverse side of the page)

(Faint bleed-through text from the reverse side of the page)

謝公能鍊墓誌

歲甲子余長族學寶樹學校族姪承福來謁面述其先父
實行乞余一言表諸墓余因誼屬同族並感其意誠故不
辭誌之 見諱能鍊字百成 學圭公之第二子也少失
怙讀書頗慧比長以織爲業兼治田畝稍有積儲卽囿辦
貨物因之億則屢中貲產并饒性孝友奉母惟謹待兄弟
怡七如也析爨時泯爭競有孔融讓梨風持躬勤儉族中
有不更事及浮薄者 兄聲色俱厲無稍寬人以是德之
生子一號家福仍繼父業其勤儉較兄倍之長孫奇才聰
穎異常次孫奇新尙幼蘭芽秀挺發祥正未有艾也易曰

積善之家必有餘慶可為吾兄卜焉兄於前清例授

從九品以六十有七卒於民國六年十一月三十日酉時

隨於是年臘月十七日葬祖山黃泥塘月形

清恩貢生前任永州府中學校校長族弟世祺敬撰

民國十三年 甲子八月 上浣

穀旦

... 此後... 葬... 族弟... 敬撰... 民國十三年... 甲子八月... 上浣... 穀旦... 清恩貢生前任永州府中學校校長族弟世祺敬撰... 隨於是年臘月十七日葬祖山黃泥塘月形... 從九品以六十有七卒於民國六年十一月三十日酉時... 積善之家必有餘慶可為吾兄卜焉兄於前清例授

...

謝母曹孺人墓誌銘

孺人姓曹氏高陵藍坑德貴公之女舍弟旭亭之岳祖能
鍊公室也年二十餘歸鍊公秉性溫柔不苟言笑事翁姑
以孝相夫子以敬操持家政井匕有條鍊公方從事耕織
孺人則夙興夜寐雞鳴戒旦以相倡隨鄉里均謂鍊公
得賢妻其後鍊公易業貿遷億則屢中家產因以漸饒而
孺人勤儉自持糲飯粗衣終其身如一日且紡績之勞
從不輟手故其子昭珍太嫺翁箕裘克紹永振家聲生女
一適水口山劉家亦能得乃母閨教現蘭孫二三人聰穎
異常如浴日之上升方興而未艾也 孺人以民國壬戌

年十一月十二日卒享年七十有一塋於許家山虎形珪
以誼關至戚不忍聽其懿行之湮沒無傳因以誌之於石
目為之銘曰孺人之孝事翁與姑孺人之敬無違其夫克
勤克儉家業日舒貽謀燕翼永作良圖

資興縣立中學校畢業生嫻晚月亭方孝珪敬撰

中華民國十六年 丁卯 季秋月 上浣 穀日

以事畢夫于以慈對其家類長山有刻檢公代翁舉味
穀公室舉年二十給領糧公乘掛臨集不特言笑車谷
諸人致曹月高期蓋其清貴公之文舍茂狀亭之許脈

贈母曹壽人墓誌銘

先生能慧字安邦序

先生能慧字安邦字文其號也。先生幼讀書聰悟超人，惜乃阨於時，奇於數，以致染病在身數年，不泰家甚窘，常思治生維艱，讀書之心因此遂竟灰冷。奚是設絳帳教誨，蒙童諱七，懇七無稍倦念，而鄉黨之被其澤者，莫不曰：如坐春風之中。先生道貌古樸，志行純厚，無恒產而有恒心，不徇俗以干譽，不枉道以從羣，不彰人短，不矜己長，常存愛物利人之心，息生殘忍刻薄之念。此其守己何如者？先生好談道德，尤重信義，性喜陰隲，最惡奸邪，與人交際，事無大小，一以光明磊落行之。每對人言生平，無一欺人。

事並無一事不可以告人鄉有善舉必竭力爲之里有紛
爭必排寢而後已故人之受其惠者比爲古之魯連其處
家庭也敦厚篤實雖兄弟各爨仍情深鵲七事父母朝夕
唯謹不以常變而稍疏閭里咸以孝友稱之又聞先生
之理公務也清而且明絲毫不苟如民國初年重修宗祠
創辦初等學校並昌公清明以及修橋砌路亦皆率多解
囊雖不若殷實家之出募鉅金亦可謂好仗其義者矣今
歲吾族閣修譜牒先生躬膺編校又以助修經理自任
卓著勤勞無懈其志無怠其勞由是不棄於末路訂期於
垂成則其敬宗睦族之心誠有過人者故余今日之序

先生匪獨敬 先生且更有以勵 先生雖 先生之嘉
言懋行不盡縷述而即此磊砢數端已足維風化正人心
他雖未及夫何慊焉

中學畢業門生昭績藻功氏拜撰

時

民國十六年 歲次丁卯 桂月 臺上浣 穀旦

王修前清從九品族姪昭華壽序

嘗讀左傳至民生在勤勤則不匱亟歎古人垂訓確有明
徵天下大事斷非嬉遊懶惰者所能仔肩而吾人謀生尤
非堅忍卓絕耐勞不能圖存此非特裋褐不完者爲然也
卽履富厚而事康居未幾而崇臺廣榭轉售他人有貧者
出而早夜經營之竟得入其崇台遷其廣榭而居焉此無
他由於勤也勤能致富否則雖富不可恃况貧者乎而世
之貧與富者日追逐於嬉遊懶惰之場而不克自振毋惑
乎天下之大貧者多而富者少也惟然則吾族姪昭華其
爲人實有足錄焉族姪固少而貧者也地無立錫怙恃早

失終鮮兄弟殆岌七乎不可終日也乃一憤發棄儒而賈
而操奇計盈不遺餘力家本微也必勤儉以謀生理錙銖
雖較也必合乎義始取之以一人而經理店中內外事不
以外事之煩瑣而稍荒其內亦不以內事之困難而稍疏
於外此其勤苦何如者余少時在蓼市見族中人談及族
姪貿易事僉交口稱爲吾族光及今思之信不虛也至其
爲地方謀善舉爲人民行方便其勤苦尤有過人如兩次
續修青石礮皆須出募巨金也侄皆毅然領袖兼司會計
雖後次功程浩大衆皆束手侄悉苦心籌畫以勸募之均
不數月而礮成他如敬宗則創設始祖昌公清明會修譜

則兩次作主修以及築路興學救人靡不慷慨輸金任勞
任怨有廢必舉有初必終計自少壯以及衰年爲公爲私
奔走實無算日今夫天終古磨旋者也水終古迴流者也
使不磨旋則天之氣或有時而洩使不迴流恐水亦有時
而腐是以磨鐵不蝕戶樞不蠹天與物本同一理彼人也
亦豈有異道哉大學中庸言至誠曰無息不息則久七則
徵七則悠遠蓋曾見夫形之勞者神愈固積之厚者流自
光舜一曰二曰萬幾而享壽一百十禹一饋九起而春秋
盈百古帝王憂勤惕厲已開上壽之先聲則族姪之以勤
而享大年膺多福又何疑乎又何疑乎今歲冬月爲族姪

六十一誕辰其子景文景詩景書等均欲介壽稱觴以卜
一日之歡并乞余爲文以表其父之德余維族侄至好也
而景文景章又皆以少時從余遊關係密切義不容辭因
詳述族侄之勤苦以勵景文兄弟而卽以爲壽焉想族侄
聞之其亦必以余言爲不謬而更晉一觴也是爲序

四等嘉禾章陸軍步兵上校 族叔之翰撰並書

時

中華民國十五年 歲次丙寅 冬月 中浣 穀日

主修前清從九族姪添喜六秩壽序

蓋聞厚德爲載福之本大德乃得壽之原福也壽也惟有德者可以致之如族侄添喜幼失怙恃與其弱弟依大父撫養維時家無儋石四壁蕭然稍長學計然術得候時轉物之道陰陽之應貴賤之徵實駕軼乎蓼市駟僧之上以故日有所積月有所累財源波疊樸滿充盈因立家室置舖舍二十餘年中其間否泰懸殊先後異轍者豈真妙手空空所能致耶亦冥漠中有以輔之者也閒觀世上齷齪之徒苟有積蓄輒磴匕自守徒肥其身私潤其子孫而於鄉間之公益家庭之義舉往匕漠不關心視同隔膜是雖

連阡陌富有千金生無益於時歿無稱於後世何貴有不
足齒之儉若姪則效法陶朱能聚能散如建義學立義倉
三修青石橋磴勤勞肯任重捐榔侯學校勸募維殷以及
治道葺亭種種善行見義勇爲財力並用此德之著於鄉
閭者也至若眷注祀典肇置清明在合族則首薦昌公在
本房則推崇本仕四屬學會經理多年大路宗祠弗厭火
堯且復集合宗人重編族譜毅然以主修自任而勗其子
各捐以金一門之內後先輝映此德之見於家庭者也尤
足重者其同母弟家貧早故無所憑依憫之而以四子承
其嗣有堂弟某落魄難存移歸與同食飲姪雖不讀書而

動作胥合大體非所謂庸中之伎也鐵中之錚也者乎傳
稱明德之後必有達人書云皇天無親惟德是輔原配方
偕老緣慳而四子一女皆其所出女生而有家姑不具論
四子以文章詩書命名伯與季雖學業未成然甚有心計
克襲父業其仲叔二人一則衡州南路一則郴縣聯合皆
中學畢業生也均善辦公務惜仲竟物故今春不禁爲之
道歉現男孫七人女孫五人發祥正未有艾邇者姪花甲
初週兼值次孫寶槐婚典之喜其子景文輩思製錦稱觴
以壽其父乞序於余也爲壽之爲言酬也天之所以酬
德也昔竇禹鈞修德馮道贈之以詩有靈椿一株老丹桂

五枝芳之句至今傳爲美談由此推之任之修德獲報有
自來矣抑余有進說焉太上立德其次立功其次立言昔
人謂之不朽夫享高年者壽身也立不朽者壽世也壽身
者有限而壽世者無窮姪固以壽世而兼壽身者也余願
躋堂酌兕者莫徒以壽身之壽爲任壽尤須以壽世之壽
爲任壽則得之矣謹序

前清庠生主纂樹燉竹原氏敬撰

對聯

添是翁仙籌福壽推鳳毛巨擘

喜文孫合邕和諧看鴻案齊眉


匾

祥開五福

時

民國十六年丁卯季秋月 上浣

穀旦



族姪諱能狝字嘉甫夫婦墓表

前清光緒三十四年九月初四日族君耆賓嘉甫以疾卒
越民國元年十一月望九日淑配曹孺人相繼捐舍今夏
諸喆嗣舉雙榼合厝於水口山之脊隨卽鳩工伐石豎碑
表墓其叔子光希余爲文以紀之竊維君夫婦齒長余一
十然同時數十年其素履知之最稔且屬家誼曷容辭
按君姓謝氏諱能狝字嘉甫北鄉大路脚人性孝友純
摯真誠無妄其父國學夔青公生子四雅慕儒修業命
君與仲叔皆就學內顧家僅中貲殊難敷用公業賈家政
悉委伯子無何伯病疽不能作苦君最少惟恐失農業

致生計日窘銳然請命於父願棄毛錐獨任伯子之所任而仲叔讀如故勞力十餘載憂青公又與厥醜欲覓紆窘之人籌思諸子中病者難痊讀者不可半塗而廢迺顧君曰治生有二道惟農與商然歲有豐歉耕也餒在其中若貿販市廛其獲利可操左券若其可修貿遷業君敬聽唯此於是合其某祖暫權子母未幾父歿愴懷遺命遂以商終其身勤勞良久雖未獲冀報於萬一而薄有所獵藉以事高堂奉養恒將以愉色其蓄妻子無論已卽如兩兄以讀故未暇謀生亦不時資助其不足是仲氏之學成游泮君與有力焉書云惟孝友于兄弟晚近以來始於今見之

淑配曹孺人大坪國學英才公之女幼嫻閨訓及笄嬪於
謝氏述好甚敦事翁姑盡力卽盤殮而能飭躬以儉其處
妯娌悉捐詬辭聲其御子媳也默屏疾言勵色而且盱宵
紡績麻縷布帛盈箱篋一任家人之取攜當時族黨內外
翕然稱其賢焉綜而觀之 孺人之處內洵可謂無愧矣
然其涉世猶有足多者蓋君性揮霍孺人每陰愆息之君
設肆時或取貨物以去從未嘗踵門責負若鄉建書院設
崇義立社倉修治橋樑道路一一瀉囊相助其一心之所
樂矣惟夫以禮率斯婦以順從脫孺人不識大義動輒箝
制君安能有此豪舉吁君賢矣哉君生於道光十六年二

月十一日卒年七十有三孺人與同庚先二月十九日生

卒年七十有七子四人長昭琛次昭達三昭瑚學名劉光

前清以弁州榜撥芹客歲當科長現本邑財產管理四昭

璉女四人均嫁孫男五人孫女一人玄孫五人正綿延未

有艾也

墓對

水繞牛眠祥鐘地吉

水口滌回湧泉布

山環螺髻秀映人文

山頭羅列似兒孫

前清恩貢生國貞藻典氏敬撰

民國六年仲秋月下澣

穀旦

謝母戴孺人墓表

余在外十八載糊口四方而於族戚間不特往來斷絕卽音問久疎靜言思之抱愧奚若茲由中央因公來湘本擬修書問候適接族姪文銳緘稱堂兄晉昌之妻戴公榮禎之女厥夫故時子六女一皆未成童而室如懸磬扃抽其空地無立錐斗宵難給他人處此鮮有不朝越而暮吳者孺人矢志柏舟勤紡績不分晝夜繡花朶不避寒暑獨能撫養成立其一生苦節古今中外所難數數觀也孺人生於道光己酉正月初二日辰時卒于民國丁巳十二月二十一日辰時葬許家山虎形現男海星兄弟與孺人

讀日方記
修墓求誌於余余不禁喟然嘆曰時當競爭周遊中外祇
道鎗彈不談筆墨以矣余與孺人以族誼而兼戚誼知
之甚悉義不容辭愧未與孺人旌表特紀數語於石以待
異日之採風者

墓對

卅載冰霜無二老

畫荻芳聲揚玉闕

一生風雪表千秋

茹荼苦節著丹墀

陸軍部諮議之翰敬撰

時

民國八年

古冬月

下澣

穀旦

別因十六 謝母劉孺人傳

孺人姓劉氏上洞側嶺名顯公之女學林公之淑配也于
歸後琴瑟靜好次年獲弄瓦之慶奈年僅十九而林公遽
赴九原維時庭幃內外事無鉅細 孺人一身肩任責無
旁貸鄰媪某以 孺人年齒甚輕間勸改嫁孺人叱曰吾
一婦人而事二夫他日相從地下有何面目見夫主乎某
媪聞其言之激烈遂嘿而退嗣後無一敢以是言進者
由是柏舟自矢茹苦嘗辛數十年如一日繼思人生斯世
似績不可乏人因擇夫兄吉開之次子同生承祧事定後
撫育同生飲食教誨視如己出尤篤內行事翁姑虔奉旨

甘處妯娌聲浪誥族中善舉力所能為者解囊相助無
吝色孺人卒於民國十三年甲子九月初九日享壽七
十有五現桂蕊流芳蘭孫挺秀光大門閭指顧間耳茲閤
族續修言令男同生以主修兼經理之職往來譜局談叙
多日因藉悉一孺人實蹟擬管直書以弁篇首異日輶軒
下採載入縣志或逕達國史斯固同生幸事亦世琪所深
望焉

清恩貢生前任永州府中學校長族姪世琪錫申氏敬撰

蘇人時
隆丑土部附能各題公之文學林公之

民國十六年丁卯孟冬月

下浣

穀旦

庠生笏卿先生傳

君諱昭紳字笏卿能慧公之長子也幼讀聰穎異常四書
朱註均能佩誦塾師咸以大器目之弱冠補弟子員因家
用尚缺設帳鄉塾循匕善誘負笈從遊者遐邇借來當時
被其教澤賴以成材者實繁有徒性伉爽每逢興會淋漓
或撫掌自拍或高唱入雲洋匕灑匕無懷氏之民葛天氏
之民非其流亞歟篤於內行事一老定省無疏待昆季壘
篋協奏庭幃之間融匕洩匕人無間然光緒丁酉年續修
家乘君任纂修觀其所作傳序平正通達讀之令人欽佩
奈氣運否塞未克大展所長徒以書生終老良可慨已德

謝母張袁孺人貞節小傳
孺人氏張袁族叔學飛公之淑配也以生於清道光戊戌
冬故闈宇戍娘垂髻作婦順姑嫜睦妯娌與學飛公相倡
隨風不亞梁孟生男一女一長文盛方六歲次文興年半
之女生纔數月而天降凶災學飛公遽然捐館時孺人年
才二十有四傷鸞鳳之分飛撫枕衾之忽冷加以嘔吐之
聲哭泣盈耳孺人顙天而號氣絕復蘇者至再或有憐其
年少家微而勸之再醮者孺人潛焉出涕曰是何言哉忠
臣不二主烈女不二夫未亡人身雖不德敢背理以貽當
世羞耶矧二老鶴髮雙瞳孤兒均需携抱若萌異志其何

以對夫於地下也於是矢志冰霜柏舟自守卸鉛華勤紡績日以養老撫孤爲念每逢春日鷓鴣秋風緯絡不禁感慨淒涼歛歔憑弔焉及子稍長各教以義方命其伯習詩書使其仲勤稼穡一讀一耕各專其業以致仰事俯畜綽有餘裕嗟嗟孺人以巾幗而操男職數十年中殫翁姑以禮室男女以時孝慈並盡心力俱竭且又受人虐被人凌險阻艱難靡不備歷而孺人一以忍讓出之卒能持家於不做老來獲賢孫三四人始得含飴弄孫以爲樂光緒庚子歲年逾耳順遂以無疾而終今春族修家乘其長孫昭元述其巔末於余乞余爲作小傳余曰此我族之光也急

揮毫以志之復爲之贊曰
少失所天淒然獨處不出戶
庭不苟笑語志矢共姜節操令女備歷風霜荼苦是茹孝
養高堂逮陳雞黍教子勤學勉斷機杼是宜彤管揚芬待
龍章以錫予

前清庠生王纂族姪樹燉敬撰

民國十六年歲在丁卯季秋月美申浣

謝母李孺人墓誌銘

孺人閨字秀娘余之同堂姑母謝公文興之元配也性寬
順無疾言遽色勸女紅紡績維殷鍼黹縫紉尤稱待技髻

年于歸操井臼主中饋婦道克篤而妯娌有過或情棄婦
職者孺人婉言相諫期以悛惡而止若厭而侮之者輒謝
不與較故謝公兄弟翕然一門雍睦經卅餘年而始各爨
者孺人與有力也持身甘淡泊嘗謂天之生財祇有此數
飽食煖衣足矣若專尚華美恐貧窶立至惡衣惡食且不
能濟也言猶在耳鄉里豔稱之非余之善爲說辭也孺人
生清同治己巳年二月初九日午時年逾大衍而棄世時
民國辛酉秋九月之望七也比年冬歸葬祖山大壠頭鳳
形乾巽兼辰戌之陽孺人有子男三人長昭元事詩書歷
膺教育次昭誠三昭明俱純謹女一字唐而蘭茅疊出悉

嶄然見頭角方興未艾蓋孺人積善獲報之明驗也歲丁
卯適貴族縉修家乘長君丐余爲言表諸墓並付之剗劂
以垂久遠余維誼屬內戚居同咫尺深悉孺人行事故不
辭誌之敬以銘曰
賢哉姑母淑慎其身終溫且惠懋範堪親光昭家乘勒
諸貞珉牛眠卜吉馬鬣响嶙既固既安佑啓後人

前清庠生內姪李果榮敬撰

民國十六年歲在丁卯 瓜月下浣 穀日

謝母宋太孺人傳畧

歲丁卯我四大房閣修家乘將峻未峻之時九月既望日旁晚清風徐來吾父正襟危坐作誠心狀因詔余曰來吾語汝爾在譜局於先人行畧曾一筆述之否乎余曰否揭是曷不爲爾曾祖母宋太孺人傳之余曰唯乞請聞其詳吾父乃侃然曰

孺人氏宋閩字祿娘吾祖父才璉公之佳偶也初才璉公艱於嗣兩擇其氏皆弄瓦一未獲玉燕投懷此乃矢志江湖作客湘衡間聿求良匹恰喜月老多情赤繩預繫遂得孺人以爲配斯時孺人年纔及笄耳拜青廬後克供婦職

操曰梓主中饋勤習女紅提甕出汲靡不慙匕慙匕從未
曾作纒眉態且也孝翁姑以禮睦娣姒以和舉凡日用周
旋悉能承志中鵠詩曰宜其室家者可爲孺人道矣抱衾
綈時琴瑟式好相敬才璉公如賓如友人咸謂有梁案風
越數年巽占兩妾連產吾伯父學校公暨吾父學貴公詩
曰以似以續非誠然乎誰知天道無常傳來惡耗時至道
光二十五年七月已而才璉公遽主蓉城孺人春纔廿九遂
失所天詩所謂夏之日冬之夜寧不撫衾於邑邪乃立共
姜志斥盡毀粧言笑不苟或有以改醮微示其意者亟奔
走不與言嘗曰忠臣不二主烈女不二夫未亡人雖弗克

深明大義其如養老撫孤何況詩有柏舟之操古有割鼻
之女我既來嬪於謝其敢有他志歟嗟也孺人貞節洵有
足錄者矣由是操持家政量入爲出以柔順之姿而兼內
外之事卒能措置裕如古人云女子無才便是德殊不大
然迨年登中壽康健如常爲見孫輩補綴等事勞不云瘁
乃以無疾卒於光緒二十六年庚子又八月十一日享壽
八十有五歲明年塋竹山嘴龍形辛山乙向言罷吾父乃
鼓腹而歌仰望月中丹桂余乃刻請中書君以爲傳

曾孫昭榮謹紀

民國十六年丁卯季秋月中浣穀旦

謝母顏孺人墓誌銘

孺人姓顏氏以道光二十一年壬寅歲誕生故閨字壬娘
大堉橋謝公學貴之淑配也性溫惠德象著稱年及笄來
嬪於謝事尊章孝謹接諸妯娌和而有禮伊時家道舛午
孺人佐相學貴公經營內外井匕有條操臼杵澗園蔬備
極艱辛而三更燈火時常聞機聲軋軋衣食住不事奢華
嘗曰一絲一粒來之匪易雖白衣縣鶉自奉藜藿自安陋
室泰如也然款客待賓未嘗見餅罄人咸謂有陶母風令
嗣二能伸能徐能徐雖早世而能伸亦克自樹立丕紹箕
裘門閭日見光大蘭孫有三曾玄疊出皆嶄然見頭角指

而目之者愈以爲孺人有是德而宜有是福也孺人

以光緒三十一年丙午十月十八日壽終內寢享年六十

有五莖茅草砌鳳形之陽歲丁卯令孫昭榮以弟子禮拜

謁於余因以墓誌託故畧述其大概而爲之銘曰

茅草之砌兮牛眠吉兆孺人之德兮名標巾幗鳳形之陽

兮築巖封黃森七玉樹兮永榮斯墓

清庠生淵如曹倫泉拜撰

民國十六年丁卯季秋月

穀旦

隱士保恕先生傳

胸襟磊落之士未必皆摺笏於當朝態度瀟灑之夫宜其
多藏玉於韞櫝蓋守真抱璞史有明言而出塵樂山人多
佳趣是以長沮桀溺甯肯荷鋤而耕伯夷叔齊不妨采薇
而食棲遲盤谷飲向廉江隱士風情洵可樂矣先生雖
伏猷畝繼涉詩書置理亂於不聞任榮辱而弗較者謂非
傳其衣鉢歟先生諱昭馨字保恕外卿其號能洪公
之克家子也貌魁梧資聰穎經子幼讀師長已具大器之
規隸楷風端書法早馳銀鈎之畫吐楊雄之鳳文藻日新
生江淹之花才思豪邁無如文后於運運乖於時路擬侍

乎青雲藉遊泮水卷偏加以白勒累落孫山先生亦處
 之泰然無所介意惟自賦富貴功名不我求吳山楚水在
 逍遊兩句而已由是竟萌退志頓改初裏設絳帳於塘龍
 庵風追馬子開藥肆於關坪上業紹韓康濟物利人泉香
 橘井春風時雨秀毓桃園有時高咏鳳兮弦張接輿之調
 有時細談史事膝抱庾亮之床衣不憊乎縣鶉食惟求于
 適口逸情逸致良有足多他如地理命理醫理靡不明瞭
 先天後天易數皆能測斷雖屬餘事而鄉黨間占其惠者
 誰也嘖嘖耨耨老來是翁豐饒此老康強窻下猶聞讀易之
 聲圃中慣見澆菜之勝縱酷暑嚴寒之候未曾憚勞而酒

賦琴歌之餘時嘗訓話古所謂得清淑之氣至壽考者
於先生而益信蓋伊時已壽將古稀矣歲辛酉余自樂校
畢業越明年始得及門讀書陶冶培植之恩連叨兩載耳
得面命之德銘感中心累仰止於高山徒懷慚而赤頰誰
知彼蒼冥七難愁遺一老先生以乙丑年正月二十六日
壽終正寢時年七十有二耳嗟七泰山其頽隱士云亡如
綠水青山何舉丈夫子三榆揚清揚名揚而蘭孫現又茁
起數輩將來發皇正未有艾今當閤修家乘余故不揣固
陋特泚筆傳之復爲之贊曰
昔者李愿志潔清泉理亂不知黜陟不聞先生梗概漫擬

謝氏墓誌
爲倫傳曰不於其身必於其子孫吾於先生亦云

受業現肄業平民大學昭榮仁山拜撰

民國十六年丁卯季秋月中浣

穀旦

謝母何孺人墓誌銘

竊維墓誌創於傳交誌者記也記其事於不湮沒也太史
公網羅天下放失舊聞考其行事綜其終始爲文凡百
三十篇其意大率類是蓋莫爲之前雖盛弗傳莫爲之後
有美弗彰故墓誌尙矣如吾房祖母何孺人之嘉謨懿行
不宜紀其概以壽諸石與 孺人閨字甲娘學淵公之淑

配也賦性情嫵媚嫺幽靜當禱未結粧臺嚴整泊居鵲巢
樵髻操作孜孜如也善中饋豐儉咸有度賓客姻婭皆賢
之而順翁姑和妯娌挽鹿相夫和丸教子尤有聲於姻焉
舉丈夫子二長能異性慷爽無齷齪氣次能經明大義識
大體更善排解雀角鼠牙公無不立寢事後兩德之蘭孫
疊出俱純謹而昭炎昭榜尤其傑出者歷膺公務嘖嘖稱
賢是皆孺人之潛德幽光也孺人生清道光甲申歲正月
初三日享年六十有六卒於光緒十五年己丑十二月之
廿六日擇白姓新山大坪網形之陽而安厝之穴地之橫
直各以五丈計銘曰

孺人之德貽謀罔極孺人之澤流芳不息愛而不忘貞珉
斯勤佇彼蟲虹永垂此域

易孫昭元典貞氏敬題

民國十六年歲次丁卯 菊月 穀旦

木學生謝公能經傳

公諱能經字經綸姓謝氏先世居北鄉蓼江市之大路脚
至公之 崇炯祖始遷居東鄉大灣橋之大竹園 公少
時警敏異常讀書數年輒能通經史大義因家無中人產

半途輟學未能大展厥志且未及弱冠怙恃俱亡公以
勤儉自勵翹然傑立致家殷富各列成均爲鄉邑望其持
身接物雖童子僕隸肫匕然無一毫欺詐心故人無不欣
然以去里黨紛爭得公一言可立解人以是益重公生平
好義急公能濟人危難對於建橋梁修道路諸慈善事慷
慨不少吝貴族續修譜牒公總理其事勞怨不辭宗祠
煥新祭貲豐潔公之力居多德配段孺人淑慎勤樸
慈惠溫良門以內秩然有條戚里咸賢之舉子一女一子
曰昭榜湖南第七聯台中校畢業慷慨有父風歷辦鄉邑
要公無不稱職公之教也公以民國四年乙卯卒於家

壽五十八塋石鼓寨鳳形彰與公同鄉得聞公行狀甚悉
故爲之傳

贊曰公處鄉里雖無震爍寰宇之才照人耳目然其立
身行己垂訓後嗣則固草野之遺賢易曰積善之家必有
餘慶傳曰不於其身必於其子孫吾於公亦云

前清廩膳生委任湖南鳳凰縣知事胡孔彰拜撰

民國十六年丁卯季秋月中浣

穀旦

族兄潤鴻先生六旬晉一壽言

昔歐陽永叔作醉翁亭記極言山間之樂有朝夕變化之殊有四時迭易之景處乎其中可以遠塵囂可以杜紛擾可以適性可以怡神故幽人逸士多好之族兄潤鴻先生其先世由大路脚徙居大滂橋後以生息繁盛復築室茅草壠其地山高而林茂泉清而土肥風俗醇厚居民渾樸無酷暑之蒸膚無蚊蚋之啄體廣輿記所謂洞天福地者其殆近之曩者余以事嘗履其地登堂謁訪得覲芝顏迄今追思其地其人猶髣髴在心目間也茲歲丁卯我族合修家乘余以不才謬膺主纂獲與令長君昭富聚首匝

旬適值良男昭榮亦從平民大學來局見其丰姿都雅氣
宇軒昂心竊羨之七月之晦譜事將告竣矣而昭富忽向
余談言明年爲先生週甲初度欲乞余壽言刊諸譜首
以備製錦稱觴之用余自科罷後羣書束置高閣久不事
筆硯生涯矣然誼屬家庭情何能憇因細詢厥生平得以
盡悉其梗概 先生不讀書善記憶稗官野史聽人談輒
志之於心間暇時每對子弟敷演能酌取其中之善惡果
報以相勸其爲人也樸實老成雖性耽麴孽而未嘗爲酒
所困村中有不更事者懲責無稍寬人卒以其所持者正
而服其言最足重者其父學貴公矜四十卽捐塵遺弟穉

幼先生以長以教曲盡友于之情爲之兩擇其配後齒不
永無所出復以次于承其宗其事祖母與母皆能得其歡
心養與送均一身是肩昆季間從無優劣之較閭里以是
多稱之當兄弟之析炊也家無恒產與妻謀購宅闕坪上
爲小客邸出其途者咸仰其廉平下榻幾無隙地然以經
營太隘入不敷出於是家以內事悉畀妻圖維己則任行
商以佐之繇此且勤且儉積銖累黍男女婚姻外漸有贏
餘置山場增田疇家貲遂日見崇隆焉余嘗觀世之創業
者矣其得之辛苦者每多慳吝往七有坐擁豐饒而漠視
媼親忍心骨肉者先生能知大體識大義凡利物濟人

諸盛舉悉出以至性至情如撫恤堂弟叔養外姪以及堆
上之鞏橋茅草坳之涼亭靡不見義勇爲糜支不靳至續
譜捐以承修尤特其餘事耳夫厚德爲載福之本而靜性
卽引年之徵先生僻處山間凡時勢之變遷國家之理
亂寂然無聞故筋骨雖勞而精神不敝昔商山有四皓之
稱香山留九老之名山之多老叟也非其明驗歟孔子有
云仁者樂山繼云仁者壽余敬師其意謹以天俾之章祝
之曰如山如阜如岡如陵又祝之曰如南山之壽不騫不

崩

前清庠生主纂族弟樹燉竹原氏敬撰

民國十六年歲次丁卯仲秋月上澣

穀旦

謝母段孺人六旬晉一壽序
處此盛倡女權時代而侈言三從四德非愚則陋然在舊
禮教未完全打破之今日女子果具有三從四德之懿行
要亦未可泯滅如吾族姐 謝段孺人有足述焉姐氏爲
族伯承縣公之令媛生而慧敏能善伺承綿公之顏免先
意承志獨得其懽承縣公珍鍾愛之有若掌上明珠稍長
益嫻禮則出告反面內言不出外言不入成年歸謝經綸
先生賓見媿上琴好綦篤大小內外悉待紀理姐氏必諮
而後行以示敬順上事姑嫜中和妯娌下字子姪各滿所
欲故人言無間不幸經綸先生早世哀毀骨立欲以身殉

徒以甥氏昭榜與姊幼孤憫上在抱隱忍偷息恩斯勤斯相與鞠育飲食教誨至於成立以竟經綸先生未竟之志延師課讀修脯必豐禮意必誠每於春朝朝日秋夕夕月率其幼女及昭榜甥篝燈紡織機聲與書聲相和答嫁女娶婦經綸先生向平之願悉姐氏代爲子之昭榜甥既成婚所有家計出入悉以委之以示不擅母權昭榜甥夫婦亦必請而後行一門之中洩也融也太和翔洽謝家門風爲之不丕振論者輒歸美姐氏實則姐氏一生幼則秉承縣伯之教以爲立身行己之大防長則相助經綸先生得以發舒其志氣然敬順無違之誠始終未敢稍肆經綸先生

見背對於昭榜甥姊弟不能不以母教而兼父職義方之
訓未敢稍寬迨昭榜甥既立家室卽不肯再親家事僅於
禮數出納畧爲主持所云在家從父出嫁從夫夫死從子
姐氏殆庶幾之至如德言容工余雖未敢阿私故作諛詞
果昭榜甥夫婦及其姊能率姐氏之攸行親親長長老老
幼幼夫夫婦婦悉畏禮則雖在盛倡女權打破舊禮教如
今日吾知立言君子必以爲告朔餼羊於此亦當三致壽
焉邇因昭榜甥以謝氏宗祊續修家乘姐氏復年屆周甲
特躬造敝廬丐余文爲壽意欲刊入譜牒詔示後昆并藉
以博姐氏懽笑余重建其意畧舉其生平行事爲之遙述

以與當世盛倡女權之大雅闕達揚權之抑即余壽姐氏

之微旨也謹序

前清增生京師大學畢業內弟碧江段廷珪敬撰

民國十六年歲次丁卯季秋月中浣

穀旦

贈主修族姪昭煥之母袁孺人壽序

資興之東多崇山而七寶爲衆山之祖自七寶蜿蜒而下
磅礴鬱積於大澗橋得其氣者鍾于男則厚重端凝毓于
女則柔順堅貞詩之祝壽也有曰如山如阜又曰如南山
之壽蓋山之體主靜惟靜故壽詩人之意蓋本乎此孺人
氏袁爲國璧公之淑媛而族兄能行先生之嫡配生而沈
靜少小作婦女箴內則不教而能計厥懿行可爲巾幗法
者有三一則不慕奢華人之生也莫不尚時而好異苦嗇
而喜豐孺人則慎乃儉德惟懷永圖緬王旦之門風從無
泰侈效裴坦之家法盡撤瑤環操井曰勤紡績荆釵布裙

裕如也嘗謂有福不可享盡膏粱文繡皆折福之端故終
其身無越分之想雖有時延賓款客間或從豐而惟其暫
不惟其常是則不得援此以例彼耳一則不妄舉動世上
輕狂婦女塗脂傅粉相與習時樣妝墮馬髻折腰步嬉
然齟齬而笑妖態叢生此其不自愛其身以辱其親傷風
壞俗莫此爲甚又有崛起成性乖僻不良奉翁姑則不知
孝敬相夫子則不體無遠驕恣是逞以致一室之內誦誅
時聞書曰牝雞司晨惟家之索信可徵也而孺人則凝重
溫和一出入必謹一周旋必慎鄙輕浮惡囂悍事上率下
動協準繩而局度雍乚焉一則不懷嫉妬昔文王得后妃

之助開周家八百年之基其德在不嫉妬能逮下故子孫
于以衆多孺人懍無後爲大之旨以己之所生男女均未
成人而婉言相勸其夫納寵旣娶于陳和睦異常洎璋茂
載弄先生旋見背孺人撫其孤如己出比長教以義方不
存姑息愛陳亦聽之故始終無一間言彼夫猜忌百端不
肯讓人者始則攬權固寵憂深置筮繼則懷疑攜貳怨抱
分桃釁起牀頭害生宗祧聞孺人之風能無汗顏以羞乎
邇者孺人六秩芳辰令嗣昭煥思製錦稱觴以壽其母而
託從兄昭元乞序于余余以孺人之德悉本乎靜仁也者
以之治心則不涉紛擾以之修身則不蹈虛浮以之持家

則不慮勃窣此妣氏之聖德幽閒貞以外而以靜隱括之也且性靜則神完神完則形固孺人之享遐齡慶花甲豈偶然哉余故摘其懋行以爲晉觴者之一助並賦四言詩三章以祝之曰 孺人之壽壽亦有由端莊靜一舉世罕儔梳無絜綺案鮮珍饈守真養素歲月優游右第一章

春酒羔羊介壽躋堂今日之樂樂且未央挹茲玉斝酌彼瓊漿陶陵晉頌壽考無疆右第二章 惟昔女真南嶽夫人交梨火棗瑤島長春無須龜息不事烏伸何以致之淑慎其身右第三章 王纂庠生族弟樹燉竹原氏敬撰

中華民國十六年丁卯菊月

下浣

穀旦

助修喜榮序

兄居三都碼頭上字能綽號喜榮學舉公之季子也先世
清白成家爲鄉邑望 兄生狀貌魁梧姿質樸魯語言不
甚工行動亦合禮性嗜飲枕麪藉糟曾游酒人不爲所困
稍長習工藝縫紉永邑苦身戮力靡敢惰嬾主人咸重之
數十年日有所獲置諸橐不妄用雖在城市嚴絕浮囂毫
無聲色佚遊之舉始以積累餘金田產終不介懷嘗曰後
人賢任自爲之甯合笑我拙也爰棄業家居督率耕耨或
當雨露風晴力瘁穽畔朝夕不遑暇食引鋸量用衣食裁
足而已其事兩尊人色養備至豈徒服飾膳獻是謂能養

平故冬夏不忘溫清縱外工於遠方而服食之珍異必餽
續紛是其心常在左右詎與問寒燠而敬進者有殊乎平
生自守綦嚴端毅質直不設城府不與外事獨於義所當
爲直以爲己任不竭力不求譽不問果報知無不爲爲無
不成有非晚近澆漓之習所得而比擬者嗣是合族見其
立心制行真誠坦白義而不利正而無偏咸奉之爲首以
主其役經管族中公款並清明各會項以及四大房學會
悉秉公正一粒一文無纖芥支吾尤足嘉者能知敦本尋
源四大房創立始祖昌公清明兄亦樂捐勉從厥事成立
開祭叙飲時明達長老閒披舊譜分修數屆無人綜理專

責致多錯訛趁此人心齊協提倡合修群體贊成 兄更
欣然樂從慨以助修自任公主兄爲伊房總理會計出納
矢公矢慎不畏人言不避嫌忌自冬而春秋不敢辭勞不
敢言瘁寢食譜局致家私務於弗顧斯亦族之孝子慈孫
也弟忝主纂與 兄同居局中朝夕與俱得悉 兄之行
事實畧特揮毫而爲之序

主纂族弟龍文紫青氏謹紀

中華民國十六年丁卯菊月下浣

穀旦

人財兩盛

福壽加增

人必慎其始

幸勿謂十六年下劫匪已不復

意以爲已了不竭力

意以爲已了不竭力

意以爲已了不竭力

意以爲已了不竭力

意以爲已了不竭力

意以爲已了不竭力

意以爲已了不竭力



中華大學 太學生懷仁先生墓誌銘

先生諱景仁字懷仁白手成家人也居三都中謝家自幼境遇極難純以負戴爲生計然性極醇謹口無妄言身無妄行一惟苦其心志勞其筋骨餓其體膚克勤克儉以圖之而上不怨天下不尤人所以動心忍性增益其所不能迨有室成家益無敢忘艱難困苦之境以此銖積寸累由培蕤而休伯而千萬家業漸臻裕如且素明大義好行施與族里有孤苦貧乏者不時周給之有鼠牙雀角之爭者竭力紓解之經理鄉族各公產矢公矢慎毫髮無私人咸多之郎君二均從余遊在程水學校高等學校畢業性皆

謹厚有乃父風女子四長適袁癸開之四子瑞有次適西
庠袁景春之子女澤亦程水畢業也三適唐壬初之滿子
嘉和四適毛坪上袁甲生之次子樹璋馨將耒繩武家賢
方興正未有艾洵厚德之所致也生於前清咸豐己未年
七月初四日辰時歿於民國十年辛酉正月初三日辰時
享年六十二歲以本年八月十三日申時安厝於斯庚山
甲向其銘曰厚重堅凝如山斯鎮仁者樂之德合坤震土
木不侵風調雨順毓秀鐘靈烏衣如晉子子孫孫代生賢

儁 前清己酉拔貢姻愚弟袁紹樞敬撰

中華民國十一年

冬月刊

景雲族孫傳

歲丙寅閤族續修譜牒迄今閱兩寒暑事將告竣有三都
碼頭上曾孫寶山兄弟來局述父行實乞余作傳余答曰
家之有譜猶國之有史必須宏才學士英傑長官乃稱其
傳寶曰否也學士經史心苦長官案牘形勞雖其詞善頌
祝亦多虛浮鮮當於人何補余味其言之達喟然嘆曰余
忝在局主纂責有難辭縱材能黷耀筆墨久荒敏承其請
迺按而掇拾書之族孫諱景雲字懷仁白手成家之子
也性樸直貌純和能曉大義目雖未覩聖賢之書而於人
情世態知之甚稔少時家貧食力冰也波也懃也懇也不

貪分外之財半生來未償所願勤儉營身而已幸宅近廛
市常與商賈交往有羅銀書與孫同庚見其爲人誠信毫
無夸詐作事又不憚勞夥辦煙葉披星戴月購買本邑榔
豕之間泛江涉湖販售湘省武漢之外懋遷有無利權子
母以之而度支稍裕又以而業產苟完赫然爲高明家他
人處此鮮不趾高氣揚競相炫耀孫則不然飲食須從淡
泊衣服勿尙奢華人生在世當求娶妻承祀以爲祖宗光
足矣詎有奢望是知 孫以隻手起家躬自完婚育子金
穀充贏左宜右有卓然爲門閭光以視閭閻中諸賈墀粥
僅知牟利而不知義恃富而生矜驕者大相懸絕也至戚

友鄉族往來晉接雍穆和平罔有囂凌之氣溢於眉宇若
中華有橫逆之來能以情恕終身不見愠色爾時族黨之人莫
不親愛之而無有鄙棄者生平雅慕文人學士及素負峻
望者過其家特別禮邀設醴具饌日以無倦容送子外讀
殷情甚備月數親奉羊酒勞遺其師然尤疎財仗義見善
樂爲調困乏卹孤寡如族向無義倉倡首成立捐穀莫吝
壩圳督修數次弗惜重金以及莊廩杠倚庵廟寺觀悉解
囊相助毋稍愆畱其行爲大率類此宜乎吉人天佑連生
雙桂手敏心靈俱知敬宗睦族四大房公推兄弟爲主修
慨然各任一名蘭孫迭茁其芽將有祉祚流衍繼緒蕃昌

於無既者余故就述行畧以傳第不知當代英豪俊傑幕

賓宿儒為有當焉否

主纂族祖龍文紫青氏撰

景雲公清明產業列于后

一處地名黃家圳禾田三十六担計壹坵

一處地名本村前後塘十五担計四坵

以上共田塘五十壹担兩房以作祭掛

不時

中華民國十六年丁卯

中華民國十六年丁卯

義學贈李孺人上田序

節母李孺人品直之妻呈祥之母也歲辛未吾宗屬郴郡之
舉人諱宣者曾爲孺人撰壽言首以上田書院書之士
君子重讀其文未有不贊美於孺人之慨然好義也然
此特在日所爲之善事耳抑思孺人素以慷慨聞豈僅能
上其田於書院而非書院者不肯上其田乎我等知其必
不然以爲孺人之身婦人身也孺人之心非婦人心
也何也我祠之義學本欲以其田上之而因所欲上其田
之數有未獲于就便含之所以不吐于口也乃有志未逮
直底臨終而囑厥子子於孺人田而號呈祥者倡修義

學之譜因述 孺人上田有遺命事未行而先卜於曾內
人等我等聞之喜欣然許曰此固樂善好施之舉也誰不
願成其美哉况又出於 孺人之遺囑其數更有加於書
院所上之田也非巾幗丈夫女中君子其能得如是噫嘻
我族聚居於此閩人固甚多矣以節孝著者世亦不乏婦
氏未聞有深於識遠於圖者之如 孺人也豈不僅見而
僅有哉茲念其仗義之心嘉惠於士林而思所以發揮之
彭闡之俾之永垂于不朽此固我等所共願者也 孺人
之雅意蓋可忽乎哉因筆之以授梓 義學眾等同贈

光緒五年歲次己卯仲秋月

穀旦

贈族曾孫漢槐編修序

我族萃四大房之眾修合大同譜舉前此之分房各纂而
改絃以更張則局中選職任能非其人不得與其事故自
纂鑒以至經叔悉由多人之斟酌盡善而始充其數其間
有一人任多數事者有多數人任一事者是必隨其事之
繁難與否而後以其人配之如編修者多數人之事也此
多數人中擬將先哲藝文從各房譜帙中搜羅籤出以統
歸一致然後按其年代甄其秩序次第而謀合之事非不
純粹也顧新舊錯綜不有明察之知識與嚴密之心神保
無有挂漏堪虞而弄巧反拙者漢槐之爲人也讀書善記

言上於譜
憶處事號精詳世居三都碼頭上爲族孫清庠生景澄之
家子前光緒時景澄膺本房主纂以一人而兼鑿編校繕
諸務藻典先生嘗稱其才能學力卓絕超群而余與景澄
先同學後復同事相得甚深今漢槐領編修之責是宜繼
先人之志肯構肯堂相期鳳毛濟美前者魁房墨譜之役
漢槐曾主墨槁及本祠開辦學校復有校長之推必能諳
練老成繩七乎慎其所先決不蹈少年虛浮之誚但生平
喜嬉游然能不以嬉游妨正業是則不必拘以繩墨也昆
仲四人子男五人門庭之盛藹然可觀漢槐亦謝族中之
幸福人我因序錄之以爲贈

主纂竹原氏撰

贈主修寶山寶田兄弟序

有財而不用是謂守錢虜有財而妄用是謂不惜福財也者不可不用而亦不可妄用嘗讀漢書食貨志太公立九府圖法圖卽錢也又名錢爲泉曰流於泉言流行如泉也故守而不用則遏其流矣用而不節又涸其源矣是在善用者之所取法焉此一說也余於寶山兄弟得之寶山寶田族孫景雲之哲嗣也世居三都碼頭上景雲不讀書有心計其始也食力安貧人見其誠信可托招之商共涉江湖而景雲善觀貨情能與時俯仰獲其贏利遂以販運煙藥而致豐寶山兄弟席先人之業知創業之維艱相與

小心兢守以期久遠於勿替惟於鄉黨之盛舉宗族之義
務則慷慨爭先各出其囊貲而無或稍靳如我族重輯家
乘兄弟各以主修自捐非其所見者大而所識者閔耶余
因之有感矣夫世閒不肖之子藉先世之餘蔭不知立功
罔顧失德徒然坐擁盈饒任意揮霍甚至或喪志撈搆或
耽情花柳將前人錙銖之積盡以供泥沙之用未幾輕裘
貂帽轉而爲短褐不完矣未幾高臺廣廈轉而爲他人所
有矣人見其銷耗始盡不責其不善用財而反諉之於天
數豈明達者之論說耶子思有言其父析薪其子不克負
荷殆謂此也今寶山兄弟均從程水小學校畢業而一以

商傳一以農守皆不墮厥家聲其有光宗族不誠巨哉昔
陳元方之子與季方之子各論其父功德爭之不能決咨
於其祖太邱太邱曰元方難爲兄季方難爲弟二人之子
其或有此盛事亦未可知余故喜而爲之合序云

清庠生主纂樹燉竹原謹題

時

民國十六年丁卯季秋月上浣

穀日一

其心誠足以期久遠於國之

後世也

乘此功各以王修自捐非其所見者大而所論者以

及國生六季不泯季然用王武之子孫也世之

罔不以此德彼然坐於位賦什

其德也

其德也

其德也

其德也

其德也



靜堂叔學焜號翠啓夫婦傳
世俗每以讀書不成名爲不幸舉凡博得微名者輒自詡
爲清高矯情以傲物而在未邀弋獲者猥以自歎而深恨
之大抵狃於世態炎涼迷於人情冷暖之習均未明夫人
事得失有時數命運之存者也夫讀書所以明理非關乎
區區一微名之取求爾嘗見有衣冠其貌而禽獸其心者
又有夷惠其形而蹠躄其性者類皆讀書不明理者爲之
類皆讀書不明理而成名者優爲之也若理既明而名反
不成非必文章不工學問不足才德不優迺時數之適然
命運之壞然彼倖得微名而邀寸進者或不安其分或不

守其常踰尺而更踰丈勢將高而必危滿而必溢顧此失
彼壽算每不能延子孫或難爲繼豈若讀書不成名者彼
蒼別有位置或酬以壽算或錫之子孫令人於不覺哉况
平時至今日滿清代謝衣冠幻如戲場功各鄙爲腐朽不
誠今是而昨非耶因於堂叔諱學焜字翠啓而竊有感
焉叔性渾噩樸而不華直而不曲髫齡入塾天資不後
恒人比長苦攻力學手披口吟晝夜不輟三十餘年累試
未售高叔亦坦然處之視富貴如浮雲乃淡意於文場遂
專心教授設幃於本村情殷啓迺子弟羣沾化雨時而肆
情山水爰擬顧况之七松樂志田園深企陶潛之五柳不

攻人短不炫已長其於社會公益家庭義行均以長厚爲
之卽朋友戚族無纖介嫌疑致啓凶終隙末之憾雖未獲
成名無有輕浮以議其後者語云學問深時意氣平此足
以驗 堂叔明理之功也豈讀書不明理而邀寸進橫行
鄉族者所能望其頸背耶髮配 袁孺人木瓜塘茂德公
之令媛也慈和其質賢惠其心相夫著孟光之德鴻案相
莊居室慎少君之勤鹿車共挽治家以儉款客以豐雖出
富貴之家毫無矜驕之習誠不愧爲女中君子也生男一
讀書通大義知時務可爲宗族光孫甫一英姿卓犖氣宇
軒昂可造之器繩祖武大家聲固未可量 叔洵暢然滿

意焉年逾花甲大星忽沉非酬以壽而錫之子孫乎彼世俗之以讀書不成名爲不幸者抑未奉教於堂叔矣

王纂堂侄龍文紫青敬贈

房叔恒珠夫婦傳

積善之家必有餘慶天道福善禍淫此禮之常而報施之不爽者也 叔其積善之家者天之福之不亦宜乎賦質誠樸秉性忠懦詩書之願有志未逮孺慕之忱本乎天生其侍庭幃朝饗夕膳色養無違躬耕隴鋤雨犁雲卒至手足胼胝亦無皆窳之意以故耕九餘三田產皆置肥美屋宇得買鄰近豐裕便宜倍增前人且其一生冰競自矢絕

跡公庭言不妄發行不浪爲若家居無事不少假以顏色
及出而接人又春風和煦藹然可親凡賓朋往來戚族贈
答頌慷慨以相將至立義倉設學校尤樂捐而不吝其好
善之心高出流俗甚遠彼世守錢虜只知買田宅長子孫
而於鄉族公益毫不關心聞 叔之風亦可廢然返矣德
配 鄧孺人恪遵女範閨中偉人克勤克儉佐夫以成大
業而子能華語言動止悉本家訓一切事業不惟有守而
兼能創茲值續修家乘慨以主修自任抱負非凡由中學
畢業卽赴軍官學校考取入伍生積善餘慶不大彰明較
著哉今而後知天道福善報施不爽予於 叔益信然矣

主纂房姪龍文紫青敬撰

謝君家樹親家夫婦行實

從九品謝君子宣字家樹封翁良弼老先生之孫太學生
月池太親翁之冢子也賦性聰穎存心和平外侮不惹閒
事不言誠守已安分樂善循理之君子也余與子宣本兄
弟也而親家焉友陳雷也而姻聯秦晉焉猶憶光緒丁丑
正朔親來拜謁始知親家生於同治癸亥其時吾先君館
於清溪山君父月池太親家將君寄名於先君膝下屈指
算來十五年矣從此同窻共讀於清溪山者三年分道揚
鑣君負笈於雷仙殿余就館於本宗祠辛巳春君與令戚

曹君麟祥來祠談及親家母身懷六甲無論爾男我女爾女我男兩家務必聯姻自時而後雖天各一方未獲共讀而以友加親來往愈密甲午鄉試日本之役余於秋闈後幕遊出關得保微職補官江蘇與君一別近將廿年方冀歸來聯床話舊煮酒言歡孰料親家夫婦天不假年於辛丑年間夫唱婦隨竟離塵世傷哉茲因貴族續刊家乘合孫紹廷以余與君相交最久友而加親知之最深丐爲文述君生平行爲余雖年老學荒何敢以筆墨以疏言之無文爲鄙不過畧舉君之生平而爲之辭君心性誠慤相親和平侍奉繼母如生母然孝順父母友愛弟昆少讀詩書

智慧聰明寫字端楷出類超羣交朋處友一秉於誠無虞
無詐毫無欺心相時而動秉義而行中規中矩周旋折旋
與世無忤與物無爭襟懷磊落軼後超前年未半百厥疾
漸臻天年難假棄世離塵今羨有子又有令孫持家勤儉
田連陌阡書香克紹頭角崢嶸克昌厥後丕振家聲令君
雖逝亦可含笑於九泉德配名媛賦性和溫箴言素習靜
德合坤相夫有道御下有恩貴不嫌賤富不忘貧和睦妯
娒惠及鄉鄰嗇以奉己豐以待人姆儀道韞薇音克傳生
龍育鳳瑞比璠琨一兒一女未有加焉余因奔走未克時
臨滿擬親家夫婦遐齡嫁女娶媳以了子平孰料弟婦竟

不永年同室同穴夫倡婦跟丟男棄女年未五旬一朝永
訣以了一身子既生子孫又生孫善繼善述祖武克繩發
祥未艾桂馥蘭馨余忝戚誼言之無文道揚盛德自戚有
後賢聊光家書俚語以乘

前清附生五品翎頂江蘇補主簿姻末

曹文煥蔚如氏謹撰

謝君學炳親家先生行贊并夫婦張氏傳

謝君學炳字德啓號泰階才沃公之四子也世居五谷團
村名魯塘下荷蒙雅愛與弟姻聯秦晉戚誼最濃杯酒談
論語摯情真非禮勿言非禮勿動信乎三代遺民也茲值

貴族續修家乘令郎毓書卽弟之女婿也臨門乞叙弟榮
榆暮景筆墨以荒况致成無文謹將素所稔悉者擲管爲
之傳先生昆玉五次序行四先生幼業儒因先君志在伊
尹俾先生棄文就武樂道躬耕披星戴月家道漸昌先君
最鍾愛之衣食足禮義興地方善舉每以不聞爲恨修橋
梁砌道路矜孤恤寡靡不踈財仗義遇桑梓有雀角披髮
纓冠極力極揀仲連解難高鳳脫巾先生有足徵焉維持
義倉及本族學校任勞任怨先生古書未讀言行暗合乎
古淑配孺人張氏操井臼甘粗糲相夫無違教子有方翁
姑稱順妯娌克諧斯誠爲巾幗丈夫小女登先生之堂歷

有多年聆親家母之善教至渥至深惜親家母仙遊太促
斯誠小女無緣也女婿毓書次簡書有子不愧二難少年
老成具有父風廿餘年森七林立孫四孫女五頭角崢嶸
九泉下親家母應亦含笑將來之發祥正未有艾也弟技
媿全牛學殊半豹約畧其梗概以爲贊傳云

姻眷弟袁陳燊典文氏 拜撰

民國十六年歲次丁卯季秋月中浣 穀旦

謝上友詩
贈妹丈謝玉樹先生夫婦序

閒嘗綜覽寰宇間見夫庸碌度春秋者不知凡幾卽訪山林隱逸之士亦靡有暇日蓋天之降大任於是人必先苦其心志勞其筋骨餓其體膚應如是也抑且富貴貧賤命之所自遇耳由苦而甘膺厚福享安樂者誠難數數觀如妹丈玉樹諱學詩先祖良弼公之孫先考月池公之次子與家樹同父而異母昆玉三妹丈居次全樹其胞弟焉世居魯塘下祖業甲於團厥後因妹丈承嗣鳳公舉家興訟遂將家業傾敗是天之使然與抑家運之不齊與然此特小焉者也倘能發奮有爲將丈夫其志君子其身可剛可

柔能屈能伸何患乎無田園之日廣家道之益隆也哉乃
年竟不滿三十而壽終雖有回天手段無能爲力也嗚呼
惜哉 德配袁氏係余胞妹于歸後連生三子克勤克儉
不敢追違其意以家雖欠豐亦非懸罄或可由苦而甘漸
膺厚福而享安樂者不料三十齡而守節撫孤度日後滿
于亦夭亡其中之艱難辛苦不啻萬狀焉由是言之吾妹
其可湮滅乎哉慨自秦漢而下人心澆漓節之一字弁髦
棄之公侯將相碁局家國朝楚臣暮秦相恬然不以爲怪
且揚揚得意自以爲智出萬人上者更僕難數迨五季六
朝斯人尤爲旁午厥後更有棄禮樂冠裳臣服犬豕甘爲

言
奴隸曾不汗顏而慙心者大臣而妾婦之不如對之節婦
當抱慚無地矣節婦女之中夫一永訣或藉口家貧糴糲
不給或託言子幼操持維艱而朝爲越溪女暮作吳宮妃
比匕然也求如吾妹之節尤百不獲一嗟匕守節若吾妹
者可以風矣謹爲序之以待後之採風者

邑庠生內兄袁南棻梓材氏敬撰

民國十六年丁卯歲次季秋月中浣

穀旦

贈謝學禮嵩生先生序

先生性鯁直遇事敢言不避權貴地方事幾番未了斷者
先生至立剖甚至見豪強肆虐庸懦無辜頻受陵尋者
先生遂以身當之出與豪強競爭利權不爲收回不息因
而聲名噪甚鄉里時有俠士之目與人交不輕然諾七則
言必踐故人又以信義鄭重之族杏江 先生奉天子命
發往西粵知灌陽遷江等縣事 先生客諸署邸時爲之
甯靖盜賊伸雪疑冤悉能神明燭照曲直攸分大爲杏江
先生所欽服惜爾時爾世聖明以科舉遴員重文章而輕
德性遂阨於遇不得手假斧柯造三代下遺直之福者命

也亦時也後數年束裝旋里靜居一室以培養德性爲主
親友至門必殷勤進以酒食香茶等無少吝有時靜中忽
動煩瞋微生則攜竹雞畫眉諸靈禽嘯其歡鳴一會以靜
懾不知不識之天蓋示人深知己之傾心慕靜無復有世
味之情聊遣此以終其身而已矣奈鯁直性成俠情天具
雖阨於朝廷之選擢而不阨於鄉里之鄭重時君權推倒
民權大伸程總司令軍馬駐足於我郴資永宜及我鄉蓼
市等處籌餉抵敵居民甚是驚狂於是我團共舉 先生
任崇正總區經理籌餉款項暨地方一切事宜 先生一
肩此任卽將當時如何甯兵如何安民之善行美舉瘡心

瘁力開誠布公而我一鄉遂賴以安靜寧謐竝未有秋毫
苦者皆先生艱直之力有如斯也大軍去後先生退
歸梓里而我團又共舉先生以程水高小校庶務之任
先生慨然領諾未一二月而校中之一切度支暨章程規
則等項皆隨先生而相與遵循謹守並無虧欠以及紊亂
之者由是而程水校中之道風爲之一振夫直也者本天
地至大至剛之性聖人之所喜常人之所惡也人情多阿
私偏好苟有一正直不阿者參其前則如人眼中突出一
刺欲不惡也得乎至於聖人則與天地合其德與日月合
其明與四時合其序與鬼神合其吉凶純一片浩然剛大

之氣流行於縱橫上下之間假令先生得以鯁直之性
上佐聖君專居於御史台諫之列將見奸雄檢手四海無
詭詐之風忠正當場六合享承平之福豈不懿歟奈之何
俾其直性不伸而徒留其名於間散末微之地一見於粵
西之灌陽遷江一見於本鄉之崇正總區暨程水等處而
此數處率賴先生之鯁直得以鄭重於一時是先生
之不遇中而忽爾遇不幸中而偶一幸者也德配孺人
曹氏是大坪曹鳳岡之同胞弟妹膝下丈夫子名萃寶皆
剛正不阿性質純然與先生同於此而又知先生鯁
直之德垂裕後昆正未有艾也茲值貴族續修家乘重推

先生以主修之任 先生於是將生平志願對愚譚及竝
丐序於愚 與先生有姻戚之誼又有同事之情能知之
深而諳之熟故不揣固陋特將 先生鯁直成性之真情
實態不禁欣喜而爲之序

姻愚弟前優附生護元許錫蕃謹撰

民國十五年古五月二十四日即新曆七月三日

謝上友詩
贈王修兼纂修龍文襟兄先生序

襟兄謝君龍文字紫青春如其號名宿文庠才鴻老先
生之長孫也其父學炤公以儒而醫從未受謝感其恩者
僉曰再造曾祖聯佳翁秉質忠厚制行超卓一時田產棟
宇甲於鄉族襟兄自幼岐嶷不凡神清而骨秀心直而品
端人咸以程水之長流比其潔石岐之聳翠匹其高五歲
入家塾天姿超邁詎誦敏捷迥不猶人有白樂天之聰明
備任彥升之才識承家學之淵源方舞象學究天人理綜
濂洛經史子集漢魏叢書無不博涉貫通文章詩賦不屑
上於時藝求捷徑力追唐宋大家氣機活勃筆力雄豪有

橫掃干人之概故隸籍童軍屢列前茅於州縣試及書院
者有年院試亦蒙挑選因父喪服未闋礙於應州縣試從
俗規捐名進場而院中科房調閱坐卷小講未蓋官戳借
此波詐是夜着丁喚兄與認保曹城傑進院稱兄州縣
試卷舞弊威嚇索金兄以才學自信弗知金錢惡阻面
拂其慾致被折落斯亦遇之奇也兄視富貴如浮雲
遂絕進取之意以維持地方公益爲己任舉凡崇義急公
義倉學校間有射利之徒掌管侵吞兄卽出首會同正
紳清算稟追不辭勞瘁不避斧鉞總期有成卽族初等小
學迭被見利忘義之輩糾舌幾閉衆懦見畏怒不敢言密

訴於兄七卽挺身而鬪隨請視學員來校核算如有刁抗
生事無須公用 兄獨負擔竟令吞者畏咎哀求寬算賠
償畧約小洋二百餘元俱已揮票歸校合村欣起而言曰
斯校校長非 兄任職不能善後完全苦勸無辭第以生
平視善爲寶疾惡如仇良懦之人深加憫恤有事則代區
處以圖萬全遇不良於行者輒呵斥之卒多得其平良懦
者感而不忘不良者畏而知避可見糾正地方陋習擁護
公益之英傑 兄性篤孝友慈幃寢膳衣用獨以一身承
歡毋稍或懈歷數十年如一日弟性僻傲偶有乖舛悉曲
意以誠格渙然冰釋弟家不敷錢穀恒濟勿吝猶子則子

之洵有孟嘗推與之仁伏波誠書之義其天倫之暢叙有
如此者洎清光緒三十一年罷科舉而興學校滿政不綱
四海鼎沸 兄知清祚必傾無從補救遂慨然曰大丈夫
不能大展才猷持國政以富國亦當畧施經濟理家政以
富家於是研究致富方針卽詣永邑開設歇保出入公署
託業蕭曹所理案件愈加醇謹周詳動本陰隲厚培小地
知時勢酌便宜胸藏卓識智畧過人縣長法官窺其勤慎
廉明甚愛重之凡所爲蘇困解厄扶弱抑強回寒谷於律
中蔭暍人於樹下得以免陷險難者多資調濟之力仁德
爲懷頌揚載道城鄉紳耆逸士爭與把袂訂交咸深欽佩

以致座上客常滿樽中酒不空尤能疎財仗義氣負豪俠
莫營非分之財弗惜當用之費食不極薄衣不過奢阡陌
遂日見增且好善樂施見有殯塋婚讀困乏者悉解囊相
助負債莫償者焚券若忘橋梁道路涼亭菴宇盡力捐施
積極理財之手續可與范蠡同其高消極輸財之慷慨可
與卜氏比其美既具盛德當獲厚報宜乎庭前玉樹雙榮
砌下芝蘭競秀伯即維翰策名軍府老成練達仲郎堯瑞
明敏英俊績奏鷹揚令孫景運體貌豐隆靈聰穎異俱有
火炎泉達氣象宗黨莫不以爲光寵而襟兄則處之淡
然今貫族續修家乘公舉襟兄爲主修而兼纂修之任

兄卑以自牧如弗克勝而上念先人下顧來者不敢辭其
責爰紹先輩成式考辨其世系釐正其錯訛不失之繁毋
蹈於簡懷橘卧冰之行讓產共被之事以及匪躬而勲昭
皇路矢志而節著清閨罔不備爲紀錄合族之眾無美弗
彰以視世之私刻自用匿善莫揚者大相逕庭矣兄更殫
精竭慮督率同志努力進行井然有條不數月而譜功告
竣非兄之急功好義足以感人熱忱毅力足以動人曷克
臻此不誠仁人孝子乎余故欣慕襟兄之福而益壽壽
且康吉並及二子之賢遂樂筆其行狀而爲之傳論曰自
古善人天必報之後余與襟兄會晤日多握手談心毫

無匿肺觀其言論丰采一種渾金璞玉之氣洋溢眉宇早
知其爲厚德載福人也至今而果驗矣母亦祖父培之於
前而不襟兄繼之於後遂令書香永世綿七不絕歟不然
何謝氏之多佳子也如謂鬱久必發不於身必於其子孫
此世人慰藉之詞不可以爲訓吾因而斷之曰爲善者昌
襟兄之謂也人可不深自猛省哉

前任耒邑知事襟弟李耀東郁樓氏敬撰

中華民國十六年丁卯秋桂月上浣

穀旦

韶春堂弟行畧

人以守身爲大亦以適用爲能守用具備古人猶或難之
乃今於 堂弟韶春而得之矣幼生岐嶷長而俶儻游泳
聖賢之津饜飫詩書之旨淵源有自羣羨采芹攀桂指顧
間事因數奇不偶萱堂忽萎常侍父前代勞家政遂絕進
取之意閒居無事念昔范文正公有云不爲良相當爲良
醫誠以醫者亦濟人之一術也用是專業岐黃手不釋卷
口不憚吟上自神農本草下逮景岳諸先達彙集奇方罔
不潛心研究豁然貫通故疾作者延治無不立瘳聲名洋
溢婦孺皆知接踵填門無分良賤不避寒暑請則必往貧

者不計謝富者亦聽之其有守如此致用如此况乎性賦
耿介亦喜交遊飲酒温克不爲所困凡與處者悉名士未
嘗浮薄爲伍以致族中清明學校并四屬堂學會一及租
穀借款公推經理矢公矢慎人無間言遇有鼠牙雀角之
爭竭力和解鄰里咸欽重之且念葛藟而篤本根與父老
倡立昌公清明無忘基祖手澤族中人士共表贊同業已
成立開祭適族維周榮歸來祠祭昨與兄等陪談時會變
遷人材縱能輩出多屬虛浮際茲閭族共和務須續修譜
牒組織提議弟極進行自在協修四房感應莫不踴躍爭
輸以襄厥事其駐譜局純盡義務公而忘私編緝復兼校

閱夙夜匪懈凡百事件悉躬親焉人或議其邀功或抵其

謝正方詩
贈謝君姻姪寶珊序

自強生於力，生於智。生於學，力不強則智不開，智不開則學不廣。孔子曰：雖愚必明，雖柔必強。豈非示人用力於學而智乃生哉？然亦有不學而能，不力而智者，如我親

家子謝君寶珊，而其人其智有足多者。凡人學一藝，必假師授，不獨白工有師，技藝有傳，推而至於爲農爲商，九流百家之學，亦莫不有師傅。若士尤其顯焉者也。今謝君寶珊，其先世家本素封，爲一鄉冠。洎至我親家時，人口衆多，食用浩繁，家事稍退。寶珊棄其童年所學，而盡力於農畝。雖披星戴月，沐雨櫛風，足胝手胼，不辭勞瘁，十餘年間，田

連阡陌雖未至於大當亦可稱小康焉非發奮自強曷克
臻此所謂自強生於力不其然乎除業農外曾於農隙之
時學習書畫丹青手筆早已馳名卽竹木二匠百工枝藝
不假師傳自能通曉程子所言格物致知在卽物以窮其
理惟於理有未窮固其知有未盡至於用力之久而一旦
豁然貫通焉非力生於智之謂乎然智生於學也而不力
則智不生若不學而知不教而能鮮有其人有之余於謝
君寶珊見之使其送入泰西博物院以其智學習藝術吾
知其必等而上之不只與泰西藝師並駕而齊驅也人第
見其相貌終日而不發一言似愚魯之態而不知其智鮮

有能及之者昔孔子謂甯武子其智可及其愚不可及余
於謝君其愚可及其智有不可及焉所謂大智若愚大巧
若拙其卽謝君寶珊之謂歟他如儲財以送子捐貲以修
家乘以及脩橋砌路諸大端無不解囊相助在他人以爲
一身力田不知幾費心力幾經勞苦始得積銖累寸一旦
輸捐於其間未免慳吝形諸色面謝君寶珊雖未讀書能
知大義非智而能若是乎令子昭孔中學畢業生也今在
廣州軍官學校函書其父一身事業巧子爲序余以筆墨
久荒累欲執筆爲文擱筆者久之茲當貴族華乘告竣予
不揣謏陋畧紀其實行而爲之序

前清附生五品翎頂江蘇候補主簿姻末曹文煥蔚如

氏謹撰

中華民國十六年丁卯季秋月上浣

穀旦

贈謝君香蕙先生序

謝君香蕙號堯瑞資興北鄉魯塘人也秉性瀟灑氣宇軒昂善長言語快若風生不矜己不傲物不屑於逐利爭名咸知抱負宏遠非尋常之品彙匹儔余任廣州國民革命軍第一游擊司令部政部主任兼參議官先生亦任

本部上尉副官相與接洽一見如故遇有要務會議高談
雄辨咳玉唾珠論事則才堪指掌出言則計若湧泉朝夕
盤桓遂成莫逆部中事件多出先生之手籌算無稍遺

缺公餘喜談時事研究軍學加以奔走軍政多年學問與
經驗兩俱宏富司令部長胡公目爲大器甚愛重之同寅
莫不深信欽佩余現蒙委湖南臨武縣長先生同赴縣署
充任會計矢公矢慎清正廉明暇時聚首談心披肝瀝膽

中華云及貴族續修譜牒對余述其行畧囑爲作序 先生之

父龍文公學深養邃品端行方隱士也母氏羅太君誥授

中憲大夫嘉謨公之女清在江西永興縣左堂候補安徽

青平縣正堂成芳之妹 先生幼而丰采清秀叔黨不羣

靖平縣正堂成芳之妹 先生幼而丰采清秀傲儻不羣
最得父母歡六歲從明經曹丞杰學穎慧獨具敏捷異常
過目成誦與之講義悉應答如流時人稱爲神童稍長由
小高中校肄業下董生之帷園無留目升江泌之室月可
代燈徃往焯掌同劬剝心並勵欲求新舊兩學完全精工
卓有超眾邁群之概洵不愧爲人中之龍畢業後始與湖
南省視學歷任第七聯合中校校長張之綱女士柳釵成
婚伉儷甚篤甫生一桂曰景運頭角崢嶸有乃祖父風次
年充高小校教職員創辦團立公校及謝氏族學以廣教
育春風桃李秋水魚龍門下士未可限量年廿八遊粵任

揭陽教育科員旋粵軍援桂隨征南甯後詣佛山任中央
直轄滇軍清理地斷處職員因軍事變動由香港而上海
繞道長江武漢扁舟返梓遍覽名山大川各勝地景或賦
詩遣興或留聯紀念甚慰心目叩其詩聯句多風雅詞源
如陸海潘江聲價比班金賈玉誠爲民國少年偉人也際
茲司部發展雲雨會合若得陞任大權施謀猷畫計策定
建不世之奇勲造無疆之鴻業豈僅光耀鄉族已哉因紀
錄其行實而樂爲之序

國民革命軍第一游擊司令部政治部主任兼參議官現
任湖南臨武縣縣長同志萬中權敬撰

中華民國十六年丁卯秋桂月上浣

穀旦

贈岳父謝公才先暨德配岳母曹孺人夫婦合序

懷葛之世民安渾厚其風尚矣三代而降直道猶存迄乎
晚近人心不古世俗澆漓求所謂渾七噩七實難其人也
今岳父才先何如其殆義軒巢燧之流亞歟生平承
先人之遺訓本忠厚之家傳安耕鑿於盛世返淳風於上
古不慕榮利不接權豪不彫不琢以貞固其天無詐無虞
以完全其本雖未熟於經史優於文章而學士文人甫造
其門雞黍相留雅有丈人風其性柔懦不與人爭論雖有

強者欺之毫不動聲色壻少時曾聞此老談及故事有一
年與清明會公率其幼子數人同席叙飲所有餘殺用碗
盛之從旁有強者曰爾何得有餘我且食猶不足遂將其
殺傾於公盆不準爲私有公半言不發卽此而論以本分
之物人奪之而不厭其安分爲何如者後數十年其強者
盡歸烏有可見忠厚之能長久者固也德配岳母曹孺人
幽間其性勞勤其身舉凡事上接下睦姻款客無不克盡
婦職方之敬姜侃母亦相頡頏焉所以德積於身福貽於
後膝下舉丈夫子三女一而文孫濟濟繞膝林立將來之
發祥正未有艾壻筆墨荒蕪不能大杼偉論以闡盛德聊

中特

以習見習聞者勉而爲之序

愚子壻邑庠生袁南棻梓材氏敬撰

中華民國十六年丁卯秋桂月上浣

穀旦

...

...

...

...

...

...

...

射氏矣譜

魯塘謝才先夫婦序

謝上方言
贈王修謝才洪媼先生序

歲丁卯花燈初放余因事往柳越數日過塘西訪始祖宋
禮部尚書焦瑛公遺跡半爲豪所侵占悵望者久之始知
敬宗收族不可不急圖也退而與塘西族人繼談時局優
勝劣敗岌岌有不可終日之思此孫總理三民主義必先
集家族以成民族而後國族可維持焉言畢衆唯上厯兩
旬辭畢復回柳縣美雨歐風激動潮流智者規避嫌疑愚
者行險僥倖不數月世如棋局人似翻波同種相殘草木
皆驚當軸者鑒于外患未平內憂迭起力圖挽回之策而
人心始大定焉端午後余由柳抵家閒坐之間適有謝君

錦堂偕姪樹琪來舍客禮甫畢錦堂作而起曰敝族續修家譜公推家父爲主修願乞一言以授梓余笑曰三十年以前肄業船山嶽麓頗知文藝三十年以後奔走大江南北出入募府學殖就荒久矣烏能文既而思謝君才洪與余世有戚誼且與次弟南溪交情最篤余雖無才焉敢以不文辭稍頃詢其家世及素行核與余平日所聞大畧相同先生字才洪號照星謝姓巨族子也考其世系出自漢尚書夷吾至宋靖康元年文通公自豫章安成辛里徙承寧之雅岡而居焉傳至八世謝昌字建中遷楚南鄱縣昌公生六子居鄱縣者二洪武年間徙興寧程北者四長士

崇次士魁三士賢四士聰代有文人傑士光昭志乘今程
北魯塘皆士賢公之苗裔也才洪世宅魯塘忠厚傳家咸
守清貧曾祖諱忠緝祖諱孝聯父諱聯禎前娶方氏未育
復娶焦氏生子才洪遷居桃花廟小貿營生才洪性苦心
靈克承父志年十六尊嚴棄世遺田十餘担懇田數担先
生出典禾田厚塋其父歸而窮治田園人不敷出借妻焦
氏仍往桃花廟擴充舊業焦氏者做族新塘尾起發公之
令媛也性溫柔紡績縫紉種蔬灌園躬親井臼均不憚其
勞儉以持己豐以待人往來行人咸以賢良目之由是
先生治外孺人治內不數年而家道漸豐原田取贖更復

增至禾田五十餘担自顧凶荒有備棄商就農雖手胼足
胝終身不倦以是知先生能創業者也平日爲
人好善樂施遇有慈善事業靡不慷慨輸捐以故乾坤六
子連發其祥士農工商各有職業鄉人士咸艷稱之今謝
氏續修宗譜公推先生爲主修和衷共濟卒底於成則知
謝氏集家族以成民族集民族以成國族其關係非淺鮮
矣夫民族本乎天然國族憑於武力當此強鄰逼處人種
競爭時代謝氏尤能集合宗枝刊訂成帙殆所謂明德之
後必有達人者乎謝氏之興吾知其未有艾也余不敏素
與謝氏接壤鄰居見其譜氏告成因有感於國脈之盛衰

房孀母焦孺人序

男子有善昭也在人耳目間者邦國競頌而傳之婦人深處香閨內言不出非少君柳母之賢具幽閒貞靜之德何能抗雅揚風表彰當世哉若孀母焦孺人甯非巾幗翹楚者乎孺人系出名門類多有聲於邇穉年歸謝性沉默言笑不苟奉舅姑順承彌謹舅姑甚奇之錢谷筦鑰悉付焉每曰此婦作家者吾無憂年方笄卽相夫子主中饋事無鉅細擘畫皆井匕夫豪俠性嗜酒讀書雖未成名亦知大義生平喜交遊其於親朋往來酬酢孺人措置悉宜內顧毋虞無何中年失所天遺有四孤均未成立際斯境也

既無伯叔終鮮兄弟煢煢孑立形影相吊憐恤者知復幾
人家頗豐防頽敗視夫在日愈加儉約盤根錯節備極艱
難霜居苦守朝夕訓督諸孤以耕讀二字爲程不令暇逸
切戒奢華以致四子俱獲婚配咸慶弄璋其家積成小富
守而兼創先人業益倍之乃經營潤屋葺故鼎新美哉侖
美哉貞壯觀瞻焉而氏手拮据氏口卒瘁勞苦憂勤磨鍊
平心冰雪也砥礪乎操柏舟也故孺人春秋六十有八精
力康健紡績不絕布衣自甘澣濯至敝而不忍親棄殮糲
齧萊弗解重味時或灌蔬看猪家中瑣屑檢點必親老而
彌耐勞雖夜不成寐黎明卽起祈寒暑雨習成自然終其

身如一日目今子均奮發有爲諸孫濟濟頭角嶄然發皇
亦未艾也余以同一大房而兼瓜戚知之最悉特紀其畧
以備後日輜軒之採

王纂愚姓龍文紫青氏敬贈

中華民國十六年丁卯菊月下浣

穀旦

才杲公德配袁孺人傳

婦人中年無夫則守節難守節處子幼而赤貧無資生之策則更難孟子云有恒產者有恒心無恒產者無恒心士民且然况女子之流乎若夫柏舟自矢不因境困而二其心不因于幼而易其志斯難能而可貴者如袁孺人尚矣孺人迺出頭橋袁君珍廷之女幼嫻內則長精女紅歸於杲公恪守婦職相夫有道敬如賓也夫溺於嗜好枕邊屢婉戒之不悛家業蕩然奩物一空孺人處之無怨對聲生子三長學昧次學聚三學龍均未成立不幸天遭中折孺人日夜捶胸慟哭墜地左右至戚再四勸解曰上有翁

姑賴奉下有孤子待撫若夫死與俱節操雖無缺而孝慈
則有虧矣 孺人始回心作生計當是時夫死未葬家懸
壁立貸借數十婚喪事亦稍如禮愁坐悲思從何償還泣
向堂叔占魁助言成會完清由是家政獨任中饋主持布
衣麤食勤紡績力灌溉視夫在尤加警策其教孤也不稍
姑息長次貿易江湖課以善言飲食儉約衣服甯樸無華
切勿戲遊浪費三率耕鋤孺人雖不出門戶因天乘地指
示有方春風秋雨夏暘冬寒無或敢玩銖積寸累家業隆
匕起焉乃計潤屋營構鋪於桃花廟商居兩革便故鼎新
無非 孺人勞苦憂勤中磨鍊而來也惟長子空瘁精力

中道而殞致 孺人喜中生悲次三俱婚配各慶弄璋孫
現軍官學校畢業任少尉排長頭角崢嶸亦可知無恆產
者有恆心天之報施 孺人爲不爽也茲值續修家乘嗣
君仗義各任主修欲載屬恩德問傳於余余生也晚猶得
親炙芝顏懋行稔其生平卽登仙籙有可想像而摹倣之
者因爲之詞以紀其盛云爾

主纂愚孫龍文紫青氏敬贈

中華民國十六年丁卯菊月下浣

穀旦

房嬪母唐孺人節婦傳

天地清淑之氣不特鍾於男子而且鍾於女人然非得之
耳聞目見者筆之於書雖有嘉言懿行埋滅於荒烟蔓草
閭而終莫能傳故太史公曰士非附青雲之士烏能施於
後世豈獨男子爲然哉今以房嬪母觀之不其然乎嬪
母唐氏誕育名門幼卽端莊曉大義嘗慕晉季妃往事不
肯作庸人婦及長于歸房叔諱學焯字譜啓所稱善讀者
信終身得仰望焉必敬必戒挑燈佐讀蓋如賓也無何叔
以攻苦過度嬰疾吐血嬪母守繩牀奉湯藥衣不解帶
者數月年纔廿二所天忽喪嬪母日夜捶胸慟哭墮地

再四欲與俱盡左右勸解乳中現抱幼兒身有遺腹且有遺命忍死霜幃撫膺斷腸由是以婦兼男以母攝父并曰親操閨門嚴肅奉翁姑先意承顏姑亦待如己女朝夕與俱其撫孤也視若掌珠不稍姑息幼卽送讀日使就傅夜則善言相訓飲食當節衣服寧樸毋華及長率以耕鋤媪母雖不出庭戶而課雨占晴指導咸宜以致餘一餘三爲子營謀婚配伯男娶於方仲男娶於陳兩慶弄璋無非氏手拮据氏口卒屠勞苦憂勤中而致也他如延賓客和妯娌睦姻鄰一切家政井然有條綽有桓榭遺風且布衣麤食漚漚紡績至老而精力彌健冰節霜操眞破鏡無意

重圓隻燕不忍雙飛能扶正氣於兩間者宜其節報昌後
膺壽康吉而終譽也奈何春秋七十有九雙目茫七失明
舊冬燮和孫一疾不起忽然辭塵今春長子茂書桐繼而
逝 孀母搥膺頓足而號之吾子何罪吾孫何尤而均羅
此重疾天竟不永命耶或有因此事而疑之識者曰死生
之故誠不可測命也亦數也未必有關乎生前蓋節婦不
能與天爭命而天陰被節婦之後以福是天之報節婦於
不覺也故有仲子克家孫一曾孫二俱有豐姿可愛將來
芝蘭滿座流芳詎有涯乎爰卽素所見聞特滌筆濡毫而
爲之傳以俟當道者之表章焉

謝公德成淑配陳孺人墓碑

尊嫂陳氏閨諱美娘前清處士陳公開發之淑媛謝公德成之賢配也年十二歸謝鹿車親挽荆布自甘時人目之爲桓少君事翁姑以孝聞自少至老人無間言遇有拂和聲柔氣以解之及翁姑棄養力持家政儉以持已豐以待人處妯娌無諍詬聲禮所謂婦職克修者曾不過是歟宜乎口碑載道而賢惠之聲至今不絕也尊嫂以道光己亥十九年七月二十日戌時生享年五十有九歿於光緒二十三年丁酉十月初七日子時卜塋于祖山龍形亥山巳向生子三長學璵次學球中年物故三學璿號恒珠以

其長女過從於余誼至篤也生女一適焦賢而有德克母
遺風人咸道之孫號能華聰穎不群上年從余肄業邠侯
小學校功課完全大雅可嘉蓋發祥未艾有自來矣余不
才忝為孫壻習聞尊嬭之閨型懿範足並女史以俱傳因
道其梗概泐之於碑以備異日之採擇云

湖南公立師範畢業生愚孫壻焦德馨介生氏鞠躬敬撰

時

民國三年癸丑季冬月吉日

穀日

恭介

恭介

謝母鄧孺人七旬開一壽序

蓋聞祝壽構文稱觴進序類皆爛語諛詞雖喬皇典重每見幾於士林措辭若此輕重何憑殊不足徵信况壽序非古制也后人襲天保箕疇之緒而駢儷鹿莢之文始濫觴焉至於彤管揚休芳徽足式者求之近代殊乏其人獨於謝母鄧孺人有足傳焉 孺人系出南陽幼嫻姆訓葛覃有僉勤之德樛木有逮下之仁雖處綺羅之中而裙布釵荆其樂洵有足多者嗣若能華性穎慧總角就傳卽善屬文孺人常私心自慰曰此吾家千里駒也比長益勤學行

見萬里鵬程飛騰有日於此更可見 孺人之教導有方

也近乎霜凜空幃雪飄素幙 孺人則資蓆草以營生剪

金皮而自贖破鏡無重圓之日開奩餘整飭之悲 孺人

內撫孤子外操家政鄰里雍睦宅有閒言故閭里咸稱賢

母焉今值 孺人設帨佳辰袁君在漢李君蓋宣焦君谷

卿等集合同志為 孺人稱觴囑雲一言以為壽雲本魚

魚劣質鹿七庸材兼之東西飄泊南北栖遲宦海浮沈筆

墨火荒何能花生斑管頌合蓮鋒哉雖然有義不容辭者

在謹歌陸游詩為孺人晉一觴也詩曰蟠桃已結瑤池露

玉樹將聯閩苑香

資與比那五峯園學友袁在漢曹向 經袁贊華曹紹宗李

資興北鄉五谷團學友袁在漢曹向經袁贊華曹紹宗李
蓋宜曹紹藩焦谷卿曹含靖許萬材曹澍春焦玉輝許
之恒曹紹康等鞠躬敬祝
滿清五品銜賞戴藍翎江蘇候補左堂曹文煥盥手敬書
駐湘兩湖鐵路協會編輯部長曹錦雲只常甫頓首并撰
國十民三年歲在甲子孟春月上浣
穀旦

人自合其代人而辭其主平本交對之忠誠行長世之平
人福以起 命讓林編制以制手制其是族代體而
春風沐雨夫誠以

詩
田
方
訓
春福老翁夫婦序

古來匹夫而可爲人師者必其敦本崇實言行循禮而後
人師之我 翁躬耕隴畔足胝手胼披星戴月鋤雨犁雲
蓋自食其力人也稽其生平承家傳之忠厚作身世之準
繩不矜己不傲物不染塵俗不履公庭折矩周規履薄臨
深在上可爲人師而不媿者也 翁性渾噩樸而不華直
而不曲語不妄發一諾千金事無巨細矢公矢慎其奉高
堂菽水承歡喪葬有禮同氣二友于是篤無爾我之形擗
持家政端以勤儉爲本所置田產皆肥美可耕守而能割
倍增前人而家聲之不振庶幾克紹無忝也居積有餘凡

鄰里親族若有困苦及地方善舉多慷慨以相將大遠乎
慳吝者之所爲故族續修譜牒公舉主修手中拮据貸借
亦所弗惜原配 孺人方戒日無違雞鳴克警鴻案相莊
鹿車共挽雅有孟光少君風至於主中饋酒食是議尤其
餘事續娶 廖淑而且賢勤而益儉翁其內顧無憂矣生
子二繼父志業農與工記有曰良工之子學爲箕良治之
子學爲裘斯言信不誣云嗣後孫孫林立秀讀樸耕存忠
厚去欺驕洵一門之純良子弟也余與 翁居址不遠猶
得親炙行事不禁誌其爲人以載諸譜足見翁之可師云
爾

王纂愚孫龍文紫青氏敬撰

民國十六年丁卯歲在季冬月上浣

穀旦

雄珠公行狀

公誠我族人傑也生而聰明俊偉胸懷濶達有瀟灑出塵之表方長時淡泊自守耕貿是勤目雖未覩聖賢之書而其語言動靜從容不迫無稍或苟儼有儒林之風生平喜交游所聚會者悉正直弗與矜誇浮薄爲儔見有名達之士文學之輩均以優禮待之坐談人情世故應對如流使達而在上縱論時勢深中利弊雖軍政長官罔不言聽計

從卽不然而市於江湖隨其億之所中何難家累千金無
如命途多舛未克如願相償徒周旋於鄉黨戚族之間輕
財任俠爲人排難解紛不憚嫌疑不避斧鉞人不能解者
多方以解之事所難和者設法以和之維持調全揮金不
惜其餘事也閤族倡立昌公清明提議續修 公極樂從
竭力贊成尤知敦本尋源光前裕後謂非人傑而何 余與
公同一大房雖居源塘路隔二里許往來甚厚得悉素行
之實傳刊譜牒以備後之目賞云

王纂愚孫龍文紫青氏敬撰

民國十六年丁卯歲在季冬月上浣

穀旦

房祖才化傳

慈祥愷悌之人持身敦孝友涉世重卹憐睦姻親和鄉里此固鍾清淑之氣者能之斯亦可以光前裕後矣若房

祖才化其人庶幾近焉祖命舛三歲失怙上無伯叔終

鮮兄弟啼吁孤苦全賴孀慈撫成年及二入母又遽爾辭

塵哀毀骨立殯葬亦如禮值斯逆境讀書之願有志未逮

而其爲人語不妄發千金一諾存心忠厚處世和平不事

紛華不趨炎熱株林兇守終身跡絕公庭其與族戚友人

酬對無疾言遽色惟恐失人之歡祛吝化驕言舒遲而若

訥氣靜穆而不囂和光霽上德音秩上令人飲醇酒而聽

玉簫約其行藏耑務本業占晴量雨無日稍怠以致耕九
餘三較守先澤而繼長增高雖不以封殖自務而德之盛
者業自宏則守所當守創所當創初非營謀希冀於其間
祖恆有言曰勤儉爲居家綱領禮讓尤守家要道不儉而
徒勤家難興勤儉而不修禮讓家亦敗故令長男學賦三
男學錦胼胝耕耘不畏寒暑靡有暇時次男學詩刻苦攻
讀由小高中校畢業赴粵考入軍官政治入伍生意望耕
豐讀顯祖武克繩乃運不齊詩將升學軍官班忽染惡疾
中道而殂致祖未食其報孫聞之而悲其志訝甚繼而
思之復疑六謙先生有云忠厚留有餘地步和平養無限

庭青公夫婦傳

夫克心履禮折節行仁求得於原慤鞠祿之人蓋憂七其
難之因有感於房祖諱才猷字庭青號林啓先世由魯塘
卜宅源塘洞山環水繞公殆清叔之氣所鍾而能兼備其
善矣生而像貌渾樸性質醇謹溫良幼送讀天姿不甚穎
敏亦能沉吟苦思曉通大義比長耑務本業力瘁農商胼
胝耕鋤無日稍怠暇時學計然術運籌幃握決算千里治
家以朱熹格言爲範自奉儉約食不嫌糲衣莫尙華勿忿
爭而財贏氓智術而儲饒匪直食舊德抑亦擴充前業田
連阡陌皆置肥腴可耕棟宇新構共美堂室與侷然在他

人恒蓄財以自封而在 公則樹恩以明德一時鄉閭族
黨有不及者恤之不足者周之若離瑾之憐孤如麥舟沐
柳之概助至創崇義立義倉設學校均慷輸金而莫慳斯
誠積而能散富而好禮者也公尤善是庭幃問視不怠朝
夕定省弗憚辰昏見親色有不豫輒和顏以解之奉兄長
若嚴父念篤孔懷壘篋翁奏罔戕同氣之恩待諸侄猶如
己出愛勞兼施一堂雍睦始終無詬諍語事過卽忘絕口
不言人過失故族大小公事概推經理惟公惟慎毫毋或
苟遇有紛難再四誠懇調解事若未決須賠財物莫惜義
貫金石信孚豚魚洵爲鄉族所欽重厥配 陳孺人婉婉

淑慎動容中禮勤勞操作一切家事措置井然既不減剝
荐之風更可徵畫荻之訓 公其無內顧憂者抑孺人之
助也舉丈夫子三長三業農勤儉性賦有乃父風次專讀
由舊學而入法政卒畢後卽任湖南道縣科員繼任湖北
隨縣房縣牧發典獄頗獲名利而歸 公亦處之淡然不
改樸誠之態壽享六十有五康強矍鑠忽而駕鶴仙遊謂
非德邵年高厚德載福者乎未幾仲男彩生正值有爲於
當世驟然修文於地府今春長男家生惡疾不起數日辭
塵族戚友人莫不嘆息咨嗟諒 公九泉之下亦必慟哭
憤恨矣所幸丹桂尚有一枝挺秀蘭蕙滿階芬芳閣族重

刷譜牒公舉正副主修兄弟各任一名仗義疏財且男明
生經收修金力勤厥事足見子孫知篤宗支而敦彝倫一
索再索定卜後望若是湮沒而不傳於家乘焉乎可日親

主纂房孫龍文紫青氏敬撰

民國十六年丁卯歲在季冬月上浣 穀旦

由餘學而大者如卒學如鳴琴如臨商如繼探如登升階如
世出舉女夫平三其三業與佛會卦定自八父風為事歸
著心風更何難盡效之隨公其燕肉燕宴客神蘇人必
然財隨谷中難堪也謝氏在陽容事林習其術想不如此

主修家聲因世先生墓志

主修家聲姻世先生墓誌

丁卯之秋七月既望 命嗣君樹芳倉皇來舍面述 先生之行畧及生歿年月墳山方向並謂族譜行將告竣囑余快爲之誌 余頻年飄泊筆墨久荒特居同鄉井誼關連襟且與 令仲氏爲同年友交甚厚不敢以陋故辭乃仍其所述爲之次第以應之 先生諱學精字家聲陳留之苗裔清太學生庭老年伯之冢子前湖北隋縣典獄官拱章庚兄之兄也少讀書具大志尋迫於父老弟幼棄毛錐負耒耜東作西成家業遂擴大而稱富有人尤溫 and 頗嗜酒習與人接談娓娓然有王猛捫虱之慨然終絕不道人

樂爲之倡 先生之梗概大畧如此去歲乙丑 貴族集
議續修家乘公推主修 先生不吝金不畏勞慨然值任
而弗辭其輕財好義敦宗睦族又何如乎元配 黃孺人
莊嚴靜婉餽送施與凡 先生之所欲行者敬承無違惜
昊天不弔遽分鸞鏡繼娶於焦 余堂姨姊也終溫且惠又
悉與先生合德故天不負善先室舉丈夫于一聰明特達
見義勇爲隱然有乃父風承先啓後可謂大有其人惟
先生生於前清光緒乙亥年九月十九日至民國丁卯年
二月十五日而卒年僅知非諒有遺恨今 先生已古人
矣 令嗣君已爲卜墓祖山地名老流塘地向西圓泡下

辰山戌向兼巽二三分之陽青山疊聚綠水廻環斯為扶輿
磅礪秀靈所鍾異日靈爽式憑益當篤其保世滋大之慶
於是預為之賀

前常甯縣印花稅局長姻世弟張宿海月江氏敬撰

時

民國十六年歲次丁卯孟秋月下浣

穀日

黃

房叔彩生傳

叔性沉潛貌渾厚少時苦志雞窻珠磨有素戶庭不出人罕見其面作文清雅無泛字法亦道勁不弱且最謹於言行言不妄發行不妄動凝重不佻信義爲本品視文尤高一等叔之好學篤行能見重于名師不少矣乃時勢變遷科舉傾滅學校大興邃古者尤貴通今遂赴湘省攷入法政學校遠紹旁搜學行備致大闢新舊之門泛覽遊觀知識漸爲開濶造成有守有爲之資堪稱當時俊傑足爲民國羽儀至與友交嘗披肝瀝膽無事假飾咸欽信之自法政卒業卽委湖南道縣科員繼任湖北隨縣收發房縣典

獄約畧飽囊而歸亦非不義之財鄉黨宗族靡不欽仰樂
頌正值葉茂花開定結碩果轉奈偶遇霜雪打破緋衣見
召作賦玉樓知不獲於丹鉛寵遽邀夫碧落拋妻段氏中
年寡宿空房孤枕難眠僅遺一女幼抱待哺是誠天道之
不可測也抑亦家運之大不幸歟悲夫而孺人不忍叔嗣
虛懸矢志柏舟苦心冰玉欲挽目下江河選擇胞弟長子
能賦承祧希圖紹叔書香尤見四大房創立昌公清明
樂捐田租四十五桶俾叔同享千秋祭祀其意深且遠
矣雖偉丈夫猶或難之後日發達詎可量歟

主纂房侄龍文紫青氏謹紀

謝公聯達暨德配焦孺人六旬開一雙壽序

謝公聯達暨德配焦孺人六旬開一雙壽序

庖犧以一畫開天陽生陰長而夫婦之際由此生焉是以
易首乾坤詩肇關睢俾天下後世咸知君子之道造端乎
夫婦及其至也察乎天地古人舉案齊眉相敬如賓者洵
足嘉也胡隆字白陰陽和而後雨澤降夫婦和而後家道
昌則知家人女正位乎內男正位乎外男女正天地之大
義也一家正而天下之爲父子兄弟夫婦者定故壽考維
祺躋堂酌兕詩人播爲美談後人製錦稱觴同聲合頌豈
無自哉謝翁聯達先生資興巨族子也世宅程北源塘
性樸誠稍知文字先大父見背事事惟長兄是命竭力耕

田不辭勞瘁暇時經營小貿積寸累銖而家道遂蒸蒸日上淑配焦氏前清處士丙初公之媛也糸出名門克勤婦職處築里閭咸無詬誶聲兄弟析爨後仍復敦睦如初生子三長才祥擇配焦氏堯軒公之女繼配胡氏益慶公之女次才禎過繼胞兄聯通二才福擇配焦氏春容公之女才祥督以農業才福課以儒行鄉人士咸知其耕讀傳家過其門者多欽慕之以故名聞一鄉雖屬中人之產凡有慈善事業及國用軍糈莫不向先生解囊以助而先生能明大義量入爲出不少吝君子觀法於家而知先生夫婦之端表人倫者曾不多覲焉余嘗游通都大邑見

夫世卑期流於平等自由之說夫妻之綱不正借老之

夫世界潮流涵於平等自由之說夫妻之綱不正借老之
願終虛醉染歐風沈迷美雨置先王禮儀於不顧識者不
能無世道人心之感也今先生與焦孺人年登甲籙康
強逢吉子孫林立各有職業儉以持己豐以待人不益見
先生夫婦之賢德可以壽身卽可以壽世也哉余與令戚
焦君錦葵素相結契得聞先生夫婦之齊家有道應世
有方輅胡福而延蔓齡故余不揣其禱昧而樂爲之序

京師大學堂師範畢業生現任南路師範校長

前清優附生鄉愚弟段廷珪拜撰

宣統元年歲君己酉季冬月吉日

穀旦

修職郎謝公氣珠老先生墓誌銘

公姓謝諱聯達字氣銖清授修職郎世居北鄉源塘士賢
公賢齋也合昆三 公居次狀貌魁梧業農商家庭孝友
唯實踐之自析箸後知農爲本商爲末農事甫畢經營商
務出入不苟嘗以義爲利家業漸隆然性好善諸凡美舉
襄以重貲 年續修家乘 公推主修欣然自任民國以
來五族共和 公見民吾同胞物吾同與齊家而國治國
治而天下平於是與同宗人士倡建義學 公樂多捐以
玉成鄰里家族有棘於遇者 公貸益不辭且近年軍需
孔亟仗義疎財尤口碑載道咸無間言 令季郎送讀書

厚束修雖未獲鵬程亦時命爲之非 公所逆料也惜哉

公以道光二十九年己酉十二月初五日丑時生歿於民國十一年壬戌二月二十九日酉時享年七十有四歲本年六月十六日壬時歸葬於楊梅地丁山癸向郎君三長才祥業農次才禎業儒過繼胞兄聯通三才福業儒女一適三都羅富松爲妻孫四長學熿肄業程水高等小學校次學燦承嗣仲男才禎名下三學煥四學灼均聰明俊秀孫女一有光門楣因爲之銘曰

德修於己忠厚傳家篤生賢裔純謹可嘉鳳毛濟美寶樹增華貽謀深遠十載不磨

前清從九品湖南增設警察學堂兼湖湘法

政學校法律科畢業姻晚焦鎮湘拜撰並書

墓對

漆燈光照千秋燦

寶鼎香焚萬代興

地卜牛眠祥鐘世澤

封遺馬鬣瑞啓人文

桂馥蘭芬培吉地

山環水繞護佳城

民國十五年丙寅十一月中浣

穀旦

贈主修謝君富祥姻先生序

歲丙寅仲冬月余由資興中校會同職教員考試諸生畢業歸小孫飛熊手呈謝君富祥譜系錄乞余作序余思壯歲肄業船山麓嶽涉躡經史諸子曰家頗知文藝中年以後幕遊大江南北人海藏身學殖就荒久矣焉能文既而思中國血統始於黃種上下五千年縱橫九萬里閉關時代雄掌中原以故滿蒙回藏合爲一家自海禁大開優勝劣敗岌岌乎幾有不可終日之虞此敬宗收族有心世道者不能不以仔肩自任也興言及此曷敢以不文辭謝君才祥姻先生字富祥前清修職郎聯達公之冢君也幼讀

詩書長研農業勤儉持家出入不苟性敦厚不好紛華昆
季有三怡怡如也遇有急難已所不能勝任者乞人以濟
之原配焦氏羅家冲堯軒公之女續配胡氏益慶公之女
夫婦相敬如賓家室得宜生子四長學熿次學輝過續胞
弟才禎三學燦四學煥均頭角崢嶸聰明俊秀卓有謝氏
寶樹遺風今族人續修宗譜公推先生爲主修並兼經
理其平日敦本睦族潔己奉公已可概見矣古人宗法之
立不惟敦睦一本其實家道之隆替以離合爲驗後世薄
俗澆風自相水火有失媿睦而門祚之衰外侮之遺恒必
由之中山孫總理提倡三民主義首重民族意圖積黃種

之而流以惟寺國永也是故有民族而後有國族惟民族

之血統以維持國脉也是故有民族而後有國族惟民族
出於天然悉從王道國族成於武力競尙勦功二者相輔
而行卽隱括乎脩齊治平之要族譜之體裁倡於歐蘇而
不知同德同心家族與國族相維繫也豈但詳其世系攷
其里居已哉方今強鄰逼處軍閥橫行非團結宗人合群
競爭不足以圖存則知保國卽所以保家理固然也先生
僻處山林似與國家毫無觀念然究其主修家乘俾後世
子孫咸知尊卑有序長幼有倫近之則俗尙修齊遠之則
功昭平治其關係豈鮮淺哉是知民權民生必以民族爲
前提而民族端本於家族經緯殊而源流一也余與先

生世篤姻盟得悉其家世及素行因有感於世界之潮流
與謝氏續修家譜之遠念非區區為合族同盟計也故勉
為之序

前湖南溆浦縣審檢察一等書記官

前清優增生姻愚弟焦錦葵拜撰

時

中華民國丙戌十五年成化丙寅仲冬月吉日立

曾三參謝君十編序

贈主修謝君才福序
水之汪洋長流而不息者必有其源木之萌達枝衍而蕃
昌者必有其本攷中國血統始於黃帝錦繡山河甲於全
球先王建國分茅祚土授之以姓而種族之觀念遂疏焉
後人積家而成族合同宗同姓刊之於譜是猶水有源木
有本也歲丙寅孟冬月謝氏續修族譜工將竣適余家母
抱恙歸而省視小兒鎮湘手錄謝君才福世系乞余作序
余嘗曠觀史厯及州縣各志通儒義士代不乏人邇來披
閱謝氏宗譜鴻篇鉅製不一而足焉敢以湔陋文詞妄汚
簡端惆悵者久之因思修譜之精意在追遠報本而文人

之著述鋪張揚厲踵事增華皆末務焉卽世系里居生歿
塋娶祖宗創之於前子孫繼之於後蕭規曹隨何足異哉
余觀謝君才福身任主修知宗法不可失也資興自東漢
永和九年劃分郴縣東境以來謝氏世居程北烏衣舊澤
寶樹遺風至今不替未嘗非祖宗積德累仁之所致也每
慨當今時局流唐漂虞滌殷盪周裂冠毀冕變本加厲岌
岌乎幾有不可終日之虞始悔同種相殘非居中攘外之
策而民族主義遂與民權民生鼓吹社會則知修譜之觀
念匪淺也近則敦睦族之情遠則寓交鄰之道明體達用
雖美雨歐風不足撓我國本今謝氏世篤宗盟續修譜牒

同德同心豈僅區區爲一姓一族計哉明德之後必有達

同德同心豈僅區七爲一姓一族計哉明德之後必有達人觀才福而知謝氏之追源報本非一人也小而修身齊家大而治國平天下謝氏之興其將未有艾乎余與謝君才福素有戚誼因得悉其家世且喜其仗義講學見重族人故不揣固陋而勉爲之序

前湖南溆浦縣審檢所一等書記官清優增生

姻愚弟焦錦葵敬撰

中華民國十五年歲在丙寅仲冬月吉日立

之善述鋪張揚厲興事增華修末務焉即

楚娶和宗創之於前子孫繼之於後則規

中華列國十正平茲丑丙寅惟冬月吉日立

文也

永和九年劃分郴縣東境以來 醜惡侵乘醜楚遊

南勝南嶺前線審健賦一筆畫晴日南對賦主

所致也


人於小器固酬而感益之氣也

本區秦亦起臨因告悉其容世且喜其好義

來本而世固平天不備刃之興其殊未肯艾平

人雖本顯而賦備丑之豈也

同於同也



大東家朝黃東記

水東家廟橫棟記

水東家廟先祖棲神之所也規制類居室中廳不甚宏濶
每春秋祭祀時族中少長咸集飲福受胙肩靡相望久欲
籌開拓之方而基定牆堅殊難改作歲己亥余館於其中
會清明上墓歸列筵於戶外餘坪照常叙飲酒數行長老
倡言曰我族子姓日繁祠屋難容曷建橫棟以推廣之眾
聲齊和屬余董其事余漫應之而未有發動也不數日執
事諸君徑購杉木數百泛至河干里中無少壯聞而馳視
負者負舁者舁霎時間盡舉而堆積祠前余見人心踴躍
欣然曰此事上爲祖宗中爲族眾下爲雲仍今輿情如此

敢不勉效綿薄遂乃先召窯人製磚瓦次第措辦木石等料秋成後鳩集工匠並村中壯者冠期興作翦竹木平地勢凸者剷之凹者益以塗泥方面既定隨即築立基址爲廳事一爲廂房二東西兩旁列子舍前後戶直巷通焉遠土木大興之際余每朝黎明而起招呼司事各夫循基營造時巡墉內外簡閱勤惰幸賴先人靈爽天氣晴明數十日而規模粗就仰瞻有遺漏處匠以瓦不敷用對彼時亦姑任之而已迨及臘月初旬欻然雨雪飄零目擊神傷甚至晝夜縈懷睡不安枕宵分而起者數四計無所施爰浼關心此舉者數人假諸余姻家迺徧覆而告落成而余之

子
身
台
身
暫
憊
矣
而
余
之
鬢
髮
從
茲
漸
白
矣
或
有
問
於
余

仔肩始得暫憇矣而余之鬚髮從茲頽白矣或有問於余
曰先生竭力建此永大之規專爲族人便於肆筵平抑別
有意見乎余曰目下國家孱弱外侮日凌詔各省府廳州
縣振興學校蓋非作育人材無以培國本而植強權夫國
之本在府廳州縣而府廳州縣之本在鄉鄉之本在族易
曰蒙以養正則族學其始基歟曩時僅有祖祠族人酒讌
恆於斯塾師設帳亦恆於斯雜處謹譁非所以昭肅敬而
妥先靈而今之厦宇則甚合式矣俛傍舊垣而不離別開
生面而不混乃墜乃塗四堵增壯麗之光其庭心宏敞可
容數十人而開講席且自修有室寢有室以此爲小學校

址夫何訾議之有雖然平素則爲教授之室臨時可作宴會之所一舉而兩適其用此余創造之微衷也他日者或因此而人材倍出俾國家轉弱爲強將上可以光祖宗中可以被族眾下可以蔭雲仍是則余與執事諸君之所厚望也夫

前清獎叙五品頂戴試用縣丞歲貢生國貞藻典氏撰

時

民國十六年丁卯季秋月 上浣 穀旦

登仕郎謝府雙起先生七旬開一壽誕序

登仕郎謝府雙起先生七旬開一壽誕序

世之可欽而可則者不必在名公鉅卿也不必在畸節異能也第於日用周旋世故倫常大節之間拳七懇七克盡乎分所當然自少而壯而老歷久未嘗稍懈操行若此雖名不出於里巷學未顯於搢紳人方習其爲庸行而忽之余於此深有取焉歲癸未余主講程水書院有謝生國貞及吾門文章品行卓有可觀功課暇偶與傾談竟日得悉其長兄雙起先生之梗概心儀以人之別後余奉命司鐸永興每屆星使臨郴之期僑寓關壯繆廟國貞亦抵州應試解裝旅次亟來請謁茗話間詢及先生近况則答以年

將週甲鬚髮漸白矣今春天氣和煦余以署冷頗閑散步
廨中方訝風動簾開國貞適遣蒼頭至幽稱先生六袞有
一里人士僉謀製錦爲壽丐余撰文以叙之余維命先生
之表履知之稔矣矧誼屬通家曷容辭先生幼事鉛槧
徇齊冠儕輩塾師日受數千言畧寓目卽能背誦見者靡
弗瞠視而驚竒不數載頗窺書中大旨而家僅中貲幡然
棄毛錐不用躬率諸弟操阜通業逮春夏播種之時則又
與之併力田園舉凡蝟務兄先弟後各爭爲其難者從此
積有贏餘漸次購良沃營居宅自以未獲躋身藝苑婉商
於父遺季弟國貞就學束脩務從豐腆國貞亦感憤卒以

妙齡食廩餼稍慰課讀之望至於兩尊人意有所需預儲
以侍奉養常將以愉色一門之內和氣薰蒸先生殆孝
友性生者歟尤篤於姻眷其妻同產兄適鄉紳某責迫索
不已毅然代償無德色既而外門鬼餒若敖爲之樹碑表
墓歲命其子酌奠榛墟俾岳祀絕而不絕謂非先生之德
德歟他如族修譜牒以及成杠砌路諸善舉非特慷慨輸
金且恒領袖以肩其任能聚能散夫豈封殖自私者所得
比倫先生之懿行尚夥殊難縷述卽此數端余不禁重
有感矣嗟乎人心之澆詭也往七侈談締交平居不相識
之人一夕共話遂爾披肝瀝膽誓此生永不背負途人而

骨肉之而於同母昆季轉至因父母之愛憎財產之爭競
婦人之讒說浸潤旁觀之冷語離間一旦角弓翩反骨肉
疏於途人陷溺已深馴至二老之供養不顧姻黨之困窮
不卹甚或假名募化陰以肥其私橐乃如之儉殆未聞

先生之素履乎 先生於日用周旋世故倫常大節之間

內之無愧於家庭外之無慚於戚友則可欽者在斯可則
者在斯中庸曰庸德之行聖人且重之誰謂余之欽且則
爲諛哉余羈於官未獲躋堂介壽一親 先生之丰采聊
以昔所聞者節錄以復國貞用作稱觴之一助未審 先
生惠覽之下其以余言爲當否

持受郴州直隸州永興縣司論丙子科舉人揀選知縣
掌教程水書院衡山通家弟向源綸松濤甫拜撰

水東老圃代作

光緒二十六年歲在上章困敦屠維單閼月中澣 穀旦

水東老圃傳

水東老圃者初不詳其姓字其所居之處西北障山東南
帶河瀕河數十武有圃種植芹蔥韭薤薑薑瓜蔓繞牆籬
梅桃柑橘十餘株每當風日流麗景物輝映宜人老圃督

臧獲灌溉之下不時遊玩其中以消遣環顧蕪穢之妨蔬也輒信手芟夷之或見而晒曰先生何勞也則莞爾

應之曰余非以此自業不過非其種者鋤而去之耳因其

里各水東前著有水東坪詎特自號水東老圃云老圃齒

十一始就外傳日誦經書數百言寒暑十更補弟子員旋

梓日一家嗚噓之餘其母憮然日二載前恍惚見人匆七

急馳云爲某秀才報信汝子須遲下屆當時以爲幻夢而

今果然異哉小小科名冥漠中亦有定數歟厥後試高等

六戰棘闈己丑恩科主司閱卷賞批已備中式尋以小疵

見擯瑁稜情懷漫期後望未以科舉廢祇得以明經就縣

丞職定簿五品之獎叙會鼎筆而時勢變老圃告然長嘆

丞職旋膺五品之獎叙會鼎革而時勢變老圃浩然長嘆
曰所學非所用何能與鑽營後進競奔走哉老圃設帳十
餘年諄上講授規誡綦嚴貧不能納束金者卽畧致餽遺
亦卻之曾館于山陽仙邑西古刹也舊有乩壇極靈應悅
其境地清幽作七律賞之曰禪院數間小若舟羣言膾炙
呂仙遊巖藏金象道心寂鳥和書聲轉舌柔萬丈流泉穿
石罅千竿修竹蔭門樓箇中佳景描難盡還有奇觀在上
頭蓋寺後有石臺空際老圃錫以美名云又數館于本祠
兼攝族中祭學各公款持籌權算嚴而明不可干以私有
納子母者先爲蠲一歲之息或希再減老圃曰此舊規也

何可徇負責者無從致喙然以未遂其請事後往七對之
族人以祠屋規制有類民居庭墀不甚宏敞肆筵弗便共
謀增建橫棟屬老圃董其事老圃銳身自任一面課徒一
面鳩工營造自始事以迄落成責無旁貸其心苦其力勞
未嘗告瘁於人蓋其性樂爲此舉動也跡其生平崇義積
穀兩局皆地方公益之事創設時老圃率皆與謀而學校
籌款本園練兵以及修治橋樑道路諸善舉非特慷慨捐
貲且數肩領袖之任嘗曰義所當爲竭吾力而已惟居恒
不信佛教兩尊人歿時或有諷其作道場者正容謝之曰
與其耗費數十金飯僧道以貽吾黨之非笑何如用之於

樹碑表墓俾得垂諸永久之爲愈乎蓋老之爲人也剛正
不阿然諾聞遐邇少壯時舌鋒銛利道人所不能道言人
所不敢言或有桀驁不馴則更因磯而暴怒聲色俱厲罔
顧其能堪與否卒之恒以此賈怨謗晚來悔口語之太甚
刻自檢束不肯輕赴以與人紛競事卽迫於不得已亦惟
春容以理論之然關於名教綱常之大目擊儂薄少年妄
自銜鬻以希纂取權利則又不忍坐視不禁勃發難遏侃
侃論說必挫其鴟張之勢而後止及其退而燕居也室中
貯几硯經史諸家書數千卷誦讀之餘間檢醫方以救人
或有所賦撰冥索遐搜者久之甫得三兩句搦管疾書便

哦七作吟咏聲及思到艱深之處機室意乖辭難猝達目
霍七上登面起皺文以故屬稿不積日不出也既成反復
細玩間有膚淺鄙俚莫愜心懷隨卽翻閱向所涉獵之書
遴其典麗肅皇與所作相脗合輒行竄易之夫然後私衷
竊慰適客過訪見之披覽數四謂之曰先生之文取法秦
漢以後而命筆遣詞似得力於文鈔志異兩書然乎否老
圃齋然曰言無所本則爲杜撰子誠深知我者古文之外
集有雜字大成一卷以作淺學津梁限於貲而未梓繕本
出競相抄錄傳誦焉惟訂正字類標射煞費精心不得其
人未肯輕授而現在新學家不復講究音韻之學惟有秘

藏皆竄以奚來者異日者有出采訪老圃事責表揚以垂

藏箱篋以俟來者異日者有能採訪老圃事蹟表揚以垂
後葉苟譽之而逾其實老圃原不願居或毀之而損其真
老圃亦笑而不受譽之毀之皆所以傳老圃也而毀譽之
有無又未可必則老圃恐終無傳矣爰倣晉之五柳清之
青門感喟歔歛而立傳

前清獎叙五品頂戴試用縣丞歲貢生國貞藻典氏撰

民國三年甲寅 仲春月 上浣

穀旦

岳母曹孺人行狀

謹按岳母曹姓江邊東福公之女幼事母以孝聞來嬪於
謝翁姑雙健先意承志庭厨藹然因食指繁衆諸兄卽家
化市諸妯竭力經營 岳母甫離閨秀屏當劬勞遇事爭
先又以其暇紡績緘紉至貯私蓄數十百金以故家庭內
外人無間言而岳父亦得以優游課讀無煩厥心性情端
慤內明幹而外柔順尤篤於大義遇鄉里有善舉以及一
切賑恤之事費不貲不計也不喜時世飾布裙荆釵惟求
清潔至於華臚浮靡之物生平未嘗御用家有圃在宅右
數十武是卽岳父之以老圃自名者年近六旬猶時時灌

鋤其中寒燠不輟抱朴子云勤而不匱儉而不吝任其自
然積福留蔭則岳母有以頤其壽致其慶者又何疑焉

附生湖湘法政學校畢業愚子壻劉運翼敬撰

時

民國三年甲寅仲春月上澣日穀旦

清獎五品頂戴候補縣丞歲貢生謝公藻典暨德配曹
孺人墓表

謹案岳父藻典公名國貞世居邑之北鄉故又號水東老
圃其先代由袁入謝曾祖立滌公祖志榮公本身祖志樂
公父居先公皆有隱德兄弟五公其季也年十一始就讀
聰穎特達異羣童甫冠隸博士籍旋鮪廩初本欲以科第
顯雖早歲教授而於文場制藝形規神絜未嘗稍懈清光
緒己丑科赴本省鄉試已擬中式是歲公之房兄國南由
官學教習中順天舉人公以溢額被黜遂絕意進取嘗謂
功名之際至難言也唯思爲善於鄉族州里謝氏有四大

學會公經理多年產漸溢每歲聚集合族父老子弟演習
典禮於以不陞村中各公款亦由公獨力區處案上除古
書外簿冊重疊任人查閱故久專弗疑其私者舊祠堂宇
湫隘春秋祭飲台歡幾有不能容足之勢公規畫於舊祠
右增闢橫棟款縮而成功易遠近橋梁道路及有關公益
之舉量力捐貲又恒董其役勞怨靡計教授十餘年啓迪
維殷遇高材生貧不能納束金畧致餽遺亦却之賦性峭
直崖岸森立有以事告者是非曲直攬摭不隱背後則無
一言人之受其譴責始覺難堪然多賴以曲成胡釁且皆
量公之真情相許與非有意氣於其間也一纂袁譜再纂

謝譜悉盡畢生之精力以赴敬勤無怠爲學則宗五子間
涉及許王音韻之學著有詩古文集雜字大成及訂正字
類標射等書存家清光緒二十三年丁未援例歲貢得縣
丞職自是稍置世事築圃於距村右之百餘步披襟戴笠
種菜蔬橘果其中嘗對人曰凡菜茹手植而手擷者其味
彌甘凡物親歷辛苦而得者食之彌安蓋公之意原藉此
以爲樂又欲誘勸後進於無形耳

岳母曹孺人江邊處士東福公之季女幼有孝行來嬪於謝
諸伯仲卽家化市營淮南業娣姒竭力深助岳母甫出閣
遇事爭先惟恐後時以是得翁姑懽又於其夜分紡績鍼

紉儲私蓄數百金俾岳父得以春容措置無內顧憂最喜
清潔卽舊物光澤異常自御縮衣嗇食款客則甚豐腆至
遇善舉尤能與岳父合其德家有圃卽岳父所謂老圃者
年逾六十尤灌溉不輟內明幹而外柔順村中瑣務有不
能解決者恒得其片言而渙然冰釋故人樂親就之舉數
子天惟順昌成童尋殤日夜五內憂積淚痕染枕蓆女三
長余髮配也歸余一載而生賦兒又三年以產疾終賦兒
依二老膝下二老因愛其母而施及之屢向余言欲以嗣
順昌余不忍拂二老意後置側室陳氏亦育數女迨岳母
卒而生厚坤岳母卒於民國十一年七月壽六十有五葬

牛形株樹塋岳父後 卒壽 塋與岳母同穴從遺命也

前曾作岳母行狀引抱子勤而不匱儉而不吝任其自然

積福留蔭數語私禱岳母必有以致其慶者今賦兒麤更

事而厚坤頭角崢嶸有嗣孫又有親子矣則天之所以酬

有德奚容或爽特岳父親見其長養成立而岳母不與然

人無百年不敝之軀既得享之於身後愈足見天之所之

酬有德爲尤篤而余之私禱爲至公魯頌曰春秋匪解享

祀不忒敢再進一辭以慰二老之靈於千萬禩焉

日月同躔光芒萬丈 鳳翼環塋祥徵鳳翥

山川毓秀蔭庇千秋 牛形卜地吉叶牛眠

青囊符主胡南去後專門學交畢業現充林縣地廳律師

言上
主修媼兄謝君瑞棠序

凡人之處境固欲其長順而無稍逆也然際太和充牣之極門庭以內不一見乖違庸福雖云厚矣譬之放舟千里日日風平浪靜未經波濤之險惡卽善操舵者亦奚足以顯其技此古今中材之士因過享康裕而其行不著者夫豈少也謝君瑞棠於余誼屬內兄兼聯新媼爲長岳伯學焯公之季子學焯公生君兄弟三長耕次讀家道正昌君年甫冠長次二兄相繼而歿斯時學焯公夫婦以垂老之齡膺茲鉅慟幾不欲存人世之樂矣君含忍淚曲意承迎於雙親寡嫂孤姪之間又在尙不更事之餘遽起楮柱一

家之重卑鼎斤兩足而公諫不獲則言之暴心則行誠匪

家之重俾鼎折兩足而公餗不覆則君之操心制行誠匪
易易也嘗讀漢史謂王楊之子孫材器名稱均不及其祖
父邵位西以爲如酌尊然本醇而末益漓自然之勢要非
可以概論一切也以君之善繼善守實無慚於學焯公之
勩業歲丁卯君族續修家乘其長子昭謚肄業粵東黃埔
軍官學校走筆乞 余序君余維君生平力農圃勤耕稼絕
外好篤宗親言笑取與悉中繩尺若能之抑非僅君能之
蓋爲人所同而非君所獨也若以人所同者稱君是謚所
以乞余序君之意耶余故削其君所同於人者而惟就當
日所處獨異之境而紀述之云

清優附生湖南法政專門學校畢業現充郴縣地廳律

以字余京君女意准師妹文劉綿漢撰

蓋其時與我同而非其同也昔以人同古亦同也

民國十六年三歲次丁卯季秋月上浣重刊

再言學對女年子余京君余撰其主令代其圖也

樂業道下也其意欲多來其夫其子其孫其

何以辭論一也此以昔之善也善中實無情學教

文辭以函以錄以情以義本朝而未益辭自然之

其厚也昔贈對女臨玉麟之子終林器各稱其

奉之重也雖而爾及而冬精不野服其女終心

雙雙終夫請其長

雙啓夫婦墓表

君姓謝氏名國焯字雙啓前清耆老資興北鄉水東坪人
叔配彭孺人閨字器娥同里栢木江宜章籍鎖改之女夫
婦生平世蹟足以風勵後世者均載譜首茲無庸贅君生
於前清道光二十年庚子二月十三日卒以民國十一年
七月十五日享壽八十三歲 孺人生於次年辛丑九月
九月初二日卒以民國九年庚申八月十六日享壽八十歲先
後合葬此山牛形株樹澆辛山乙向兼酉卯子男二長在
恪次在愔三在忱過繼四叔國烜女人一適曹秋汝孫男
三人孫女四人曾孫男女六人其似續正綿延未有艾也

古制昭垂崇合葬
二老瘞斯山林壯色

豐碑屹立紀遺徽
諸峯向此奕葉彌繁

資興知事彭振鏞拜撰

民國十五年丙寅冬月吉日

例授登士郎謝公學燭夫婦合傳

歲丁卯季春月

淵奉國民政府主席譚公組菴之命出使

湘省車塵初息倏與舊同寅曹君忠甯兄相晤於可亭

先生之寓廬問侯之餘復言本年資北謝氏宗祠續修譜

牒爲其岳父母句淵言爲傳以付梨棗而增光寵夫公

與二孺人之行誼昔在粵垣與忠甯共事時每於公牘閒
暇談之甚詳且悉固有足以風世而垂後也公姓謝諱
學燭號佑啓才閔公之次君明經進士國貞公之胞兄
也幼聰慧塾讀冠羣童因淡意功名遂致力農圃兼持貿
易披星戴月手胼足胝雖嚴寒酷暑未嘗祛步因之拓先
業而益大焉且性孝友知大義推財讓產雖薜包不難並
駕急難禦強縱趙孝亦可抗衡德配曹孺人性溫柔敬
尊嫜和妯娌處己待人喜怒不形於色詬誶不出諸口勤
而兼儉洵閨彥也生女二長適劉次適曹連產數男食不
育淑配側室陳孺人貞靜純一婦德靡不兼盡巾幗而

丈夫也生子一喜如女三長卽忠寧兄之賢內助次亦適曹而喜如品貌不凡公與曹孺人喜出望外詎月盈則缺公竟於宣統元年仙遊蓬島次年曹孺人亦相繼而逝

陳孺人哭不欲生並於靈前誓而言曰妾之所以不從君於地下者以有此孤在也敢有奪志者之死靡他聞者縮舌兩次喪事極其豐厚由是守節撫孤紡綿織纒含苦茹淡無數艱辛迨喜如稍長廼師送讀慈以濟嚴男婚女嫁靡不井匕有條現年逾半百康強猶昔含飴弄孫以娛晚景諺云苦節者貞其然不其然乎且喜如弱冠卽已畢業程水高等小學校歷充水東國民小學校教職員經理家

友三不釋卷十氣說出爭七有聲鵬程九萬里不難破壁

政手不釋卷才氣銳出錚匕有聲鵬程九萬里不難破壁
而飛又出多金以任助修不辭勞瘁兼任編校其慷慨好
義心具父風噫非 公之積德裕後 孺人之懿行可風
曷克臻此淵 奉檄調明日赴贛而忠甯亦同時旋里因
濡火荒之禿筆次第其語以歸之是爲傳

前清選拔出身歷署湖南嘉禾道州知事現任江西
贛州高等檢察廳廳長年家耆晚粟仁李曉淵敬撰

民國十六年歲次丁卯季秋月上浣

穀旦

知園十六年...

錄且



節節...

蕭天...

愚京...

蘇子...

而...

則...

射母曹...

謝母曹孺人七旬晉一壽序

衍洪範之疇嚮用五福上天保之頌載咏九如然而冠壽
於二三之前後言好德於次四列壽於升恆之後前咏爲
德於五章可知非壽無以徵德非德無以永壽昭昭然也
若 謝母曹孺人位符巽順德協坤貞其始庶幾焉 孺
人系出寒門爲房伯父冰壺之女魁之房姊也幼嫻女誠
饒有大家風年及笄歸國學謝家齊先生恪守婦職奉翁
姑滄澹潔甘終始不違省視之餘見喜不形於色孺人卽
引己自責以爲今此之奉事者未當也又審性情以事之
處伯叔母與諸姑及姊娣輩尤從容婉曲無詬諄語俾先

生壹志詩書不稍生內顧憂先生家故小康嗣以昆玉分
散只受田十餘畝屋數椽深恐食指浩繁日用衣食難以
接濟迺用教授鄉里博取修金彌補其絀維時清朝以科
考取士先生之同儕遊泮水食廩餼列明經舉京兆均有
其人獨先生文章憎命屢困場屋未獲一售色蹙然而孺
人婉言諫之曰讀聖賢書明聖賢理功名之報可度外置
之此孺人之能識大體淡視富貴也迨光緒甲午年姻
翁遐棄先生堅辭教督安居田園時而寄情山水時而笑
傲煙霞怡養真精供職晨昏終母餘年不料天道難憑人
事叵測診戾侵尋忽沾瘰癧營醫三載費罄所餘卒苦無

改
需人參直
惟醫病不
次去水
幾不入
口者
按日既
念

效孺人慘值離鸞痛不欲生水漿不入口者數日既念
姑衰子少與其甘死地下貽高堂岑寂不如撫孤延祚爲
丈夫噓氣遂以媳代男以慈濟嚴自勸耕課讀以至刀匕
酒食紡績灌溉綉鍼補綴必親焉且心懷好施救困憐貧
鄉黨閭里殊多沐恩卽建亭架橋砌路疏河諸公益事
孺人不與聞則已苟有所請必慷慨助貲不落人後夫淑
婦名媛之生於世其孝敬慈惠勤勞節儉類不能兼於一
身而孺人孝而敬慈而惠勤勞而節儉者洵堪想見其
徽懿矣今孺人年臻古稀慶集一門兒息之醇厚樸勤
賴以成家者固多而女壻孫壻外孫等由高小學校及中

言
學校畢業者還復不少奮騰英茂方興未艾叶諸箕疇雅
什宜也魁於 孺人誼關宗支又居與密邇 孺人之芳
聲得聞於耳鼓已飶而堂姪竹銘叨其腹選謂本年冬十
二月爲 孺人設悅之期其哲嗣寄恩金昆製錦侑觴藉
以表 孺人之高年揚 孺人之淑德乞序以壽魁爰是
本平日所見聞者次第其語書之錦序屏以當南山之祝
云

前清增生房弟夢魁斗樞氏鞠躬敬撰

中華民國丁卯年季夏月上浣

穀日一

節婦宗母曹孺人六旬晉一壽序

丁卯之秋八月既望闔族父老兄弟暨局中各同志會於
大路脚之祠集議譜事結束維時紅日已墜涼月漸升族
人士均遊於清風明月之下昔人謂月到中秋分外明誠
不虛也我族賢英皆聚於此有高吟月中丹桂之句者有
朗誦月德夫人之詞者雖無絲竹管絃之盛而一遊一詠
亦足以暢叙高情時有監修泮生先生顧余而言曰吾村
有節婦是家和公諱學紳之妻即王修求德之母也茲值
年週花甲願乞先生一序以爲壽光聞揖而讓起而對曰
壽之爲言酬也亦受也惟大德者必得壽今孺人年逾

六旬是天所以酬孺人之德而孺人克受此永年也
但孺人之德光不見聞何由而知其酬與受與泮生先
生曰孺人之德吾固知之稔矣孺人出自譙門年及
笄來歸於謝夙嫻內則恪守婦道琴瑟靜好敬戒無違誠
有大家七篇垂誠風性溫柔質怒淑言則啍匕行則慤匕
故理家事多歷年所未聞有聲達戶外奈命不猶人於歸
後寒暑十餘遞更而家和公竟遊仙鄉矣孺人哀痛悽
慘飲食弗進欲與同盡殯死者數次有勸孺人者曰上有
阿姑下有幼兒古今來貞女烈婦能事上撫下留名千古
者不知凡幾何必區匕以死見奇哉孺人聞之泣然曰

余之苟延殘喘不隨夫於地下者實爲老母與孤兒耳

孺人柏舟矢志誓以孀守甘淡薄無事裝飾好清潔無染
污垢較之斷臂割鼻投穢殉夫者何多讓焉此

孺人之節也洎是經營家事治內治外毅然以一身肩之
悉惟阿姑之命是聽比時家漸中貲而孺人克儉克勤

如主中饋操井白日灌菜園夜深紡績俾家得以饒裕而

克置田園者孺人幾費經紀矣至其事奉阿姑一羹一

飯必親自經手以進於姑之前無敢疎忽數十年如一日

然事上惟謹而撫下惟嚴其子稍長送入學堂課讀彌殷
不存姑息之愛卒能以優等畢業於程水學校其義方訓

子大率類此厥后阿姑年逾古稀舊痾復作孺人先意

承志親侍湯藥左右就養調治多方衣不解帶者月餘而

太孺人竟溘然逝矣孺人哀毀骨立殯塋皆如禮弔者

大悅他如鄉有善舉如修橋刷路諸事傾囊以助無吝色

卽族續修家乘孺人命其子以主修自任其深明大義

如此方之桓孟之賢歐柳之善殺身成孝者不是過也此

孺人之孝也節孝如此先生以爲然否光喟然曰若是節

孝兩全宜天以壽酬之俾爾熾爾昌俾爾壽爾康是卽可

以壽孺人矣而何必揚厲鋪張假設諛詞以祝孺人之

壽哉其子求德青年在局襄辦譜事動容周旋皆能中禮

光知其立志不凡故常遨遊湘贛及武漢諸地與當代武裝同志相往來絡繹不絕諒非池中物也他日扳輿導養羅紙傳封其必有以光顯姆教而仰報春暉也夫是爲序

王纂庠生宗晚 光文銳盥手敬撰

民國十六年 歲次丁卯 仲秋月 上浣

穀旦

謝佳福老兄先生行實

謝君^諱學華字佳福老兄先生與弟同時人也不喜讀古書言行動與古合古人有三不朽先生居其一焉惟知人之明不勝佩服從何見之本鄉有黃某青年命途偃蹇俯

仰維艱與先生交訂莫逆觀其氣象崢嶸將來出人頭地
每臨門輒優待之如是者數年雖淡泊家風需用孔多無
難色可謂血性丈夫也厥後黃某奮志從戎重助川賢以
備不虞某累戰累勝果奪錦袍官職居中品足見先生眼
界高超風聞之下束裝奔伊任所慶賀并非希圖酬報同
盤數月氣味漸不相投黃某未免辜負知交返梓後族戚
叙談不追悔無怨言如斯度量千百中之僅見秉性剛直
語言激烈凡事心口如一鄉鄰有爭執者邀請入場孰是
孰非當面果決不畏勢不徇情渙然冰釋兩造銘恩直道
而行爲地方息無限訟端書云一言興邦信其然乎四境

不盡善舉會同勸捐慳吝輩悉受節制事關公益極力
贊成遇正直紳士起愛起敬不知者以爲倚勢凌人其
知者以爲尊崇有德近君子謙受益本真然也一生傲
骨愈老愈堅處境平坦有爲有守無他不求金玉重重
貴但願兒孫個個賢先生看破名利兩途不事機關惜
乎學未顯於搢紳困阨閭里未能大伸抱負不禁爲之
長歎耳立言居不朽之一宜乎流芳百世載在譜牒允
爲閭族中光云

前清庠生愚弟袁陳綱質文氏謹撰

中華民國十六年丁卯季秋月

下浣

穀旦

中華列女傳 謝母曹太孺人墓表

太孺人姓曹氏閨字翠娥處士曹長春之女生而宵窈淑慧神姿艷發年及笄歸於修職郎謝才建爲妻綱直表躬莊姝協度嫻習儀則雖劉向列女傳所載溫良恭儉諸德者無不備焉初修職郎昆弟三男婦子姪大小數十口羅列滿堂同爨而食 太孺人以荏弱之身主持中饋朝饔夕殮若行所無事其童穉之饑而啼食寒而號衣者皆察聲辨色饜其意以去以故戶庭以內肅靜無聲治家勤儉有法度故衣補綻若新而款賓設饌必豐必潔性孝友慈惠事舅姑以誠相夫子以義處妯

媿以和育兒女以慈鄉黨鄰里無不異口同聲交相稱頌
不置迨折爨後撐持門戶若健丈夫男婚女嫁子平願了
悉中禮經家業亦隆隆而起先是所居湫隘乃將諸子卜
宅於廣東坪肯堂肯構規模式廓煥然一新古所謂巾幗
鬚眉流徽彤史者庶幾近之 太孺人生於清道光十三

年癸巳十一月二十陸日歿於宣統三年辛亥六月初一
日享壽七十有九以本年十一月貳十日葬於猪灣嶺形
午山子向舉子男子陸人女一人適曹書棠孫男十人孫
女四人曾孫八人其瓜瓞綿延嗣續繁殖正方興而未有
艾也距歿之八年民國己未哲嗣詔宣等謀將阡瀆葺而

前清五品軍功謝鶴汀先生壽序

余在郴候學校謝君在翺曾從余遊當時肄業諸生率不免有囂張氣習而翺獨矩步規行言笑不苟望而知其祖若父之培植良深也盛暑時因其祖今年八十有三其父暨若諸叔欲製錦稱觴以爲壽命索言於余蓋其祖爲鶴汀先生幼丁其號也余與先生相距不下十里雖於戚族處數親其道範亦第見舉趾之雍容丰采之和易恂恂如似不能言而未知其素行何若也既而在翺出其藻典先生爲撰行贊內稱其量渾涵又曰婦孺稱爲長厚賢愚仰厥謙光捧讀之餘而知先生之所以獲壽者良

有以也何則張文端聰訓齋語有云人能慈心於物不爲一切害人之事卽一言有損於人亦不輕發無論冥報不爽卽胸中一段吉祥愷悌之氣自然災沴不干可以長齡矣先生既有渾涵之量長厚之稱謙光之可仰則必慈心於物不爲害人之事不發損人之言而具吉祥愷悌之氣者也以此而獲冥報免災沴延壽算又何怪耶恒情負氣好勝與鄉里相周旋往匕挾智以欺愚逞強以陵弱恃衆以暴寡甚且有順應潮流將人之生命財產恣意犧牲而自以爲得者既乏渾涵之量又無長厚之心而所謂謙光者更無有也取快於一時而喪失其本心幽暗之中

鬼神在焉吾知其必遭天譴矣先生勵志芸窗前應縣
試曾列前茅非不智也有子四人孫及曾孫八人非不强
且眾也而其生平若是宜乎感召天和年踰八十而康強
矍鑠宛若少壯不啻薑桂之愈老而愈辛也今當華辰祝
嘏畫錦張筵彩衣羣集朱履滿前或獻詩歌以祝難老或
致頌禱以祈永命余亦取藻典先生贊語推闡而申言之
以見先生獲壽之有由亦欲使世人聞之有所警勵相與
同登仁壽之域耳是爲序

前清廩生晚曹順華謹撰

民國十六年歲次丁卯 季秋月 上浣

穀旦

謝君丙元夫婦傳

謝君諱學升字丙元起丁叔之第三子也與余原兩派一源君遠祖克恭由袁承謝克恭祖袁珊裔孫耳余鼻祖亦袁珊兩派一源之根柢所自來也迄今世遠年深祚會與共慶弔類通猶是一家骨肉先生世居水東坪間隔咫尺論秩序是兄是弟往來最密每於酒席晤對其言嘖嘖其貌甚古其性極溫實有類於古之愚當二老在堂時先生奉事惟謹命坐然後敢兄弟六首每聚能友恭歡無際若遇有事西疇無論戚友滿座煙簑雨笠荷鍤而往任風雨之沐櫛不辭况瘁獨行踽踽盤桓間樂趣無窮且到老弗

懈頌白負戴矍鑠異常類羲皇以上人家道之昌明先
生有以遺之余所習見者猶未也生平是道則進非道則
退受辱不怨唾面自乾一生惟謹慎大事不糊塗數語括
盡 先生之行淑 配曹孺人名門望族姆教夙嫻治內
治外中規中矩女誠未讀暗與古合有大姑餘音不愧中
饋稱賢 先生暨孺人一以仁孝傳家一以慈惠著名無
惑乎子肖孫賢也惜乎年僅花甲夫若婦相繼辭塵可慨
也夫 先生生於同治五年四月初十歿於民國十五年
正月初二葬金甲嶺未山丑向孺人生於同治五年十二
月十六歿於民國十二年四月初六葬祥開山乙山辛向

兼辰戌貴族續修家乘乞余爲之傳俾二老之懃行永垂
不朽但至好無文爰將素所欽佩者筆之於右簡端以昭
垂於不朽云

時

民國十六年 丁卯 季秋月 中澣 專寒 一以穀旦 各無

自夜中與中取艾媾未齋部與古合身大故翁言不野中
盡 夫平之三百味 願曹衛人各門詳列無殊風賦俗因
更受養不慈動面自諱一坐卦難斯大舉不勝奎燭結珠

主音以戲之全湖替良眷辭未也主平長蓋潤並非並限

以取白身煇暨驗異常巖巖星以土人寒後之昌兩

主修從九詔宣序

卓犖環奇之士非必各登科甲也非必身列仕途也但使
伏處草茅日與田夫野老相接近其於國家大計事權不
屬末由借箸而展其設施而桑梓聚處之區有祭胙焉有
學校焉有大小公款焉以及熙來攘往之途地義天經之
大率皆分內所當爲亦旣得所藉手欣然竭力主張不憚
勞不避謗一一經營就緒盡此心而無慚衺影此其人蓋
有足多焉堂弟詔宣門下士也從遊時齒未成冠姿僅中
人而專心致志昕宵奮勉同堂諸子莫如也不數年學業
漸底於成書法亦覺端楷無如交厄於運屢試屢躓頓覺

前念灰冷矣爰設帳於本族家廟兼秉各公款項或計畝而收租或權子母而司出納登誌明晰毫無侵蝕里中有償逋欠者蠲息悉照舊章毅不稍徇雖斯人對其太嚴甚至信七面相諍詔宣不爲所奪也至於成杠砌路之舉其款多由募化而集詔宣常肩其任一面挹取於人一面開給工匠有時棘手興嗟拮据無策慨然發內帑以接濟然後嚮彼允輸之戶漸次斂金彌補可謂不憚煩勞歟蓋其爲人也喜於任事卑以自牧恒念物力維艱平居日用飲食之需未嘗稍涉奢華惟尊兩人花甲初度婉商昆季折柬招諸戚友介壽時陳設綺麗鼓吹鳴聒閭里嘖七稱羨

年齊屈古稀慶祝之儀視前倍益光寵迺知詔宣之不以
自儉也其親也嘗見其昆仲析箸後二老無力尸養分供
餐飲詔宣每值膳期先具肥臙依也然勸進良殷語云有
深愛而後有愉色斯爲近之厥後雙親繼殞哀毀如禮力
營齋塋之餘雇工伐石樹碑表墓屹然增山麓之光尤見
其篤於所生云要知詔宣之綜理族務如此贊襄善舉又
如此更於倫常之際拳也懇也勉圖補報於萬一是蓋沈
酣於經籍者久賴以開拓其心胸薰陶其性質所由諳練
日深任事故之紛紜不難措置而咸宜雖未展其驥足出
而與顯宦達官共建勲猷於當世卽此宗族鄉黨之間義

言上
所宜盡者無不盡大本大原之地力所能爲者靡弗爲亦
可以對答親友而無愧奚必登科甲列仕途乃爲不虛生
天壤間乎詔宣勉乎哉目下人心不古徃七肆其便佞逞
其雄強欲起而與吾黨相傾軋吾願詔宣當此時勢尚其
堅忍維持勿因譗詠而遲疑勿畏威權而退縮總期於事
有濟是則余之所厚望也夫

前清獎叙五品頂戴試用縣丞歲貢生國貞藻典甫撰

民國十六年丁卯季秋月 上浣

穀旦

助修瑞春序
主纂族姪龍文紫青氏撰

且夫直也者天地之體帝王之道固人生之本自夫人不
察其本然之性而競習於機變之巧於是權謀數術循環
百出而不窮將兩間正氣幾乎息矣若族叔瑞春其猶
古之遺直與叔貌古蒼性簡默終身不言人過失有老成
風無浮囂習誠確自守立心罔詐罔虞渾噩存真處世
無偷無薄愿樸之氣見於眉宇自少至老接人無俗隘或
以橫逆加者亦順受之隱忍弗較自幼業農圖戴月披星
不辭耘耔之勞沐雨櫛風莫惜灌溉之苦雖酷暑流汗嚴
寒徹骨未嘗憚難稍息躬餘尤學梓匠以營不時之利

叔之勤苦如此而更加儉焉嘗謂成家立業飲食務從淡泊衣服切戒奢華人生在世但求飽食煖衣娶育承嗣足矣豈可過望 叔故再三婚配得一子二女造屋宇置田產亦稱小康其處庭幃孝友誼篤事養九旬邁母一粟一粒必親手以奉和聲柔色若萊子斑衣待昆季友于爲懷怡七相樂堪追姜家宋君之風縱未澤以詩書而其宋七謙慎待人彬七有禮古來修德之士恐亦未過是也以視醉夢膏果子弟佻達成習放蕩於規矩之外耗棄祖父之業者奚啻霄壤之別哉然則叔之勤四體分五穀匪特可以化澆陋之習卽世之求富貴利達者莫不深爲嘉許也

贈助修房弟少春序

房弟少春有志人也昆玉五而弟則居殿性樸實黜奢華
既不喜立異矜奇尤不喜輕狂浮佻十七歲兄弟各爨僅
得良沃數頃不敷家用弟克自振作堅矢勤儉披星戴月
於隴畝之間沐雨櫛風於異域之境勞其筋骨餓其體膚
如是者朝夕莫敢違處從此日積月累漸有贏餘卽一粟
一絲無或濫費因之家業日興人財日盛創田產置園屋
連阡累陌幾與殷實富厚者相抗衡雖曰富貴由天而事
業實在人爲長兄乏嗣以次子承其祧且矜憫孀嫂極意
優待他如成杠砌道以及拯困濟貧諸善舉尤能慷慨解

詩上友記
囊無稍吝噫弟可謂能識大義者矣 淑配方勉承夫志

孝翁姑和妯娌一家數十人從未聞詬誶聲至其勤紡績
勞灌溉甘粗糲喜荆布直與其夫勤儉合德弟之得以成
家者亦賴內助之力居多玉樹三均卓然有成易曰積善
之家必有餘慶足見弟之發皇正未有艾也茲值續修家
乘弟仗義疏財担任助修余雖不文聊掇其生平梗概垂
於譜牒俾後之覽者欣懷歎賞於不置焉是爲序

房兄國登詔宣氏撰

時

民國十六年 歲次丁卯 季秋月 下浣 穀日

書泮生

王纂堂叔國貞藻典氏撰

前清光緒十四年歲在戊子夏五六月之間天降災殃四處瘟疫流行染者率皆霍亂轉筋踰時卽斃市中材木一空徃七夕陽旣下燐火熒上或羣簇一團大如炬小若螢或星列四散此現彼沒此沒彼現鬼聲倏遠倏近甚至更闌籟寂四通八達之衢鳴鈴繹絡吹角淒涼恍若千軍萬馬奔馳狀聞者睫毛森豎徧身寒悚起粟當斯時也祈禱周遐邇鐃鈸鍾鼓之音昕宵聒耳余每自塾歸省甫抵門闌下輒觸瘴氣頭漸暈村中人心惶惶無所爲計家兄雙起偕執事諸君叩許醮禳尅期招集巫侶建道場於廳事

功未竣而堂姪泮生之祖母暴疾殂謝倉卒間攢柩堂右

越日幼妹隨天踰二日叔弟季弟又接踵殞尸停外舍嘔

瀉穢濁之物狼藉地上成窪妻與仲弟及婦皆抱微恙父

尤僵卧牀頭眩然瞽瞑姪孑然一身乍入而捫搯病父旋

出而左右哭弟踉蹌庭幃之內如是者終宵搥胸慘慟眼

泪欲枯天將曙趣造春雍先生家泣懇療治先生聞其况

有難色欲得食而後赴諭以少廼姪窘甚滾地悲號不得

已從之行適經寒舍過先母曰枵腹恐吸穢氣稀醜可啜

幸勿卻也先生喜符所願促其速返糞除然後臨榻診視

慰之曰若父病雖重可保無虞殯兩弟後奉父移居別舍

日進湯藥漸就痊可有抱中女方晬盤一夕悽坐未寢忽
聞喚曰妹憇去休蓋俗於小女子多呼妹而不字審其音
悟爲亡妹之鬼魂無何其女果殤嗟此一室之中疊遭疾
病死亡之慘天之厄姪者亦劇矣幸天運有循環否極泰
生次年卽占熊夢仲弟亦隨弄瓦丁口漸增宜可稍紓愁
悶迺三閱寒暑椿樹忽凋齋壑後綜計前此所需家中產
業強半耗銷未幾與弟分炊內顧家益窘初設帳於村塾
旋貿販而逐什一之利經營數載迄無起色旣而幕遊粵
西不憚道途之遠幾勞案牘之形始得薄有所獵治裝旋
梓而仲弟家頓落有時甕底空七竈冷無煙家口嗷七待

哺覩斯情狀不禁肺腑酸柔雖弟之闖茸堪憎而幼稚之
 啼饑可憫因不時河潤之書云惟孝友於兄弟姪其髮鬢
 焉爲人精明豪邁議論風生遇鄉里不平事反覆駁斥不
 避嫌怨以故負屈者多以聞其在倔强之夫比時雖絀於
 詞奪於理而事後不受訟累亦未始不傾心德之余今已
 老任亦年週花甲矣生平事蹟未暇縷述迴首往事其天
 性之肫摯脫非遭逢患難亦無自掬以示人染翰直書庶
 令後之繼起者知姪之篤厚於親并知當年世道之大變
 云與曰救息去於蓋谷然小女于余和慈而不罕容其首

民國十六年丁卯季秋月
 滄中上浣
 穀旦未隸

鑒修泮生研兄序

泮生研兄余之莫逆交也少壯時命途偃蹇早抱陟屺之
嗟在業師石老先生門下時余喜其文具匠心不肯拾人
牙慧以同臭味故甚相得奈飛難破壁數不得志於有司
歲戊子余忝列膠庠兄仍諸生如故心甚惜之是年夏瘟
疫天行兄村最盛三日之間連喪其祖母以及兩弟一妹
不數載尊人又復棄塵兄貲素不豐以疊次耗銷家道因
之中落遂欲棄毛錐而別尋生理後業師勉以功勸一贊
復卒讀實不虞其一青衿難博得也居無何各落依然乃
絕念進取貿易江湖而經營又不遂意改設童蒙帳於鄉

村然以家中生齒日繁束脩所入餽粥難敷於是隨堂叔
杏江游幕粵西襄辦公務越數稔頗有儲蓄回念多年寒
窻苦無發洩因援例入國子監嗣後由粵返梓或爲急公
局徵收或作本村中首董更或爲邨侯學校續捐經理皆
秉公正直人無間言厥後民國成立創辦學堂充當教員
者亦復有年而生子二皆長成得以婚娶兄可謂失之東
隅收之桑榆矣詎意患生莫測次子染疾殂謝拂意之遭
又一波折迄今蘭芽秀挺生氣正萌行見盈階繞砌濟美
鳳毛有日也淑配朱氏賦性婉孌善於持家井臼以外躬
親蔬圃勤儉不奢能以身爲子婦率兄在外得以無憂家

室者皆內助之力居多綜兄生平清潔自持剛直無所屈撓雖處寒素而磊砢落匕不受人憐孟子所謂貧賤不能移威武不能屈者兄其有焉今歲丁卯合族續修家乘四房父老舉兄鑒修昔馬援年六十二猶據鞍顧盼以示可用兄符其數而精神完密勝任有餘其爲宗族光也不已多乎夫世固有前途順適而晚景堪憐者兄則半生坎坷至遲暮而增榮道故之下不禁欣慰因爲之序其梗概聊以效編紵之贈云

主纂同學弟樹燉竹原氏謹撰

中華民國十六年丁卯季秋月

上浣

穀旦

中華... 國十六年... 師... 兵...

... 西... 師... 兵... 師... 兵...

... 師... 兵... 師... 兵...

... 師... 兵... 師... 兵...

... 師... 兵... 師... 兵...


... 師... 兵... 師... 兵...

... 師... 兵... 師... 兵...

... 師... 兵... 師... 兵...

... 師... 兵... 師... 兵...

... 師... 兵... 師... 兵...



其父
謝母曹孺人墓表

孺人姓曹氏資興北鄉大坪堆上克敬公之家女年及笄
歸同里水東坪春雍先生先生貞童子師也居同村落孺
人生平頗悉族修譜牒時已將行實載列卷端無庸贅孺
人生于前清道光十三年癸巳五月初九日卒以民國九
年庚申七月初二日享壽八十有八塋金盤形子山午向
兼壬丙子男三長景澤次景膏均業農二景惠蚤世女二
長適唐次適曹孫男曰孔從本邑師範講習所畢業曰寶
庭寶理寶璋均業農曰寶時尙幼孫女五人曾孫男五人
曾孫女二人

龍勢蜿蜒成吉兆

此地鐘靈瓜縣陟茂

牛眠馴擾護佳城

其間毓秀鶯鸞翔

清獎叙五品頂戴試用縣丞歲貢生國貞撰

時

民國十五年

辛酉

冬月

上浣

穀旦

謝以成先生夫婦傳

以成先生諱景澤昭晨公之長子也世居水東坪性孝友

其父六旬卒事其母供養極豐母性頗竣疾稍有所觸

撻相施先生相依膝下言則任其言撻則任其撻殊不避
易惟愉悅其色靜氣婉陳以俟其解而已處兄弟怡怡如
也三弟負笈求學其母過於樽節凡適口食之魚肉禦寒
之火爐皆不有以給之先生避其母一一購買送之校中
其友愛類如此幼讀書甚穎慧因父業岐黃之術時常出
診家事不能兼顧先生年甫成童輟讀而經理一切自是
農圃之餘並營貿易無論寒暑不稍倦怠而其自奉尤爲
簡約以故積銖累寸至中年而家以大起先生甚廉介
族之人舉管公務分文不入私囊前續譜牒曾任督理亦
竭力以盡其職務先生歿于民國七年是時其母尚存

讀上方言
先生在病中自知不起泣曰吾母尙在不克終養送死豈
非一大恨事耶其孝思之純篤如此也 淑配曹孺人性
柔順事姑嫜無急言愠色其姑家教甚嚴孺人慎遵之不
稍違以觸其怒和妯娌相見如賓勤紡績有月則隨月以
從無月則囊螢以照恒深夜不稍休至於飾身之樸素自
奉之節儉猶其餘事以是知以成先生之所以克致豐亨
者孺人之力亦不少也生子三長孔從先生課之讀期望
甚殷年費多金無吝色厥後科舉廢學校興命承祖業次
寶庭則課之耕各有職業三寶律蚤世先生恒戒之曰吾
人與世周旋寧我嘗畏人不使人畏我此可見其不欲多

上人矣今夏孔從君不憚暑熱攜其父母行狀乞爲立傳
不辭謏陋畧爲刪潤以傳之 論曰異說之日盛也孝友
兩端幾爲一般青年所弁髦而對於富貴徃也舍其職業
行險僥倖以相圖至於婦女惑於自由以致越於軌外者
亦數見不鮮此固潮流使然亦未始非家教不端階之厲
也先生篤於孝友而致力農商孺人則善事姑嫜而勤於
紡績本躬行以爲家教宜其子女皆耳濡目染而束諸規
矩法度之中不隨時會爲轉移耳充斯以往家之興其可
限量耶

通家弟前清廩生曹順華謹撰

民國十六年 歲次丁卯 季秋月 上浣 穀旦

謝公景澤先生墓表

公昭晨公之長子諱景澤以成其字也勤儉成家與夫架橋礮路並他美舉慷慨樂捐人亦然爾不甚重諸子之所重于公者事母至順公母八十餘現強健公年六十其順承之心愈老愈加非僅養其口體而且養其志心非譽也公息盡前一日猶令其子若婿輩力相扶持跪於母前言雖不甚明白而意以不能送死爲憾所行若此其後必有光大其門閭者特表於墓以風當世之不顧其親者公生於咸豐九年九月初十日歿於民國七年十二月十四日

享壽六十歲子男子三長孔從次寶庭三寶律早世子女

三孫子五曰樹珍樹玉樹珪樹嘉樹璧孫女二

並第衣 大氣盤旋成吉穴 墓門陳俎豆

姑嶺風 諸峯環繞拱佳城 表事示兒孫

願奉參校 廣東知事顏曹興敬撰

舊時

民國八年 己未 春月 穀旦

謝氏疾譜

水東坪 定成先先序

四

王修謝定成姻先生序

蓋聞建不朽之功應先疏財而仗義樹以大之業端賴急
公而忘私是故不憂貧之君子孔子取焉能赴義之丈夫
史官錄焉光久勞於外非戎馬馳驅卽政刑纏繞一切故
舊久疎問候撫心自問良用歉然丁卯秋省特派宗君春
卿奉委赴攸改組黨部起程之先日來寓告辭茶餘閒談
故都風土人物話及姻先生定成之行誼雖不能與季良
並駕亦可與卜式抗衡光不覺敬之愛之不置也 先生
謝姓字景膏號定成水東坪昭晨公之次君而春卿君之
丈人峯也性敦樸明大義言訥匕如不出貌粥匕若無能

既不徇人以嬉嬉復不侮人以勁匕不干非分不較非爲
遇橫逆度外置之蔑如也且好義勇爲凡修橋砌路矜孤
恤寡濟困憐貧以及諸般義舉知無不爲爲無不力雖傾
箱倒篋而不顧如本年貴族續修譜牒 先生不惜多金
承任主修以助其成其彰明較著者也夫叔季之世錢慳
多矣先生以中貲之家見義勇爲如此過人遠矣且 德
配寒孺人淑慎溫柔事尊嫜以孝聞處妯娌以和見涉世
持身勤而且儉宴客欸賓豐而有禮閨閣丈夫也比之孟
姜柳桓誠不多讓語所謂無獨必有偶者也生子三長有
財次琪財三滿財皆聰明穎異孫枝疊茁悉頭角崢嶸將

詩上
來發皇正未有艾猶歎休哉非先生之積德累仁必克
臻此光禿筆以荒因欽先生之行誼特撮其梗概而爲
之序以備徵世風者之採擇焉謂之工拙不暇計也

前清廩生出身歷署廣東陽春縣知事滇粵桂贛聯
軍中路總指揮部軍事委員兼湘西洪江保商總局
局長滇軍第三軍軍部諮謀官兼佛山地段沿河清
理處會辦姻弟可亭曹國光敬撰

民國十六年歲次丁卯季秋月中浣穀日

修職郎亮德先生暨德配顏孺人九旬開一雙壽序

余自司鐸郴郡以來課文之下諸生不時請謁有少壯焉
有老耄焉少壯者英年卓犖吾畏之望之蓋前程遠大有
志竟成果能下帷攻苦異日抒所蓄以膺顯秩奚啻囊錫
脫穎若老耄者年高德邵不覺肅然起敬羨慕流連未敢
稍生玩忽心誠以祝動華封壽列二多之次疇陳洪範壽
居五福之先古今來帝王事業聖賢學問與一切功名才
望皆可由人力作爲而致獨至於壽定之自天不可以心
計攘不可以權術篡并不可以金幣泉刀購則得之也綦
難故尚齒引年之典自虞夏商周以迄於今達乎天子諸

侯大夫及士庶人洵重其事也歲戊戌星使案臨至柳有
年兄廩生藻典自其邑抵州應試解裝後造署相訪瀟茗
話世誼備悉其族聚水東坪老幼男婦不下數百人揭曉
復率其新進門下生拜謁心儀者久之判襪數閱月歛遣
紀綱來函稱族人修職郎亮德先生行年八十有一淑配
顏孺人長一歲里人士景仰臘高將謀製錦稱觴齊獻南
山之頌丐余序以文著厥芳徽謹按藻典所撰行狀先
生昆玉三行居長方失怙時齒猶未冠內顧母孀弟稚而
家不中貲奮然棄儒修業躬偕二弟寢爲農圃以自給手
胼足胝備嘗稼穡之艱難因而生平用度毫不敢僭侈及

其事尊堂也則又孝敬有加未嘗稍悞竭力而甘旨恒以
愉色奉享母患變急爲拊背復倉皇覓湯以進凡有所需
率皆先意承志其無忝所生如此至於待其二弟誼篤友
于兄有命弟弗忍違弟有事兄爭任之一門之內氣象怡
匕卽至析箸後了無閒言惟庭訓綦嚴或他出家人小有
紛競一聞將返則握手語曰來矣各屏息弗敢聲其持家
有道又如此晚來業隆隆起手指曰繁環顧居宅湫隘殊
難棲止廼因舊基新而廓之此在爲子孫謀固宜不惜重
費而鄉建崇義族修譜牒以及成扛砌路諸善舉竝慷慨
輸金無難色人方以樂善之名專美先生而不知孺人亦

與有德無力焉蓋孺人柔順雅執婦道非特敬尊章和妯
娒敦好述節荆布閭巷翕然譽其賢尤知捐助大義故能
相夫子以有成今俱耄耋矣孺人雖現龍鍾而先生精神
矍鑠善昭健步殆所謂壽而康者歟吾覽竟不禁喟然嘆
曰世俗之澆漓也紈袴子弟不事生產作業捐父母棄妻
孥日與市井黽僮攘臂釀飲叫囂直徹乎終宵甚至恣情
擄捕託跡勾欄揮用阿堵物視之不啻泥沙轉瞬而探囊
烏有憤火中燒罔顧家傳彝器驚作博貲潛搜婦女香奩
忙償戲債陷溺已深恬不知怪卽爲父兄者痛加譙讓抑
且反脣嘲嗜目一老爲昏聩訝同氣爲苛繩乃如之儉聞

先生之風應慚懣而汗顏矣茲以歲聿云暮爲先生夫婦
慶壽之辰余謬膺重託愧未克衙官夙宋臺隸陸潘聊次
第行狀中語以贈之

特授湖南郴州直隸州司諭細湘謝圭寶輯生甫拜撰

水東老圃代作

光緒二十四年戊戌季冬月

中浣

穀旦

民國十六年

丁卯

季秋月

中澣

刊

贈友蘭序

余以樗櫟庸材忝膺本族學校校長房曾孫友蘭在校充當教職員恰於是年墨修家乘令余纂輯墨稿友蘭晨夕與共往往夜話連牀評駁古今人物鏤花雕續粲於齒牙深宵後猶媿匕不休一談及新刊著作間有玉卮無當之文敷陳失實不禁啞然笑余曰此諛墓之詞不啻空中樓閣全無根據覽者莫之信也今予年將花甲生平良有可採盍浼精工詞藻之士描寫一生事蹟俾得表著今茲日後載入譜牒昭垂後葉不亦勝於埋首牖下湮滅無聞者乎友蘭曰自度半生來株守敝廬了無卓異驚奇之事足

以掛人齒頰憶幼時奉先大父命束髮受書攻苦多年屢
試未能獲售雖縣城小試也曾偶列前茅而星使案臨初
蒙選擢揭曉依然康了敢謂司衡無目乎想因文落下乘
耳兼以先丁內艱繼遭父喪又繼而大父母接踵捐館頌
年來疊被哀麻例不得試頓覺前念灰冷矣而內薄田數
畝俯畜維艱不獲已設帳授徒自行束脩以上殷勤啓發
原爲師者所當盡之義務至於倫常之際苦於財力不
足弗能日奉甘旨以博重闈堂上之歡抱恨良多敢云孝
乎雖婉商諸叔勉力爲大父母樹碑表墓而所需阿堵物
皆取給於祖遺不過一經手之勞若桑梓往來之地周旋

世故無德於人亦無怨於人雖類競七自守究竟幹濟無才耳嗟乎塊然一身上無以增光先世中無以裨益地方下無以造福兒孫未免虛生天壤負此七尺之軀清夜自捫古人且遯世無悶我何人斯敢希藻飾虛名留存簡册也哉余聞言之下不覺喟然曰世之匿采韜光其懿範芳蹤未獲顯揚於宇宙蓋無有真知灼見爲之表章者今予之平素余所稔諳其律躬斂抑未嘗稍涉矜夸其接物謙冲早已潛消暴戾其交友有信卽至睽違以遠而操心莫負初衷其與人必忠雖當時勢變遷而矢志弗爲所奪制行若此而乃寂寞自甘余殊難爲子解焉予所棲遲之處

名留家隴茂林修竹扶疎左右每當鳥語花香適性怡情
以爲樂保無饜飫高尙之趣深恐名跡之彰耶詎知景者
眼前之玩好而名者身後之榮施居恒經歷之境已自言
其梗概非必卓異驚奇始可令人擊節卽此家庭內外仰
不愧於天俯不作於人亦爲士林所嘉許可以載在篇章
而無忝若夫粉飾行仁修德之虛詞鋪張濟物利人之瑣
事子固不樂膺茲浮譽余亦不屑以斯泛上應酬之文而
強爲吾子序

主纂歲貢生國貞藻典甫撰

民國十二年

歲次癸亥

仲春月

上澣

穀旦

言上
贈葆恕序

昔孔子設教杏壇其答及門之問孝不一而足蓋以孝者天之經地之義人人所當盡者也而卒之能盡者鮮豈果孝道難盡乎亦人之不肯自盡耳若房曾孫葆恕其庶幾焉四五歲時就外傳天姿敏捷連蹀諸童見者靡弗矐視而驚奇及學爲文深得清真之訣往往自出機杼不落恒蹊其花泛水流數百言揮毫立就而所如不偶屢困名場行年二十有三應科試始邀學使青睞揀選以備入庠方冀撥芹卽在旦夕不圖文厄於運案旣發依然名落孫山彼時耳而目之者莫不爲之扼腕咨嗟而葆恕處之漠然

也蓋其秉性也淡視勲名惟汲於於內行修謹方椿庭失
蔭時齒才弱冠尙未介意其孝行遠尊堂衰邁抱病纏綿
四時喘嗽不休喉內常格七作響睡不安枕若當氣候溫
和舉止自如猶不甚苦一遇狂飈肆虐寒威透骨終宵擁
被坐牀下部非得火烘則足冰而痰鳴愈湧葆怨每晷七
此况蚤則伺其起爲之整理衣裳夜則扶掖上牀隨將火
具溫其足如是者剛二十年了無倦容其克供子職也可
謂孝矣嗟乎我村數百人居恒所目覩者惟堂兄起祿堂
弟累福堂姪玉祥其事親也可云無忝業均紀其行實以
表之外此而實繁有徒不過有事弟子服其勞有酒食先

生饌率其日用供奉之常詆其爲非孝不可曾是以爲孝亦不可甚有養則不顧父母事則推諉老人乃如之儻則誠可惡可恨而不得齒於人類矣若葆恕之生平內顧家不中貲殊難自給授徒數載貿販多年而心計之精明舌鋒之爽利遇有盤根錯節事一經詳明剖晰雖繁驚之夫率皆感悟而迴嗔里中男婦老幼多以此重之而吾之所重者殊不在是也諸云百行孝爲先彼揚名顯親究竟無裨實用也食具珍饈亦第悅夫口味也孰若葆恕之虔事慈幃勤匕懇匕朝夕不離左右俾病軀賴其調護扶持俯瞻膝下之依匕苦而不覺其苦也哉謂之爲孝誰曰不宜

贈王修丞啓序

自民國肇興旋遭洪憲之變繼而南北分裂羣雄蠶起十
餘載水旱兵燹轉徙流離強者犇擁權勢藉肆欺凌頑者
哨聚黨徒力謀奪害甚或父子之間旋稱革命兄弟之類
時起競爭藉自由平等之名詞遂淹沒我文明古國之仁
義忠信孝弟廉節數千年之倫常大綱幾於廢墜無遺矣
丙寅冬我族長老驚潮流之囂張嘆世風之頹敗爰倡續
輯家乘思勗後進以趨正軌藉以挽回世俗於萬一怡青
忝司譜事而族孫月波蒞局以請曰當今潮流澎湃政事
新奇學說紛紜舉世若濁獨我族率由舊章和睦家誼將

數十載之家乘續而刊之誠幸也第以家君年將五十既
任主修復事經理雖賦質篤厚言行如一而自幼從讀未
就僅見識丁保母負厥職乎家君得遺產無多力事稼圃
炎夏之時常見夫披星戴月嚴寒之候尤見其撥霧履霜
耕耨之餘繼以灌溉夷芟之後復事漁樵且其食無鮮味
衣不麗色粗糲自甘裋褐亦適家居近蓼市時適闐闐無
濫費此雖家君之能事亦人之恒情惟其信以待人克以
持己寡笑言絕嗜好同堂數十人未聞詬誶之聲經理族
中祭學亦靡見絲毫之苟此家君之所以自守而自重亦
先生之所素諳者敢請以爲家君序乎青曰自食其力淡

泊自甘已足爲人欽仰且其處身涉世誠憤自矢宜其家
業隆起後葉蕃昌矧茲續輯家譜兼任主修經理既能捐
貲復能勞力敬宗睦族永垂不忘以視世之父于之間而
稱革命兄弟之類而起競爭者爲何如哉以視今之藉勢
欺凌恃強奪害者又何如哉噫若爾父者匪特足爲譜牒
光道可以爲當世法也矣惡不序

族叔青 仲藜氏撰

時

中華民國十六年 歲次丁卯 孟冬月 申浣 穀旦

中華風國十六年 歲次丁未 孟冬月 甲申 朔

初九日 庚子 歲次丁未 孟冬月 甲申 朔

庚子年 歲次丁未 孟冬月 甲申 朔

庚子年 歲次丁未 孟冬月 甲申 朔

庚子年 歲次丁未 孟冬月 甲申 朔

庚子年 歲次丁未 孟冬月 甲申 朔

庚子年 歲次丁未 孟冬月 甲申 朔

庚子年 歲次丁未 孟冬月 甲申 朔

庚子年 歲次丁未 孟冬月 甲申 朔



